

焦氏易林

三

LIBRARY  
OF THE  
UNIVERSITY OF ILLINOIS

895.108

Ss7s2

v. 398

CHINA







易林卷第三

三三 小畜

白鳥嚙餌嗚呼其子幹枝張翅來從  
其母伯仲叔季尤賀舉手

無註

之乳

東通虎地牛馬奔騰遠近不通幸因

無功







AC  
149  
S8  
v. 398

易林卷第三

䷧ 小畜

白鳥啣餌鳴呼其子幹枝張翅來從  
其母伯仲叔季尤賀舉手

無註

之乾

東過虎地牛馬奔驚道絕不通南困  
無功



無註

坤

子鉏執麟春秋作元陰將以終尼父  
悲心

左傳哀公十四年春西狩於大野  
叔孫氏之車子鉏商獲麟孔子作  
春秋

屯



取火泉源釣魴山巔魚不可得火不

可燃

無註

蒙

機關不便不能出言精誠不通爲人所冤

無註

需



故室舊廬稍弊且除不如新巢可治

樂居

無註

訟

蜚蛇循流東求大魚預且舉網庖人

哥謳

無註

師



鑿山通道南至嘉國周公祝祖襄適  
荆楚

春秋魯昭公將往楚子服惠伯曰  
先君未嘗適楚故周公祖以道之  
襄公適楚而祖以道君不行何之

比

鵲近卻縮不見頭目日以困急不能  
自復



無註

履

五舌啄難各自有言異國殊俗使心

迷惑所求不得

無註

泰

天門開闢牢戶寒廓桎梏解脫拘囚

縱釋



無註

否

堅冰黃鳥當哀悲愁數驚驚鳥鳥雛爲

我憂

無註

同人

日走月步趨不同舍夫妻反目主君

失居



易小畜卦輿脫輹夫妻反目

大有

金牙鐵齒西王母子無有患殃扶舍  
涉道到來不久

謙

王母神仙以東華至真之氣化生

拭牧拭牧憂禍相半隔以巖山室家  
分散



無註

豫

衆神聚集相與議語南國虛亂百姓  
勞苦興師征伐更立賢主

虛當作虐

隨

狼虎爭食禮義不行兼吞其國齊魯  
無主



春秋自齊桓晉文失霸中國無主

蠱

寄生無根如過浮雲立本不固斯須  
落去更爲枯樹

無註

臨

子啼索哺母行求食反見空巢長息  
訾弋



無註

觀

駕駟逐狐輪挂荆棘車不結轍公子

無得

無註

噬嗑

方喙廣口仁智聖厚釋解倒懸唐國

大安



按節之睽方啄宣口此卦作方啄  
廣口義通唐國即陶唐

賁

駕福乘喜來至家國戴慶南行離我

安居

無註

剥

孔鯉伯魚北至高奴乘馬金車駕遊



大都王母送我來牝字駒

高奴漢上郡

復

三足無頭不知所之心狂精傷莫使  
爲明不見日光

未詳

無妄

獐牝龍身刃取三千南止蒼梧與福



爲婚道里夷易安全無患

詩定之方中駉牝三千蒼梧地名

大畜

辰次降婁王駕巡時廣祐施惠安國

無憂

降婁宿名戌分

頤

望幸不到文章未就王子逐走馬騎



銜傷眊迹不得曷其有常

無註

大過

中原有菽以待饔飧良飲御諸友所求

大得

無註

坎

亂茅縮酒靈巫拜禱神怒不許瘁愁



憂苦

楚有三脊茅祭則用以縮酒也

藹

李花再實鴻外降集仁哲以興廕國

受福

無註

咸

源出陵足行於山趾不爲暴害民得



安處

無註

恒

客入其門奔走東西童女不織士弃  
耕畝暴骨千里歲寒無年

無註

遯

天之所子福祿常在以永康寧不憂



危殆

無註

大壯

蝗食我稻驅不可去實穗無有但見  
空藁

蝗虫屬腹下有梵字魚子在水化  
成食苗之虫也

晉



牛驥同堂郭氏已亡國破空虛君奔  
走逃

按胡傳莊公二十四年齊桓公問  
郭父老曰郭何以亡父老曰見善  
而不能舉惡惡而不能去所以亡

明夷

狗無前足陰謀其北爲身害賊何以  
安息



無註

家人

兩輪自轉南上大阪四馬共轅無有  
屯難與禹笑言鶴鳴竅穴不離其室  
禹夏禹竅苦弔切

睽

牙孽生達陽昌於外左手執籥公言  
錫爵



詩云左手執籥右手秉翟赫如渥  
赭公言錫爵按詩傳籥如笛而大  
孔或三孔翟雉羽也執籥秉翟者  
文舞也公言錫爵即儀禮燕飲而  
獻工之禮也

蹇

秋華冬萼數被嚴霜甲兵當庭萬物  
不生雄犬夜鳴民擾大驚



不無註

解

霜降閉戶蟄虫隱處不見日月與死  
為伍

無註

損

身載百里功如四海為文開基武立  
大柱



文王以百里之國脩德行仁至武  
王遂有天下

益

禹作神鼎伯益銜指斧斤高閣憧位  
獨坐賣庸不讎苦困爲禍

禹分九州收天下美銅鑄爲九鼎  
以象九州伯益舜之虞官禹嘗薦  
益於天後益避位箕山天下之人



不歸益而歸啓

夬

福祚之家喜至憂除如風兼雨出車  
入魚 又云 如魚逢水長樂受喜

無註

姤

倉龍隱伏麟鳳遠匿冠履同處未得  
安息



無註

萃

旦生夕死名曰嬰鬼不可得視

無註

升

白鶴銜珠夜食爲明懷安德音身受  
光榮

搜神記云有鶴爲人所射窮而



歸噲參參收養療治瘡愈而放之  
後鶴夜到門外參執燭視之鶴雌  
雄雙至各銜明珠以報參焉

困

役行未已新事復起姬姜勞苦不得  
休息

無註

井



憂患解除喜至慶來坐立懽忻與樂  
爲隣

無註

華

晨風之翰大舉就溫昧過我邑羿無  
所得

晨風鸛也詩駉彼晨風昧暗也羿  
古之善射者



鼎

下田稷黍方華生齒大雨集降紛滂

滿甕

無註

震

君子碌碌鳥庇茂木見春百穀心勞

頤德

無註



艮

折臂踣足不能進酒祠祀曠開神怒  
不喜

無註

漸

學靈三年聖且神明光見喜祥吉喜  
福慶鳴鳩飛來告我無憂

無註



歸妹

三婦同夫忽不相思心懷不平志常

愁悲

無註

豐

中田膏黍以享王母受福千億所求

大得

王母神仙以東華至真之氣化生



旅

陽火不炎喜至慶來降福送喜鼓琴

歌謳

無註

巽

陽明不息君無恩德伯氏失利農喪

其力

無註



允

鸛雀銜茅以生孚乳兄弟六人姣好  
悌孝各得其願和悅相樂

無註

渙

鷦尾奔奔火中成軍號叔出奔下失  
其君

僖公五年童謠云鷽之賁賁天策



焯焯火中成軍號公其奔冬十二月虞伐號號公醜奔京師

節

兩人相距止不同舍夫妻離散衛侯失居

春秋成公十四年夏四月己未衛侯出奔齊註諸侯之策書孫甯逐衛侯春秋以其自取奔亡之禍故



不書逐君之賊也

中孚

魁爲番虎風推雲卻欲上不得反歸  
其宅

無註

小過

闕睢淑女配我君子少妻在門君子  
嘉喜



周南關雎后妃之德也關關雎鳩  
在河之洲窈窕淑女君子好逑

既濟

慈母赤子饗賜得士襄夷服除以安

王家

無註

未濟

三足孤烏靈鳴督郵伺過討惡自賊



其家

漢天文志日中有三足鳥



乾上履

十鳥俱飛羿得九雌雄雖得全且驚

不危

堯時十日並出草木焦枯命羿射其九日九鳥皆死墮其羽翼留其

一日



之乾

東鄉藩垣相與笑言子般執鞭圉人  
作患

魯莊公三十二年零講于梁氏女  
公子觀之圉人犂自牆外與之戲  
子般怒使鞭之公曰不如殺之是  
不可鞭犂有力焉能投盖于稷門  
十月圉人犂賊子般于黨氏



坤

循河摘舟旁淮東游漁父舉網先得  
大鱖

無註

屯

轅折輪破馬倚僕卧後旅先宿右足  
跌踣

無註



蒙

兩人相絆相與悖戾心不同爭訟  
怊然

無註

需

北辰紫宮衣冠立中含和建德常受  
天福

北辰北極天之樞也紫宮爲皇極



之居出漢天文志

訟

遊居石門祿身安全受福西鄰歸飲

玉泉

無註

師

羊腸九縈相推併前止須王孫乃能

上天



羊腸山名其形屈辟如羊腸

比

爭訟相倍和氣不處陰陽俱否穀風  
母子

無註

小畜

郭叔距頤爲棘所拘龍額重顙禍不  
成殃復歸其鄉



未詳

泰

蠆室蜂戶螫我手足不得進止爲吾

害咎

蠆丑邁切螫音釋

否

怒非其怨因拘有遷貪垢腐鼠而呼

鴉鳶失反被困



無註

同人

嬰孩求乳母歸其子黃麕悅喜自樂

甘餌

麕五兮切鹿子也

大有

鍼縷勝服錦繡不成鷹逐雉兔爪折  
不得



無註

謙

兩潦集降河梁不通鄒魯閉塞破費

市空

鄒魯二國名

豫

封豕溝瀆水潦空谷客止舍宿泥塗  
至腹處無黍稷



無註

隨

三姦相擾桀跖爲交上下騷離隔絕

天道

桀夏桀跖盜跖

蠱

齊景惑疑爲孺子牛嫡庶不明賊孽爲患



按春秋傳孺子名荼齊景公妾驪臺  
姒所生景公嘗銜繩爲牛使荼牽  
之故曰爲孺子牛哀公五年景公  
疾使國惠子高昭子立荼寘群公  
子於萊六年僖子使召公子陽生  
遂殺荼

臨

三羊俱亡走奔南行會暮失迹不知



所藏

無註

觀

請伯行賈代山之野夜歷險阻不逢

危殆利如澆酒

無註

噬嗑

葉之將落隕其黃葉失勢傾側而無



所立

棄當作桑詩桑之落矣其黃而隕

賁

上山求魚入水捕狸市非其歸自今

久留

無註

剥

名成德就項領不試景公老至老尼父



逝去

論語齊景公欲用孔子孔子曰吾  
老矣不能用也孔子行

復

天之奧隅堯舜所居以存保身為我

國家

堯舜唐虞二帝也

無妄



卷三  
二十五  
無睢鳩淑女賢聖配偶宜家壽福吉慶  
長久

關雎詩云關關雎鳩在河之洲窈窕淑女君子好逑言周文王生有聖德又得聖女妣氏以爲之配

大畜

兩人俱爭莫能有定心垂不同訟言起凶



無註

頤

涉伯徇名弃禮誅身不得其道成子  
奔燕

魯定公九年晉趙鞅圍衛討衛之  
叛曰由涉佗成何遂殺涉佗成何  
奔燕君子曰此之謂弃禮詩曰人  
而無禮胡不遄死涉佗然矣哉



大過

踰江求橘并得大栗烹羊食肉飲酒  
歌笑

無註

坎

山險難升澗中多石車馳轉擊重傷  
載軸擔負善躓跌踣右足  
轉音遂躓音致踣音渦



離

元利孔福神所子畜般樂無苦得其  
歡欲

無註

咸

烏鵲食穀張口受哺蒙被恩福長大  
成就柔順利貞君臣合好

無註



小日

潼瀨蔚蒼膚寸來會津液下降流潦  
滂沛

瀨上聲蒼音穢

遯

路多枳棘步刺我足不利旅客爲心  
作毒

無註



大壯

虺蝮所聚難以居處毒螫痛甚瘡不可愈

虺音卉螫音釋

晉

麟鳳相隨觀察安危東郭聖人后稷  
周公共和政令君子攸同利以居止  
長无憂凶



麟仁獸鳳靈鳥能知安危故世治  
則出周自后稷始封於郃積功累  
仁至於周公制禮作樂以成文武  
之烈

明夷

築亂不時使民恨憂立趾爲笑君危

臣騷

無註



家人

黃帝所生伏羲之宅兵刃不至利以  
居止

大昊伏羲氏黃帝軒轅氏黃帝造  
五兵以征不享

睽

雀行求食暮歸屋宿及其室舍安寧  
無故



無無註

蹇

大倉積穀天下饒食陰陽和調年歲  
時熟其心五不寡

無註

解

履機蹈顛墮入寒淵行不能前足踈  
不便



無註

損

竿旄旌旗執幟在郊雖有寶珠無路  
致之

詩千旄篇云子子千旄在浚之郊  
又子子千旄在浚之城

益

銜命上車和合兩家蛾眉皓齒二國



率彊

無註

夬

吉日車攻田弋獲禽宣王飲酒以告

嘉功

吉日車攻皆宣王詩言田獵之事

姤

重伯黃寶宜以我市嫁娶有息利得



過母

無註

萃

延頸望酒不入我口深以自喜利得

無有

無註

升

牧爲代守鄉食甘賜得吏士意戰大



破胡長安國家

按史李牧爲趙將居代鴈門備匈奴以便宜置吏市租皆輸入幕府爲士卒費日擊數牛饗食士習騎射謹烽火約曰匈奴即入寇急入收保敢有捕虜者斬匈奴每入不戰以爲怯邊士日得賞賜而不用皆願一戰於是大破匈奴十餘歲不



敢近趙邊

困

日出溫谷臨照萬國高明淑仁虞夏

配德

虞舜有天下之號也夏禹有天下

之號也

井

逐兎索鳥破我弓車日暮不及失利



後時

無註

革

譌言妄語傳相註誤道左失迹不知所處

無註

鼎

履虎躡蛇貶損我威君子失車去其



國家

無註

震

本根不固花葉落去更為孤嫗不得

相親

無註

艮

五輓四輓優得饒有陳力就列騶虞



喜悅

驕虞獸名白虎黑文不食生物者

漸

黃帝紫雲聖且神明光見福祥告我

无殃

史記黃帝生而神靈長而聰明應

邵曰受命有雲瑞故以雲紀事

歸妹



五利四福俱佃高邑黍稷盛茂多獲

藁稻

無註

豐

群虎入邑求索肉食良大人衛守君不

失國

無註

旅



鳥子鵲雛嘗與母居顧慕群侶不離

其巢

夫無註

巽

蹇驢不材駮驥失時筋勞力盡罷於

沙丘

無註

兌

五師四野則田高邑泰師虛為是



玄鬣黑纓東歸高鄉朱鳥道引靈龜  
載莊遂抵天門見我貞君

無註

渙

採巢得雛鳩鵲來俱使我音娛

無註

節

安上宜官一日九遷升擢超等牧養



常山君臣獲安

漢車千秋一日九遷其官

中孚

大頭目明戴受嘉福三雀飛來與祿

相得

無註

小過

遠視千里不見黑子離婁之明无益



於光

離婁古之明目者

既濟

三女爲姦俱遊高園倍室夜行與伯  
笑言不忍主母失禮酒寃皇天誰告

無註

未濟

日辰不和強弱相振一雌兩雄客勝



主人

無註

䷊ 乾下坤上 泰

求玉陳國留連東域須我王孫四日  
來復主君有德蒙恩受福

無註

之乾

伯夷叔齊貞廉之師以德防患憂禍



不存

伯夷叔齊孤竹君之二子武王伐紂諫之不食周粟又語云伯夷叔齊餓於首陽之下民到于今稱之

坤

濟深難渡濡我衣袴五子善擢脫無他故

無註



屯

倚立相望適得道通驅駕犇馳比目  
同床

無註

蒙

葛藟蒙棘花不得實諛佞為政使恩  
壅塞

葛藟詩篇名蒙棘詩葛生篇云葛



生蒙棘歎蔓于域予美亡此誰與  
獨息

需

四足無角君子所服南征述職與福  
相得

征者上伐下也諸侯朝王曰述職

訟

蹢躅之傷左指病癰失旅後時利走



不來

無註

師

春城夏國生長之域可以服食保全

家國

無註

比

望驥不來駒蹇為憂雨驚我心風撼



我肌

無註

小畜

久客無床思歸我鄉雷雨滂盈道不

得通

涌當作滿易屯卦雷雨之動滿盈

履

舫船備水旁可燃火積善有徵終身



無禍

無註

否

陟岵望母役事未已王政無盥不得

相保

陟岵國風齊詩篇名既云望母岵  
當作岵詩云陟彼岵兮瞻望父兮  
陟彼岵兮瞻望母兮



同人

多載重負捐棄於野子毋誰子但自  
勞苦

無註

大有

生直地乳上皇大喜賜我福祉受命  
無極

無註



謙

翕翕輶輶稍墮崩顛滅其今名長沒

不全

翕音吸輶音田

豫

東鄰嫁女爲王妃后莊公築館以尊

王母歸于京師季姜悅喜

春秋魯莊公元年王姬下嫁於齊



隨

命同姓諸侯主之魯以姬姓故築館而迎之冬王姬歸于齊桓公九年春紀季姜歸于京師爲桓王后

伯虎仲熊德義淵閎使布五穀陰陽順敘

按史高辛氏之子有曰伯虎仲熊舜舉八愷使主后土爲伯益之佐



人卷三 四十一  
壘

敏捷敬疾如猿升木彤弓雖調終不能獲

無註

臨

舉被覆目不見日月衣裘輦床就長夜室

按史記越伐吳吳三戰三北夫差



上姑蘇亦請成於越范蠡不可夫  
差曰吾無以見子胥爲幘冒乃死

觀

忍醜少羞無面有頭虛日以弊消寡  
耗減

未詳

噬嗑

涸陰沍寒常冰不溫凌人墮土怠雹大



爲苗

凌人冰人也按詩傳蘇氏曰古有  
藏冰發冰以節陽氣之盛是以無  
灾霜雹也

賁

夏麥熟麴霜擊其芒疾君敗國使民

夫傷

無註



剥

淵涸龍憂箕子爲奴  
午叔殞命殷破其家

箕子紂親戚諫紂不聽  
佯狂爲奴午叔當作干叔  
紂之諸父比干也直言諫  
紂紂怒殺之剗視其心

復

跛躄相隨日暮牛罷陵遲  
後旅失利



亡雌

無註

无妄

桑之將落隕其黃葉失勢傾側如無  
所立

詩氓篇云桑之落矣其黃而隕又  
云女也不爽士貳其行

大畜



生長以時長育根本陰陽和德歲樂

無憂

無註

頤

童女無夫未有匹配陰陽不和空坐

獨宿

無註

大過

今所書之說不合三聖之同旨



春今原宥仁德不合三聖攸同周國

茂興

三聖大王王季文王也

坎

金精耀怒帶劍過午兩虎相距雖驚

无咎

無註

離



危坐至暮請求不得膏澤不降政戾

民忒

無註

咸

老楊日衰條多枯枝爵級不進日下

摧隕

無註

恒



蔡侯適楚留連江濱踰時歷月思其  
君后

魯定公三年冬蔡昭侯適楚獻佩  
裘於昭王昭王服之以享蔡侯蔡  
侯亦服其一子常欲之弗與三年  
止之

遜

右撫劔頭左受鈎帶凶訟不止相與



爭戾失利市肆

無註

大壯

水流趨下遠至東海求我所有買鮪

與鯉

無註

晉

登几上輿駕駟南遊合從散衛燕秦



以強

蘇秦主從張儀主衡秦事燕儀事  
秦按禮部韻毛居正曰以六攻一  
爲從以一離六爲橫合之曰從衡

明夷

求兔得獐過其所望權以相迎高位  
夷傷

無註



家人

過時不歸道遠且迷旅人心悲使我  
徘徊

無註

睽

魂孤無室街指含食盜張民饋見敵  
失肉

無註



蹇

居如轉丸危不得安東西不寧動生

憂患

無註

解

坤厚地德庶物蕃息平康正直以綏

大福

易曰地勢坤君子以厚德載物



損

捌菽牡荊生賢山旁仇敵皆憎孰肯  
相迎

無註

益

鳳凰銜書賜我玄珪封爲晉侯

成王與叔虞戲削桐葉爲珪以與  
叔虞曰以此封若史佚曰天子無



戲言請擇日成之遂封叔虞於唐  
唐叔子燮改唐爲晉

夫

作凶不善相牽入井溺陷辜罪禍至

憂有

無註

姤

悲鳴此行失其長兄伯仲不幸骸骨



散亡

無註

萃

羔衣豹裘高易我家君子惟好

詩羔裘篇云羔裘豹飾孔武且力

升

日中爲市各抱所有交易資貨負珠

懷寶心悅懽喜



周易繫辭云日中爲市致天下之  
民聚天下之貨交易而退

困

振急絕理常陽不雨物病焦乾華實  
無有

無註

井

狐貉載剥從溫厚辱寒棘爲疾有所



不足

無註

革

履踐危難脫執去患入福喜門見誨

大君

無註

鼎

四亂不安東西爲患退止我足毋出



國城乃得全完賴其生福

無註

震

南國少子才略美好求我長女賤薄  
不與反得醜惡後乃大悔

無註

良

妄怒失理陽孤無輔物病焦枯年飢



於泰

無註

漸

倬然遠咎避患害早田獲三狐見民

爲寶

周易解九二田獲三狐狐者邪媚  
之獸三狐指卦之三陰時之小人  
也獲如能變化除去之如田之獲



狐也

歸妹

逐鹿山顛利去我西維邪南北無所  
不得

無註

豐

龍蛇所聚大水來處滑滑沛沛使我  
無賴



無註

旅

從風吹火牽騏驥尾易爲功力因催

受福

無註

巽

澤狗水鳧難畜少雛不爲家饒心其

函憂



卷三  
五十二  
未詳

允

水壞我里東流爲海龜魚謹囑不覩

慈母

無註

渙

寒衣涉行水深漬多賴幸舟子濟脫

無他



無註

節

龜厭河海陸行不止自令枯槁失其  
都市憂悔爲咎亦無及已

無註

中孚

同本異業樂仁政德東鄰慕義來興  
我國



卷三  
無註

小過

桃李花實累累日息長大成熟甘美  
可食爲我利福

無註

既濟

重瞳四乳聰明順理無隱不形微視  
千里災害不作君子集聚




淮南子云舜目重瞳文王四乳

未濟

實沈參墟以義討尤次止結盟以成

霸功

實沈參神參虛晉地也

  
坤下  
乾上  
否

秦爲虎狼與晉爭強併吞其國號曰

始皇



秦號爲虎狼之國并六國號始皇  
之乾

天之與府衆利所聚可以饒有樂我  
君子

無註

坤

天之所蕃凶不可居轉徙獲福留止  
危憂



無註

屯

名成德就項領不試景公羣老尼父  
逝去

論語齊景公欲用孔子孔子曰吾  
老矣不能用也孔子行

蒙

特善避患福祿長存雖有豺虎不能



危患

無註

需

避患東西反入禍門糟糠不屬憂動

我心

無註

訟

珪璧琮璋執贄見王百里審越應聘



齊秦

燠百里奚事秦甯越事齊

師

揚水潛鑿使君潔白衣素朱表遊戲  
皐浞得君所願心志娛樂

詩揚之水刺晉昭公也昭公分國  
以封沃曰揚之水白石鑿鑿素衣  
朱褱從子于沃既見君子云胡不



樂浹當作浹

比

官爵相保居之无咎求兔不得怕使

恨悔

無註

小畜

戴元無禪羸程出門小兒作笑君爲  
憂患



未詳

履

把珠入口爲我利寶得吾所有欣然

嘉喜

無註

泰

行不如還直不如屈進不若退可以

安吉



無註

同人

衆鬼凡聚還生大怪九身無頭魂驚  
魄去不可以居

未詳

大有

家給人足訟聲並作四夷賓服干戈  
囊閣



此言武成偃干戈振兵釋旅之事

謙

人面鬼口長舌爲斧斲破瑚璉殷商  
絕祀

商紂無道微子抱祭器奔周其後  
武王伐紂遂滅商焉

豫

南山之峻真人所在德配唐虞天命



爲子保祐飲享身受大慶  
唐虞堯舜有天下之號也

隨

春桃生花季女宜家受福多年男爲  
邦君

詩桃夭后妃之所致也桃之夭夭  
灼灼其華之子于歸宜其室家

蠶



鷓鴣破斧冲人危殆賴其忠德轉禍  
爲福傾危復立

鷓鴣破斧皆詩豳風篇名言周公  
之事誅管蔡以安周室

臨

猿墮高木不踈手足保我金玉還歸  
其室

無註



觀

天之奧隅堯舜所居可以存身保我  
邦家

堯舜唐虞二帝也

噬嗑

伯蹇叔盲足病難行終日至暮不離  
其鄉

無註



賁

日月相望光明盛昌三聖茂功仁德

大隆

三聖堯舜禹也

剥

桃李花實累累日息長大成就甘美

可食

無註



復

入和出明動作有光運轉休息動作

尤康

無註

无妄

陰冥老極陽建其德履離載光天下

昭明功業不長蝦蟇代王

冥一作衰見坤之未濟未詳



大畜

行役未已新事復起姬姜勞苦不得  
休息

詩陟岵篇云父曰嗟予子行役夙  
夜无已上慎旃哉猶来无止

頤

大畜  
狐鳴苑北飢無所食困於空丘莫與  
同力



同無註

大過

雄聖伏名人匿麟遠走鳳飛北擾亂  
未息

無註

坎

病貧望幸使伯行販開牢擇羊多得  
大祥



無註

離

翕翕軸軸稍稍崩顛滅其令名長沒

不存

翕音吸軸音田

咸

花落實槁衣弊如絡女功不成絲布

如玉







虐作喪孔子去魯僂若喪家之狗

大壯

太一駕騶從天上求徵我叔季封爲

魯侯

太乙星名成王封周公之子伯禽

於魯

晉

雙鳬俱飛欲歸稻池經涉藿澤爲矢



所射傷我肯臆

無註

明夷

深坑復平天下安寧  
意娛心樂賴福  
長生

無註

家人

俱爲天民雲過吾西風  
伯雨師與我



無恩

示無註

睽

野鳥山鵲來集六博三鳥四散主人

勝客

六博古者象棋有六博

蹇

北陰司寒堅冰不溫凌人情怠大雹



爲災

凌人冰人也按詩傳蘇氏曰古有  
藏冰發冰以節陽氣之盛是以無  
災霜雹也

解

伊尹智士去桀耕野執順以傳反和  
无咎

伊尹耕于有莘之野湯三使往聘



之使五就桀桀不能用復歸于湯  
遂相湯伐桀

損

北風牽手相從笑語伯歌季舞譙樂  
以喜

詩北風篇云北風其涼雨雪其雱  
惠而好我攜手同行

益



益從巢去家南過白馬東西受福與母

相得

無註

夫

鳥飛跌跛兩兩相和不病四支但去

莫疑

無註

姤



三馬生駒以成爲母荆夷上侵姬伯  
出走

三年一作二牛見需之訟一作三  
年生狗見坤之震

萃

破筐弊筥棄捐於道壞落穿敗不復  
爲寶

無註



升

結紐得解憂不爲禍食利供家受福

安坐

無註

困

白日陽光雷車避藏雲雨不行各自

止鄉

無註



井

杜口結舌心中悌鬱凶災生患無所

告冤

無註

革

齋貝贖狸不聽我辭繫於虎髯牽不

得來

無註



鼎

持鶴抱子見蛇何咎室家俱在不失其所

無註

震

逐兔山西利走入門賴我仁德獲爲

我福

無註



艮

興役不休與民爭時牛生五趾行危  
爲憂

無註

漸

春粟夏梨少鮮希有斗千石萬貴不

可販

無註



歸妹

悲號北行失其長兄伯仲不幸骸骨  
散亡

無註

豐

賦歛重數政爲民賊杼軸空盡家去  
其室

詩大東篇云小東大東杼軸其空



旅

履服白縞殃咎並到憂不敢笑

無註

巽

杜口結舌言爲禍母代伯受患無所

禱冤

無註

兌



免冠進賢步行出朝門體不正賊孽  
爲患

漢書貢禹爲河南令以賊事爲府  
官見責免冠謝輿服志進賢古緇  
布冠文儒者之服

渙

娶於姜女駕迎新婦少齊在門夫子  
悅喜



按春秋昭公二年夏四月韓須如  
齊逆女齊陳無宇送女致少姜少  
姜有寵於晉侯晉侯謂之少齊姜  
齊姓

節

牧羊稻園聞虎喧嘩思恐悚息終無  
禍患

無註



中孚

老妾据機緯絕不知女功不成冬寒無衣

無註

小過

乘龍吐光使陰復明燎獵載聖六師以昌

無註



既濟

東鄰嫁女爲王妃后莊公築館以尊  
王母歸于京師季姜悅喜

春秋魯莊公元年王姬下嫁於齊  
命同姓諸侯主之魯以姬姓故築  
館而迎之冬王姬歸于齊桓公九  
年春紀季姜歸于京師爲桓王后

未濟




灌鵠東從道頓趺時日食不退病爲  
身禍

無註

易林卷第三








夏











焦氏易林

四

895.108

Ss7s2


v. 399

CHINA















易林卷第四

三三 乾上同人

密橐山顛銷鋒鑄刃示不復用天下

大勸

史武王勝殷戢弭干戈以示弗用

之乾

一臂六手不便於口莫肯與用利棄

我走



未詳

坤

犗鹿逐牧飽歸其居安寧無悔

無註

屯

鴻魚逆流至人潛渚蒿蓬代柱大屋

顛倒

無註



蒙

三殺五牂相隨俱行迷入空澤經涉  
六駮爲所傷賊

無註

需

黃帝出遊駕龍乘馬東上太山南過  
齊魯邦國咸喜

黃帝邑於涿鹿之阿遷徙無常以



兵師爲營衛後得六相而天地治  
神明至遠夷之國莫不入貢

訟

履危不安心欲東西步走逐鹿空無  
所得

無註

師

望尚阿衡太宰周公藩屏湯武立爲



佚王

望太公呂尚也阿衡伊尹也太宰  
官名周公爲太宰

比

白龍黑虎起伏俱怒戰於阪北蚩尤  
走敗死於魯首

正義曰河圖龍魚云黃帝攝政有  
蚩尤兄弟八十一人獸身人語銅



鐵額能作大霧食沙造五兵威震  
天下誅殺無道萬民欽命黃帝行  
以仁義不能禁止乃仰天而歎天  
遣玄女下授黃帝兵符與蚩尤戰  
於涿鹿之野遂禽殺之魯首未詳

小畜

載石上山步跌不前嘖眉之憂不得  
所歡



大無註

履

周德既成杼軸不傾申酉趺暮耄耄老  
衰去箴石不祐

無註

泰

乘雲帶雨與飛鳥俱動舉千里見我

慈母



無註

否

齋貝贖狸不聽我辭繫我虎鬚牽不

得來

無註

大有

三翼飛來是我逢時俱行先至多得

大利



未詳

謙

兩足四翼飛入家國寧我伯子與母

相得

無註

豫

按民呼池玉杯文案魚如白雲一國

獲願



紂爲酒池玉杯象筋以侈周武王  
伐之有白魚入舟之兆

隨

季姬踟躕望我城隅終日至暮不見  
齊侯君上無憂

按詩靜女篇靜女其姝俟我於城  
隅愛而不見搔首踟躕

蠱



龍渴求飲黑雲影從河伯奉觴跪進  
酒漿流潦滂滂

河伯水神也

臨

出門逢患與福爲怨更相擊刺傷我

手端

無註

觀



播天舞地神明所守安樂無咎

無註

噬嗑

兩金相擊勇氣鈞敵終日大戰不破  
不缺

無註

賁

車雖駕兩紉絕馬奔出雙輪脫行不



至道遇害

無註

剥

文山紫芝雍梁朱草長生和氣玉以  
爲寶公尸侑食福祿來麴

芝草論芝生於土土氣和則芝草  
生瑞命論王者慈仁則有芝草生  
矣朱草王者德無所不通則生



復

把珠入口爲我畜寶得吾所有忻然

嘉喜

無註

無妄

負牛上山力劣行難烈風雨雪遮遏  
我前中道復還憂者得歡

無註



大畜

陶朱白珪善賈息資三致千金德施  
上人

陶朱即范蠡白珪名冊周人史言  
能薄飲食忍嗜欲二人皆善賈貨  
生息資財以致巨富

頤

子鉏執麟春秋作元陰聖將終尼父



卷四  
八  
悲心

左傳哀公十四年春西狩於大野  
叔孫氏之車子鉏商獲麟孔子作

春秋

大過

春日載陽福履齊長四時不忒與樂

爲倡

大過  
無註



坎

孔德如玉出於幽谷飛上喬木  
鼗其羽翼大光照國

鼗未詳必有誤

離

區脫康居慕仁入朝湛露之歡三爵  
畢恩復歸窮廬以安其居

區脫與甌脫同土室也胡人候望



卷四  
九  
處出匈奴傳康居國名湛露天子  
燕諸侯之詩

咸

秋冬夜行照覽星辰道理利通終身

何患

無註

恒

鳴鵠抱子見虵何咎室家俱在不失



其所

無註

遊

安和太山福祿屢臻雖有豺虎不能

危身

無註

大壯

老目瞢眠不知東西君失理命以直



爲偃王珎其寶

無註

晉

植壁秉珪請命于河周公剋敏冲人

瘳愈

初成王少時病周公乃自揃其蚤  
沈之河以祝於神曰王少未有識  
奸神命者乃旦也王病有瘳

見史  
註



明夷

太王執政歲熟民富國家豐有主者  
有喜

太王遷于岐山之下及他旁國聞  
其賢亦多歸之

家人

爭訟相背和氣不處陰陽俱否穀風  
無子



穀當作谷谷風刺夫婦失道也

睽

齊魯爭言戰於龍門構怨結禍三世不安

無春秋魯成公二年春齊侯伐我北鄙圍龍頃公之嬖人盧蒲就魁門焉龍人囚之齊侯親鼓三日取龍



蹇

鹿得美草鳴呼其友九族和穆不離  
邦域

詩小雅鹿鳴篇呦呦鹿鳴食野之  
苹我有嘉賓鼓瑟吹笙

解

百里南行雖微復明去虞適秦爲穆  
國卿



百里奚虞人也知虞之將亡遂去  
適秦相穆公遂霸西戎

損

梅李冬實國多寇賊亂擾並作王不  
能制

春秋魯僖公三十三年冬隕霜不  
殺草李梅實公羊傳曰紀異也此  
祿去公室政在公子遂之應



益

府藏之富王以振貸捕魚河海苟罔  
多得巨虵大輶戰於國郊君遂走逃

無註

夫

杜飛門啓患憂大解去老乘馬不爲  
身禍

去老乘馬一作修福行善見需之



允

姤

宜昌娶婦東家歌舞長樂歡喜

無註

萃

正陽之央甲氏以亡禍及留吁湮滅  
爲墟

按春秋魯宣公十六年春正月晉



人滅赤狄甲氏及留吁傳云甲氏  
潞之遺種留吁其殘邑也

升

鳥過稻廬甘樂麴鰭雖驅不去田畯

懷憂

麴古猛切鰭自秋切田畯農官也

困

跛踦俱行日暮車傷失旅乏糧



無註

井

龍門水穴流行不害民安其土君臣  
相保

按書禹貢龍門屬雍州在今馮翊  
夏陽縣以下皆言禹治水之功

革

山陵四塞遏我徑路欲前不得復還



故處

書堯典蕩蕩懷山襄陵

鼎

兩虎爭鬪血流漂杵城郭空墟蒿藜

塞道

書武成篇血流漂杵

震

依叔牆隅志下心勞楚亭晨食韓子



卷四  
一五  
低頭

淮陰人韓信家貧嘗寄食於南昌  
亭長并受辱於袴下詳見本傳

良

龍生無常或託空葉憑乘風雲爲堯

立功

葉當作桑未詳

漸



魁行搖尾逐雲吹火汙泥爲陸下田  
爲稷

魁斗首四星天文凡爲首者曰魁

歸妹

跛躄相隨日暮牛罷陵遲後旅失利

亡雌

無註

豐



三人俱行北求大祥長孟病足請季  
負囊柳下之寶不失驪黃

無註

旅

鳳凰在左麒麟處右仁聖相遇伊呂  
集聚傷害不至時無殃咎福爲我母  
鳳凰靈鳥麒麟仁獸伊尹相湯呂

望興周



巽

乘筏渡海雖深不殆曾孫皇祖累累  
具在

無註

兌

比目四翼來安吾國賡福上堂與我

同床

無註



渙

娶於姜呂駕迎新婦少齊在門夫子

悅喜

姜呂齊姓按春秋傳齊女少姜歸  
于晉有寵於晉侯謂之少齊

節

螟蟲爲賊害我稼穡盡禾單麥秋無  
所得



螟蟲食苗心者也

中孚

衣裳顛倒爲王來呼成就東周邦國

大休

詩東方未明顛倒裳衣自公召之

小過

王孫季子相與爲友明允駕誠升擢

慶舉 駕當作篤



史記高陽氏有才子八人謂之八  
愷高辛氏有才子八人謂之八元  
堯未及舉舜於是舉八愷使主后  
土舉八元使布五教

既濟

踊泉滑滑流行不絕汙爲江海敗毀  
邑里家無所處聞虎不懼向我笑喜

無註



未濟

桑戶竊脂啄粟不宜亂政無常使心  
孔明

桑戶鳥名竊脂即桑扈也

三三  
三三  
三三  
乾上大有  
乾下大有

白虎張牙征伐東來朱雀前驅讚道  
說辭敵人請服銜璧前趨

無註



之乾

南山大行困於空桑老沙爲石牛馬

無糧

無註

坤

蟠枝失岐與母別離絕不相知

無註

屯



諄諄所言莫知我怕驩樂堅固可以

長安

無註

蒙

李梅零陸心思憤憤懷憂少愧亂我

魂氣

無註

需



火雖熾在吾後冠雖多  
在吾右身安  
吉不危殆

無註

訟

虎卧山隅鹿過後胸弓矢設張  
猓爲功曹伏不敢起逐至平野  
得我美草  
史記龜策傳郭璞註云蝟能制虎

師



三火起明兩滅其光高位疾顛驕恣  
誅傷

王無註

比

匹君楚馬遇讒無辜久旅離憂

晉公子重耳遇驪姬之讒在外十  
九年而後反國

小畜



一室百子同公異母以義防患禍蓄

不起

無註

履

商人行旅資所無有貪貝利珠留連

王市還旋內顧公子何咎

無註

泰



禹將爲君北入崑崙稍進揚光登入  
溫湯代舜爲治功德昭明

禹治水有功舜以天下禪焉

否

乾行天德履疇無極嘔呼烹熟使各  
自得

易乾卦飛龍在天乃位乎天德

同人



南國盛茂黍稷醴酒可以享老樂以

嘉友

無註

謙

方船備水旁河然火終身無禍

無註

豫

雷行相逐無有休息戰于平陸爲夷



所覆

未詳

隨

躑躅跼蹐拊心搔頭五晝四夜睹我

齊侯

未詳

蠱

大口宣唇神使伸言黃龍景星出應



侯門與福上堂天下安昌

禹渡江黃龍負舟景星一名德星

臨

陰衰老極陽建其德離陽載光天下

昭明

無註

觀

三塗五嶽陽城太室神明所伏獨無



兵革

三塗山名在河南伊闕縣陽城山  
谷名在嵩山下太室山名

噬嗑

年豐歲熟政仁民樂利以居止旅人

獲福

無註

賁



楚烏逢天不時久放離居無群意味  
精喪作此哀詩以告孔憂

無註

剥

出門大步與凶惡忤罵公詈毋爲我

憂耻

無註

復



火至井谷陽芒生角犯歷天戶闕觀  
太微登上玉床家易六公

天文太微爲五帝之庭明堂之房

無妄

牧羊逢狼雖憂不傷畏怖旣息終無

禍殃

無註

大畜



卷四  
二十五  
蠶栗犧牲敬奉貴神享者飲食受福  
多孫望季不來孔聖厄陳

按內則祭天地之牛角蠶栗又云  
祭天地宗廟曰犧卜得吉曰牲語  
云孔子嘗厄於陳蔡之間

頤

大蓋治床南歸殺羊長伯爲我多得  
牛馬利於徙居



無註

大過

枯樹無枝與子分離飢寒莫養獨立

哀悲

無註

坎

天地九重堯舜履中正冠垂裳宇宙

平康



堯唐帝名舜虞帝名易曰堯舜垂  
衣裳而天下治

離

鳧鷖遊滛君子以寧履德不愆福祿  
來成

詩鳧鷖守成也太平之君子能持  
盈守成神祇祖考安樂之也曰鳧  
鷖在涇公尸燕飲福祿來成滛當



作涇

咸

羸檀逐狐爲人觀笑牝雞雄晨主作  
亂根

書曰牝雞無晨牝雞司晨爲家之  
索

恒

典策法書藏於蘭臺雖遭亂潰獨不



遇菑

漢官儀御史臺內掌蘭臺秘書

遜

三癡俱狂欲之平鄉迷惑失道不知

昏明

無註

大壯

癭瘤瘍疥爲身瘡害疾病癰痢常不



屬逮

無註

晉

三豕俱走闢於虎口白豕不勝死于

阪下

無註

明夷

賴先之光受德之佑雖遭顛沛獨不



凶咎

語註云顛沛傾覆流離之際

家人

上義崇德以建大福明哲且聰周武

立功

周書武成篇惇信明義崇德報功

垂拱而天下治

朕



四亂不安東西為患身止無功不出  
國城乃得全完賴其生福

無註

蹇

金牙鐵齒西王母子無有患殆減害

道利

無註

解



賀喜從福曰利蕃息懽樂有得

無註

損

昊天白日照臨我國萬民康寧咸賴

嘉福

無註

益

左眇右盲視闇不明下民多孽君失



其常

無註

夫

吾家忝梁積委道傍有囊服箱運到

我鄉藏於嘉倉

無註

姤

殊類異路心不相慕牝豕無猥鰥無



室家

獾丑延切獾音加鰥即鰥字

萃

雀行求食出門見鷄顛蹙上下幾無

所處

蹙音厥

升

野有種庚穡人駕取不逢虎狼暮歸



其字

無註

困

膚敏之德發憤忘食虎豹禽說爲王

求福

史記韓信虜魏王豹又引兵擊趙

禽夏說虎當作虜

井



光祀春成陳項雞鳴陽明失道不能  
自守

按秦紀索隱註曰漢書郊祀志云  
文公獲若石云于陳倉北坂城祠  
之其神來若雄雉其聲殷殷云野  
鷄夜鳴以牢祠之號曰陳寶又臣  
瓚云陳倉縣有寶夫人祠歲與葉  
君神會祭于此者也



華

左抱金玉右得熊足常盈不忘獲心  
所欲

熊足即熊掌味之美者

鼎

履泥汙足名困身辱兩仇相得身為  
痛癢

無註



震

安居重遷不去其亶未來相聞樂得  
常產

耿都爲河水所圯盤庚欲遷於殷  
而大家世族安土重遷盤庚誕告  
用亶其有衆曰徃哉生生永建乃  
家

艮



天災所遊凶不可居轉徙獲福留止  
危憂

無註

漸

昧昧墨墨不知白黑景雲亂擾光明  
隱伏犬戎來攻幽主失國

按史記周幽王黜申后廢太子宜  
曰申侯與鄆人召犬戎伐王犬戎



遂殺王於驪山下

歸妹

鳬鴈啞啞以水爲宅雌雄相和心志  
娛樂得其所欲

無註

豐

長生無極子孫千億栢柱載器堅固  
不傾



無註

旅

麒麟鳳凰善政得祥陰陽和調國無  
灾殃

巽

麒麟仁獸鳳凰靈鳥太平之世見

天之奧隅堯舜所居可以存身保我  
室家



堯舜唐虞二帝也

允

配合相迎利之四鄰昏以為期與福

笑喜

無註

渙

砥德礪材果當成周拜受大命封為

齊侯



太公辟紂居東海之濱聞文王作  
而歸之其後武王伐紂有天下遂  
封爲齊侯

節

與福俱坐畜水備火思患豫防終無  
殃禍

無註

中孚



畏昏潛處候明昭昭卒遭白日爲世

榮主

無註

小過

視曰載光與天相望長生懽悅以福  
爲多

曰當作日

既濟



大頭明目載受嘉福三雀飛來與祿  
相單

無註

未濟

梗生荆山命載輸班袍衣剥脫夏熱  
冬寒立餓枯槁衆人莫憐

荆山多產異材班公輸子魯班也

坤上謙  
艮下謙



卷四  
王喬無病苟頭不痛亡破失履乏我  
送從

王喬古仙人名苟頭不痛未詳

之軋

喋囁處曜昧冥相待多言少實終無

成事

無註

坤



北辰紫宮衣冠立中舍和建德常受  
大福鈐刀攻玉堅不可得

北辰北極天之樞也紫宮爲皇極  
之宮見漢天文志

屯

東壁餘光數闇不明主母妬嫉亂我  
事業

東壁星名



蒙

下背其上盜明相讓  
嬰兒子兩頭陳破  
其虛

未詳

需

鳳生會稽稍巨飛翔  
翔翔往來爲衆  
鳥雄

鳳靈鳥會稽山名



訟

鑿井求玉非下氏室名困身辱勞無  
所得

室當作寶

師

邦桀載役道至東萊百僚具舉君王  
嘉喜

詩衛風伯兮之篇曰邦之桀兮又



卷四  
三  
曰自伯之東註云婦人以夫父從  
征役而作是詩也文王之遣戍卒  
周公之勞歸士故其民悅而忘死  
焉

比

安息康居異國同廬非吾邦域使伯  
憂感

安息康居皆外國名



小畜

江河淮海天之都市商人受福國家

富有

無註

履

同本異業樂仁上德東鄰慕義來興

吾國

無註



泰

白鶴銜珠夜食爲明懷吾德音身受  
光榮

搜神記云有鶴爲人所射窮而  
歸噲參參收養療治瘡愈而放之  
後鶴夜到門外參執燭視之鶴雌  
雄雙至各銜明珠以報參焉

否



踐履危難脫厄去患入福喜門見吾  
邦君

無註

同人

宮商既和聲音相隨驪駒在門主君  
以歡

無註

大有



天地配享六位光明陰陽順序以成厥功

天地即乾坤二卦六位震巽坎離艮兌

豫

江河淮海天之奧府衆利所聚可以饒有樂我君子

無註



隨

雙鳥俱飛欲歸稻池經涉翟澤爲矢  
所射傷我胷臆

無註

蠱

留仲叔季日暮寢寐羸卧失限虞我  
具囊街却道傍

無註



臨

受終文祖承衰復起以義自閑雖苦  
無咎

虞書云舜受終于文祖按舜黃帝  
八代孫父頑母嚚象傲堯舉於側  
陋

觀

据斗運樞順天無憂與樂並居



斗北斗星名樞北極天之樞也

噬嗑

周師伐紂戰於牧野甲子平旦天下  
悅喜

武王伐紂甲子昧爽王朝至于商  
郊與紂戰於牧野勝殷受大賚  
于四海萬姓悅服

賁



十雌伯雞常與母俱抱雞搏虎誰敢  
害諸

無註

剥

桀跖並處人民愁苦擁兵荷糧戰於  
齊魯

桀夏桀跖盜跖

復



南山昊天刺政閔身疾悲無辜背憎  
爲仇

詩小雅節南山云節彼南山又曰  
不弔昊天又曰昊天不平此詩家  
父所作刺周王用尹氏爲太師秉  
國之均不能毗輔天子用威虐政  
以召禍亂民所憎惡甚於仇讎也

無妄



百川朝海流行不止道雖遼遠無不

到者

無註

大畜

目不可合憂來搖足怵惕爲懼去我

邦域

無註

頤



烏升鵲舉照臨東海  
厖降庭堅爲陶  
叔後封於英六履福爲厚

高陽氏才子八人厖降庭堅其二  
子也庭堅即皐陶字英六春秋時  
二小國見春秋魯文公十八年

大過

北方多棗橘柚所聚荷囊載黍盈我  
筐筥



無註

坎

懸飢素飡食非其任失望遠民實勞  
我心

詩伐檀篇云胡瞻爾庭有懸貆兮  
彼君子兮不素餐兮貆貉類

商

羔羊皮革君子朝服輔政扶德以合



萬國

詩羔羊之皮素絲五純羔羊之革  
素絲五緘言南國化文王之德在  
位皆節儉正直故詩人美其衣服  
有常也

咸

齊魯爭言戰於龍門構怨致禍三世  
不安



按春秋魯成公二年春齊侯伐我  
北鄙圍龍頃公之嬖人盧蒲就魁  
門焉龍人囚之齊侯親鼓三日取  
龍

恒

久陰霖雨塗行泥潦商人休止市無  
所有  
無註



遜

桃雀竊脂巢於小枝搖動不安爲風  
所吹寒心慄慄常憂殆危

桃雀即桃蟲詩曰肇允彼桃蟲註  
云鷦鷯也竊脂桑扈也

大壯

防患備灾凶惡不來雖困無憂未獲  
安休



安無註

晉

引順絕糧與母異門不見所懽孰與

共言

無註

明夷

鰮魚去海藏於枯里街巷漏隘不得自在南北極遠渴餒成疾



無註

家人

恭寬信敏功加四海辟去不祥喜來  
從母

語云子張問仁於孔子孔子曰能  
行五者於天下爲仁矣請問之曰  
恭寬信敏惠恭則不侮寬則得衆  
信則人任焉敏則有功



聯

歲飢無年虐政害民軋谿驪山秦楚  
結怨

昭公十三年楚靈王被弑于乾谿  
史記秦始皇造作驪山

蹇

右目無瞳偏視寡明十步之外不知  
何公



無註

解

蜩蟬歡喜草木嘉茂百菓蕃熾日益  
多有

詩豳風七月篇五月鳴蜩蟬也  
宋曰蟬蜩鄭曰蜩蟬

損

當得自如安坐無尤華入貴鄉到老



安榮

無註

益

狡兔躍躍良犬逐咋雄雉受害爲鷹

所獲

無註

夫

春桃生華季女宜家受福多年男爲



封君

詩周南桃夭篇言后妃之德也桃  
之夭夭灼灼其華之子于歸宜其

室家

姤

山石朽弊稍崩墮落上下離心君受

其崇

無註



萃

水壞我里東流爲海龜鳬謹翼不睹  
我家

無註

升

七竅龍身造易八元法天則地順時  
施恩富貴長存  
聖人心有七竅伏犧蛇身人首遇



河中龍馬負圖則而書之以畫八

卦

困

四夷慕德來興我國文君陟降同受

福德

詩大雅文王之詩曰文王陟降在

帝左右

井



華首山頭仙道所遊利以居止長無

咎憂

太華首陽之山也

華

鸛鳩徙巢西至平州遭逢雷雹闢我  
葦廬室家飢寒思吾故初

無註

鼎

同中諫議大夫圖佩節書之文



狗無前足陰謀叛背爲身害賊

未詳

震

陽孤亢極多所恨惑車傾蓋亡身常  
驚惶乃得其願雌雄相從

陽孤亢極易乾卦上九亢龍有悔

艮

空槽注猪豚屍不到張弓祝雞雄父



飛去

無註

漸

長夜短日陰爲陽賊萬物空枯藏於

北陸

書曰日短星昴以正仲冬又春秋  
左傳日在北陸而藏冰

歸妹



爪牙之士怨毒祈父轉憂與已傷不  
及母

詩小雅祈父篇云祈父予王之爪  
牙胡轉予于恤有母之尸饔

豐

拜跪請鬼不得是腐挽眉銜指低頭  
北去

無註



族

有莘季女爲夏妃后貴夫壽子母字  
四海

按本紀鯨取有莘氏女謂之女志  
是生高密宋衷云高密禹所封之  
國

巽

季姬跣跣待孟城隅終日至暮不見



齊侯

按詩靜女篇靜女其姝侯我於城隅愛而不見搔首踟蹰

允

邯鄲反言父兄生患涉叔援俎一死不還

涉叔即陳涉嘗令陳人武臣徇趙地武臣到邯鄲自立爲趙涉怒



捕繫武臣家室後因柱國之諫遂  
立武臣爲趙王武臣終於背涉竟  
死於莊賈之難出陳涉傳

渙

逐鹿山顛利去我西維邪南北利無

不得

無註

節



虎豹熊羆遊戲山谷君子仁賢皆得所欲

無註

中孚

穿鼻繫株爲虎所拘王母祝榴禍不成灾突然自来

無註

小過



梅李冬實國多賊盜擾亂並作王不能制

春秋魯僖公三十三年冬隕霜不殺草李梅實公羊傳曰紀異也此祿去公室政在公子遂之應

既濟

望幸不刊文章未就王子逐兔犬跡不得



無註

未濟

千柱百梁終不傾  
僵仁智輔聖周宗

寧康

周大封同姓以爲藩屏  
子孫安寧  
享祀八百

䷁ 坤下豫

永將泮散鳴鴈雍雍  
丁男長女可以



會同生育聖人

按詩匏有苦葉篇雝雝鳴鴈旭日  
始旦士如歸妻迨冰未泮

之軋

龍馬上山絕無水泉喉焦唇乾口不

能言

無註

坤



蔡侯朝楚留連江濱踰時歷月思其  
后君

曾定公三年冬蔡昭侯適楚獻佩  
裘於昭王昭王服之以享蔡侯蔡  
侯亦服其一子常欲之弗與三年  
止之

屯

丈厄姜里湯拘夏臺仁聖不害數困



何憂免於縲索爲世雄侯

文王囚於羑里成湯拘於夏臺

蒙

典策法書藏在蘭臺雖遭亂潰獨不

遇災

漢官儀御史臺內掌蘭臺秘書

需

旃裘羶國文禮不飭跨馬控弦伐我



都邑

無註

訟

星隕如雨弓弱無輔強陽制陰不得

安土

春秋莊公七年夏四月辛卯夜恒  
星不見夜中星隕如雨穀梁傳註  
云星旣隕而復雨也



師

蝗齧我稻驅不可去實穗無有但見  
空藁

無註

比

虎飢欲食爲蝟而伏禹導龍門辟咎  
除患元醜以安

史記龜策傳郭璞註云蝟能制虎



書禹貢龍門屬雍州在今馮翊夏  
陽縣禹治水導之

小畜

蝙蝠夜藏不敢晝行酒爲酸漿魴是  
飽羹

無註

履

精華墮落形體醜惡齟齬挫頓枯槁



腐蠹

無註

泰

兩足不獲難以遠行疾步不能後旅

失時

無註

否

令妻壽母宜家無咎君子之歡得以



長久

無註

同人

蚕飢作室昏多亂纏緒不可得

無註

大有

子鋤執麟春秋作元陰聖將終尼父

悲心



左傳哀公十四年春西狩於大野  
叔孫氏之車子鉏商獲麟孔子作  
春秋

謙

螟蟲爲賊害我稼穡禾單麥盡秋無  
所得

螟蟲類似蚕吐絲食禾心者

隨



憂在腹內山崩爲疾禍起蕭牆竟制其國

語曰季氏將伐顓臾季氏魯大夫顓臾國名魯附庸也孔子曰吾恐季孫之憂不在顓臾而在蕭牆之內也

蠱

茹芝餌黃飲食玉璫與神流通長無



憂凶

無註

臨

一夫兩心被刺不深所爲無功求事

不成

被章移切

觀

十里望烟散渙四分形容滅亡終不



見君 一本云 膠車木馬不利遠  
駕出門有害安止得全

無註

噬嗑

張弓廓弩經涉山道雖有伏虎誰敢  
害諸

無註

賁



泉閉澤竭王母飢渴君子困窮乃徐  
有說

無註

剥

野鳶山鵲奕棊六博三梟四散主人  
勝客

六博三梟皆古局戲名

復



羊驚馬走上下揮擾鼓音不絕頃公  
奔敗

春秋魯成公二年衛孫桓子魯臧  
宣叔晉卻克與齊頃公戰晉人援  
桴而鼓馬逸不能止師從之頃公  
敗績

無妄

黃帝神明八子聖聰俱受大福天下



康平

高陽氏有才子八人天下謂之八

愷

大畜

住車醞酒疾風暴起泛亂福器飛揚  
位草明神降祿道無害寇

無註

頤



滕蛇乘龍宋鄭飢凶民食草蓬

春秋魯襄公二十八年梓慎曰蛇  
乘龍龍宋鄭之星也宋鄭必飢

# 大過

揚水潛鑿使石潔白裏素表朱遨遊  
皐澤得君所願心志娛樂

詩揚之水刺晉昭公也昭公分國  
以封沃沃盛強曰揚之水白石鑿



鑿素衣朱襮從子于沃既見君子

云胡不樂

坎

西過虎廬驚其前樞雖憂無尤

無註

離

衣成無袖不知所穿客指東西未得

便安



大  
無註

咸

晨風文翰隨時就溫雄雌相和不憂  
危殆

詩晨風篇云駉彼晨風鬱彼北林  
未見君子憂心欽欽註曰婦人憂  
其君子而以晨風自興也

恒



心多恨悔出言爲怪梟鳴于北聲醜  
可惡請謁不得

鴟梟惡鳥也

遯

離女去夫閔思苦憂齊子無良使我  
心愁

詩南山篇曾道有蕩齊子由歸

大壯



過時不歸雌雄苦悲徘徊外國與叔  
分離

無註

晉

鵲巢柳樹鳩集其處任力薄德天命  
不祐

詩召南鵲巢篇云維鵲有巢維鳩  
居之



明夷

鶴盜我珠逃於東都懷怒追求郭氏  
之墟不見蹤跡使伯心憂

未詳

家人

夫婦相背和氣弗處陰陽俱否莊姜  
無子

按詩綠衣篇註云衛莊公惑於嬖



睽

妾夫人莊姜賢而失位故作此詩

日走月步逃不同舍夫妻反目主君  
失位

蹇

易小畜卦輿脫輹夫妻反目

雒陽嫁女善逐人走三寡失夫婦妬  
無子



未詳

解

周德既成杼軸不傾太宰東西夏國  
康寧

此言周家之德周公之職也

損

日中爲市交易資寶各利所有心悅  
以喜



易繫辭云日中爲市致天下之民  
聚天下之貨交易而退各得其所  
蓋取諸噬嗑

益

童妾獨宿長女未室利無所得

無註

夬

忠言輔成王政不傾公劉兆基文武



綏之

言周召輔成王及公劉文武之德

姁

牛驥同堂郭氏以亡國破爲虛主君

奔逃

按胡傳莊公二十四年齊桓公問  
郭父老曰郭何以亡父老曰見善  
而不能舉惡惡而不能去所以亡



萃

中原有菽以待雉食飲御諸友所求  
大得

詩小宛篇中原有菽庶民采之

升

多虛少實語不可覆樽虛無酒飛言  
如雨

無註



困

青蠅集蕃君子信讒害賢傷忠患生

婦人

詩青蠅刺幽王也營營青蠅止于

棘讒人罔極交亂四國

井

履株覆輿馬驚傷車步爲我憂

無註



革

商風召寇呼我北盜間謀內應與我  
爭鬪殫已寶藏主人不勝

春秋秦穆公聽杞子謀伐鄭遂敗

鼎

逸豫好遊不安其家惑於少姬久迷  
不來

未詳



震

吾有驊騮畜之以時東家翁孺來請  
我駒價極可與後無賤悔

無註

艮

阨窮上通與堯相逢登升大麓國無  
凶人

堯舉舜於側微而納之大麓



漸

衆鬼俱走熊羆在後躋不能進失信

寡處

無註

歸妹

旁行不遠三思復反心多畏惡中日

止舍

無註



豐

倉唐奉使中山以孝文侯悅喜擊子

徵召

魏文侯封太子擊於中山三年不  
問舍人趙倉唐入見文侯悅之遂

召還國

旅

入天門守地戶居安樂不勞苦一說



文山蹲鴟肥脂多脂王孫獲願載福  
巍巍

食貨志岷山之下沃野有蹲鴟即  
預也

巽

登堦上堂見吾父兄左酒右漿與福  
相迎

無註



允

秋虵向穴不失其節夫人姜氏自齊復入

按春秋魯桓公夫人文姜有邪行復歸于齊故言秋蛇猶知向穴而不失其節文姜不守理而復歸于齊也

渙



忍醜少羞無面有頭減耗寡虛日以  
削銷

未詳

節

景星炤堂麟鳳遊翔仁施大行頌聲  
以興

物理論景星者星之精也王者不  
私人以官使賢者在位則見麟仁



獸鳳靈鳥世治則見也

中孚

竿旄旌旗執幟在郊雖有寶珠無路致之

衛詩千旄篇云子子千旄在浚之郊小序云美好善也

小過

李華再實鴻卯降集仁德以興陰國



受福

無註

既濟

白馬赤烏戰於東都天輔有德敗悔  
爲憂

詩曰有客有客亦白其馬蓋白馬  
殷人所尚 史記武王渡河有火  
流爲烏蓋與周之祥也東都指牧



野朝歌而言

未濟


採薪得麟大命隕顛英雄爭名天下

四分

白無註

易林卷第四








卷之四

四

四











895.108

Ss7s2

v. 400

焦氏易林


五

CHINA















易林卷第五

三三

震下  
兌上  
隨

鳥鳴東西迎其群侶不得自專空返

獨還

無註

之乾

鼻目易處不知香臭死君迷於事失於  
共居一云失其寵位



無註

坤

唐虞相輔鳥獸喜舞安樂無事國家

富有

虞書變曰於予擊石拊石百獸率

舞

屯

左輔右弼金玉滿櫃常盈不亡富有如



敖倉

無註

蒙

蒼龍單獨與石相觸摧折兩角

無註

需

釣目厭部善逐人走來嫁無夫不安

其廬



其無註

訟

逐虎驅狼避者不祥凶惡北行與喜  
相逢

無註

師

齎貝贖狸不聽我辭繫於虎鬚牽不  
得來



無註

比

岡載共輿中道別去喪我元夫獨與

孤居

岡當作同

小畜

奮翅鼓翼異將之嘉國愆期失時反得所欲



無註

履

目傾心惑夏姬在側申公顛倒巫臣  
亂國

春秋宣公十年陳靈公通於夏姬  
其子徵舒病之出自廐射而中之

泰

搏鳩彈鵲逐兔山北丸盡日暮失獲



無得

無註

否

鹿求其子虎廬之里唐伯季耳貪不

我許

無註

同人

敗魚鮑室自死不可息上山履塗歸傷



我足

無註

大有

華燈百枝消衰暗微精光訖盡奄有

灰靡

無註

謙

顏叔子夏遨遊仁宇溫良受福不失



其所

顏叔子淵之父顏無繇也子夏姓

卜名商

豫

梁柱堅固子孫蕃盛福喜盈積終無

禍悔

大無註

蠱



邊鄙不聳民狎其野穡人成功年歲

大有

無註

臨

虵牛鳴呬呼求水潦雲雨大會流成

河海

無註

觀



志合意同姬姜相從嘉耦在門夫子  
悅喜

春秋左傳曰雖有姬姜無棄憔悴  
噬嗑

白馬駮騮更生不休富有商人利得  
如丘

無註

賁



大姒夏禹經啓九道各有攸家民得  
安所

大禹姒姓九道九州之道書禹別  
九州

剝

甲戌巳庚隨時轉行不失其心得且  
安寧

無註



復

穆違百里使孟厲武將師襲戰敗於  
穀口

秦穆公違蹇叔之言使百里孟明  
視出師襲鄭孟即孟明視也厲謂  
嚴厲武事也

无妄

茅茹本居與類相扶顧慕群旅不離



其巢

易泰卦曰拔茅連茹以其彙征吉

大畜

伯仲叔季日暮寢寐坐臥失明喪其

貝囊

無註

頤

亡羊補牢張氏失牛駢駟奔走鵠盜



我魚

無註

大過

雀目燕鰓畏昏無光思我狡童不見

子充

詩曰不見子充乃見狡童註云子

充猶子都也

坎



入暗出明動作有光運轉休息常樂

允康

無註

离

不勝私情以利自嬰北室出孤毀其

良家

無註

咸



稱幸上靈媚悅於神受福重重子孫蕃功

無註

恒

齊姜叔子天文在位實沈參墟封爲康侯

齊姜武王后叔子即太叔當齊姜方震太叔夢帝謂已余命而子曰



虞及生有文在手曰虞遂以命之  
及成王滅唐而封太叔焉參爲晉  
星實沈參神也出左傳魯昭公元  
年

遜

遨遊無患出入安全長受其歡君子  
萬年

無註



大壯

被服文德升入大麓四門雍肅登受  
大福

書曰納于大麓烈風雷雨弗迷註  
麓山足也

晉

負金懷玉南歸嘉國蜂虻不螫利入  
我室



蠱音寨螫音釋

明夷

日在阜顛鄉昧爲昏小人成群君子

傷倫

無註

家人

水父海母先來鳴响澤阜之土從高

大而處



無註

睽

東隣少女爲王長婦柔順利貞宜夫

壽子

無註

蹇

戴鍤望天不見星辰顧小失大福逃

於外



鍾音否

解

王喬不病狗頭不痛三尸失履復乏我

逆從

王喬古仙人名三尸按韻府群玉

有上尸中尸下尸居人身中凡庚

申日上詣天曹言人罪福出酉陽

雜俎



損

使鸞築室身無庇宿家不容車微我

衣服

無註

益

威權分離鳥夜徘徊爭蔽月光大人

誅傷

無註



夬

辯變白黑巧言亂國大人失福君子  
迷惑

無註

姤

依踞甲鎧敝筐受貝大人不顧少婦  
不取棄捐於道

無註



萃

并  
鸞雀銜笄以生孚乳兄弟六人妓好  
悌孝得心懽忻和悅相樂

無註

升

登几上輿駕駟南遊合從散衡燕秦  
以僵

蘇秦主從張儀主衡秦事燕儀事



秦按禮部韻毛居正曰以六攻一  
爲從以一離六爲橫合之曰從衡  
困

黷黷許許仇偶相得冰入炭室消亡  
不息

無註

井

鷓鴣破斧邦人危殆賴其忠德轉禍



爲福傾亡復立

鷓鴣破斧皆詩豳風篇名言周公  
誅管蔡以安周室之事

革

載金販狗利弃我走藏匿淵渠悔折

爲咎

無註

鼎



卷五 十一  
泉坑復平宇室安寧憂患解除賴福

長生

無註

震

驪姬讒嬉與二孽謀譖啄恭子賊害

忠孝駕出嘉門商伯有喜

春秋左傳晉獻公嬖驪姬驪姬欲

立其子奚齊賂外嬖梁五東闢嬖



五譖毀群公子及世子申生恭子  
即申生也

艮

刺羊不當血少無羹女執空筐不得

採桑

無註

漸

牧羊稻園聞虎喧嘩畏懼悚息終無



禍患

無註

歸妹

明德隱伏麟鳳遠匿周室傾側不知  
所息

孔子作春秋絕筆於獲麟之後周  
室衰焉語云鳳鳥不至吾已矣夫

豐



鄰不我顧而求王女身多禿癩誰肯媚者

無註

旅

初雖無輿後得戰車賴幸逢福不罹

兵革

無註

哭



水壞我里東流爲海龜鳬謹置不睹

王母

無註

允

兩心不同或欲西東明論終始莫適

所從

無註

渙



天帝懸車廢禮不朝襁福不制失其  
寵家

天文有帝車星

節

交川合浦遠濕難處水土不同思吾

皇祖

交川即交州合浦產明珠

中孚



句踐之危棲於會稽太宰機言越國  
復存

按史勾踐越王名爲吳所敗以餘  
兵棲會稽鳥宿曰棲越依山林故  
云會稽山名在越

小過

慈烏鳴鳩執一無尤寢門內治君子  
悅喜



無註

既濟

當年早寡獨立孤居雞鳴犬吠無敢  
問諸我生不遇獨離寒苦

無註

未濟

江河變服淫酒無側高位顛崩寵祿  
反覆



無註

三三

巽下艮上

蠱

魚生江淮一轉爲百周流天下無有  
難惡

無註

之乾

首澤與目載受福慶我有好爵與汝  
相迎



易繫辭我有好爵吾與爾靡之

坤

輻輳輻輳歲莫偏蔽寵名捐弃君衰

在位

無註

屯

折若蔽日蘭屏王目司馬無良平子

沒傷



楚詞折若木以拂日兮若木木名  
在崑崙西極其華光照下地蘭屏  
未詳 魯伐季平子平子登臺三  
請弗許叔孫氏之司馬黻戾言於  
衆曰凡有季氏與無孰利皆曰無  
季氏是無叔孫也遂伐公徒公孫  
于齊

蒙



家在海隅撓繞深流王孫單行無妄  
以趨

無註

需

執義秉德不危不殆延頸盤桓安其  
室檀屯耗未得終無大恤

無註

訟



長舌亂家大斧破車陰陽不得姬姜  
衰憂

無註

師

二人異路東趨西步千里之外不相

知處

無註

比



視闇不見雲蔽日光不見子都鄭人  
心傷

詩山有扶蘇篇云不見子都註云  
子都男子之美稱也

小畜

初憂後喜與福爲市八佾列陳飲御  
嘉友

八佾舞列也



履

童妾獨宿長女未室利無所得

無註

泰

玄黃四塞陰雌伏謀呼我墻屋爲巫

所識

無註

否



中復摧頽常恐衰老復賴慶五殺  
爲相

百里奚亡之秦楚鄙人執之繆公  
以五殺羊皮贖之號曰五殺大夫

同人

伯氏殺羊行悖天時亳社夷燒朝歌  
丘墟

亳當作亳商都也朝歌紂所都也



大有

日短夜長祿命分張早離父兄免見

憂傷

無註

謙

采唐沫鄉期於桑中失期不會憂思

約帶

詩桑中爰采唐矣沫之鄉矣云誰



之思美孟姜矣唐蒙菜也沫衛邑  
豫

昧視無光夜不見明冥抵空牀季葉  
逃亡

未詳

隨

舉趾振翼南至嘉國見我伯姊與惠  
相得



無註

臨

則天順時周流其壻與樂並居无有

咎憂

無註

觀

萬室蜂戶螫我手足不可進取爲吾

害咎



無註

噬嗑

公孫駕驪載遊東齊延陵悅產遺季

紵衣

產鄭大夫子產季吳公子季札聘

於鄭子產獻以紵衣出左傳

賁

轉作驪山大失人心劉季發怒禽滅



子嬰

按史記秦始皇大發天下工匠徭役咸陽建阿旁宮直抵驪山表以此失衆民之心致漢高祖遂滅秦

剥

羊腸九縈相推稍前止須王孫乃能

上天

無註



復

蟬螭充側佞人傾惑女謁橫行正道  
壅塞

蟬螭止奔也蟬螭在東莫之敢指  
女子有行遠父母兄弟

无妄

福祿不遂家多恠崇麋鹿悲啼思其  
大雄



無註

大畜

雲雷因積大雨重疊久不見日使心

悒悒

無註

頤

三河俱合水怒踊躍壞我王室民困

無食



三河唐人都河東殷人都河內周  
人都河南三河在天下之中史貨  
殖傳

大過

旦雨夜行早遍辟城更相覆傾終無  
所成

無註

坎



褒后生蛇垂老盲微倒跌哀公酉滅

黃離

褒后即褒姒初夏之哀褒人之神  
化爲二龍以伺王庭夏后卜藏其  
赧至周末發而觀之赧化爲黿童  
女遇之而孕是生褒姒

離

鴻鴈南飛隨時休息轉逐天和千歲



不衰

無註

咸

後時失利不得所欲莫亨偕結自逐

自逐

無註

恒

心多恨悔出言為怪梟鳴室北醜聲



可惡請謁不得

說苑齊景公爲露臺成梟鳴其上  
惡之相常騫請夜禳之明日梟當  
自陞布翼伏地而死

遯

駟馬過隙時難再得尼父孔聖繫而  
不食

魏豹傳人生如白駒過隙孔子云



吾豈匏瓜也哉焉能繫而不食

大壯

陰變爲陽女化爲男治道得通君臣  
相承

無註

晉

崑崙源口流行不止龍門砥柱民不  
安處毋歸孩子黃麕悅喜



書禹貢註云崑崙之山即河源所  
出砥柱石在大河中流其形如柱  
今陝州陝縣三門山是也

明夷

葛藟蒙棘華不得實讒佞亂政使恩  
壅塞

葛藟詩篇名蒙棘詩葛生篇云葛  
生蒙棘歛葛于域予美亡此誰與



獨息

家人

公無長驅大王駿馬非其當所傷折

爲害

無註

睽

大倉充盈庶民蕃盛年歲熟榮

無註



寒

執蕢炤犧爲風所吹火滅無光不見

玄黃

蕢雜草香也犧宗廟牲也

解

鳥反故巢歸其室家心平意正與叔  
相和登高墮墜失其寵貴

無註



損

弩弛弓藏良犬不行內無怨女征夫  
在堂

無註

益

特犧孔博曰新其德文公燎獵姜氏  
受福

此言西伯出獵載呂望歸以為師



夬

季秋孟冬寒露霜降大陰在庭品物  
不生雞矢夜鳴家擾數驚

矢當作犬

姤

心多恨悔出門見怪有蛇三足醜聲  
可惡嫫母爲媒請求不得

嫫母黃帝次妃貌醜而賢



萃

虎豹爭強道閉不通小人謹訟貪夫受空

無註

升

雞方啄粟爲狐所逐走不得食惶懼惕息

無註



困

陳嬀敬仲兆興齊姜乃適營丘八世  
大昌

按春秋傳陳嬀姓敬仲即陳公子  
完魯莊公二十二年奔齊使爲工  
正初懿氏卜妻敬仲曰有嬀之後  
將育于姜八世之後莫之與京姜  
齊姓營丘齊所封之地



井

昊天白日  
照臨我國  
萬民康寧  
咸賴

嘉福

無註

革

雲夢大藪  
嘉有所在  
虞人共職  
驅駒

樂喜

荊州有澤  
藪曰雲夢  
方八九百里



鼎

獐鹿雉兔群聚東國俱徃逐追九齮  
十得主君有喜

齮音責

震

德惠孔明雖衰復章保其室堂

無註

艮



天之所壞不可強支衆口嘈嘈雖貴  
必危

無註

漸

天之與隅堯舜所居可以全身保我

邦家

無註

歸妹



下泉苞恨十年無王荀伯遇時憂念

周京

恨當作稂荀當作劬下泉詩云洌  
彼下泉浸彼苞稂又云四國有王  
劬伯勞之劬伯即劬侯周文王之  
後嘗爲周伯治諸侯有功

豐

江河海隅衆利聚居可以遨遊卒歲



無憂

無註

旅

南山黃竹三身六目出入制命東皇

宣政主尊君安鄭國無患

皇當作里東里子產所居也子產

爲政則鄭國是恩

共



重驛置之來除我憂與喜俱居同其

福休

無註

允

南山高岡麟鳳室堂含和履中國無

灾殃

無註

渙



紫芝朱草與仙爲侶公尸侑食福祿  
來下

芝草論芝生於土土和及王者慈  
仁則生朱草百草之精也王者德  
無所不通則生

節

宮成室就進樂相舞英俊在堂福祿  
光明



無註

中孚

商人子孫資無所有貪狼逐狐留連  
都市還轅內鄉嘉喜何咎

無註

小過

執贄入朝獻其狐裘元戎變安沙漠  
以懽



書五玉三帛二生一死執贄傳云此  
言諸侯之覲皆執此贄也

既濟

湧泉滑滑南流不絕壞敗邑里家無  
所處

無註

未濟

固陰沍寒常冰不溫凌人情怠大雹



爲災

凌人冰人也按詩傳蘇氏曰古有  
藏冰發冰以節陽氣之盛是以無  
災霜雹也

䷁  
坤上臨  
兌下

弱水之上有西王母生不知老與天  
相保行者危殆利居善喜

書弱水旣西柳宗元曰西海之山



有王母其下有水散渙無力不能

負芥園

之乾

黃犗生馬白戌爲母晉師在郊虞公  
出走

魯僖公二年晉荀息請以屈產之  
乘垂棘之璧假道於虞以伐虢而  
虞公貪璧馬之獻不聽宮之奇忠



諫之言遂爲晉所滅鄧宮之書也

坤

倉唐奉使中山以孝文侯悅喜擊子

徵召

魏文侯封太子擊於中山三年不  
問舍人趙倉唐入見文侯悅之遂

召還國

屯



機關不便不能出言精誠不通爲人所冤

無註

蒙

白茅醴酒靈巫拜禱神嗜飲食使君壽考

書曰包匭菁茅荆楚有三脊茅所以供祭祀縮酒之用



需

重瞳四乳耳聰目明普為仁表聖作

元輔

淮南子云舜目重瞳文王四乳

訟

水長無船破城壞堤大夫從役困于  
泥塗一朝喪殞不見少妻

無註



師

二人俱行各遺其囊  
鴻鵠失珠無以爲明

無註

比

隨時轉行不失其常  
咸樂厥類身无咎殃

無註



小畜

蔡女蕩舟爲國患  
息女褒后在側屏蔽  
王目搔擾六國

蔡姬蕩舟以懼齊桓出左傳褒姒  
在幽王之側則蠱惑其心出史記  
履

駕龍騎虎周遍天下爲人所使西見  
王母不憂不殆



無註

泰

負怨之吳晝策盭廬鞭平服荆除大  
咎殃威震敵國還受上卿

負楚人伍奢之子字子胥父奢爲  
平王所誅亡之吳盭廬吳王名

否

唐邑之墟晉人之居虞叔受福實沈



是國世載其樂

唐邑晉地虞叔封於晉

同人

管鮑相知至德不離三言相桓齊國  
以安

管仲鮑叔善交二人嘗同貨管仲  
多自與鮑叔不以爲貪知仲貧也  
嘗三戰三北鮑叔不以爲怯知仲



有老母也管仲曰生我者父母知  
我者鮑叔後薦之桓公任以爲相  
大有

三十無室長女獨宿心勞未得憂在  
胃臆

無註

謙

散渙水長風吹我鄉火滅無光墮敗



桓公水斗風火并戰火燄無失趙姬

無註

豫

飛蛸蠕動各有配偶小大相保咸得

其所無室身大歸而心禁未野憂其

大序蛸井虫又詩蛸蛸者蠋

隨

安樂几筵未出王門主於其父母



無註

蠱

火生月窟上下恩塞觝亂我國

無註

觀

長生無極子孫千億栢柱載青堅固

不傾

無註



噬嗑

欽敬昊天曆象星辰宣授民時陰陽  
和調

書堯典乃命羲和欽若昊天曆象  
日月星辰敬授人時

賁

三河俱合水怒踊躍壞我王屋民困  
於食



三河唐人都河東殷人都河內周  
人都河南三河在天下之中史貨  
殖傳

剥

壽如松喬與日月俱常安康樂不見  
禍憂

赤松王喬皆古仙人

復



卷五 四十三  
天之所予福祿常在不憂危殆

無註

无妄

受讖六符招搖空虛雖跌無憂保我

全財

六符招搖皆星名

大畜

齋金買車失道後時勞罷爲憂我心



則休

無註

頤

華首山頭仙道所遊利以居止長无

憂咎

太華首陽皆山名

大過

采唐沫鄉要期桑中失信不會憂思



約帶

詩桑中爰采唐矣沫之鄉矣云誰  
之思美子孟姜矣唐蒙萊沫衛邑名

坎

八面九口長舌爲斧斲破瑚璉殷商  
絕後

商紂無道微子抱祭器奔周其後  
武王伐紂遂滅殷焉



離

臨溪蟠枝雖恐不危樂以笑歌

無註

咸

泱泱沸溢水泉爲害使我無賴

無註

恒

蝗螟爲賊傷害稼穡愁饑於年農夫



鮮食

蝗蝻屬虫名蝻食苗心虫皆害稼

者也

遯

八百諸侯不期同時慕西文德興我

宗族家門雍雍

按史記武王伐紂東觀兵於盟津

諸侯不期而會者八百盟音孟



大壯

長男少女相向笑語來歡致福和悅  
樂喜

無註

晉

平國不君夏氏作亂烏號竊發靈公  
殞命

陳靈公通於夏姬其子徵舒病之



出自廐射而中之事見宣公十年

明夷

春多膏澤夏潤優渥稼穡熟成畝獲

百斛

無註

家人

客宿卧寒席蓐不安行危爲害留止

得歡



無註

睽

乘桴於海雖懼不殆母載其子終焉  
何咎

語云乘桴浮于海桴筏也  
蹇

手拙不便不能伐檀車無軸轅行者  
苦難



詩伐檀篇云坎坎伐檀兮檀木可

爲車者

解

唐虞相輔鳥獸喜舞民安無事國家

富有

虞書夔曰於予擊石拊石百獸率

舞

損



秋蛇向穴不失其節夫人姜氏自齊復入

按春秋魯桓公夫人文姜有邪行復歸于齊故言秋蛇猶知向穴而不失其節文姜不守理而復歸于齊也

益

病篤難醫和不能治命終斯訖下即



蒿蘆

益

按春秋晉侯有疾求醫於秦使醫和視之曰疾不可爲也

夾

青蛉如雲城邑閉門國君衛守民困於患

未詳

姤

姤姤曰穴不夫其氣夫人是乃自齊



牙孽生齒室堂啓戶幽人利貞鼓翼  
起舞

按小畜之睽作牙孽子生達義通

萃

鳬遊江海沒行千里以爲死亡復見  
空桑長生樂鄉

無註

升



黃帝出遊駕龍乘馬東上太山南遊  
齊魯邦國咸喜

黃帝邑於涿鹿之阿遷徙无常以  
兵師爲營衛後得六相而天地治  
神明至

困

履危不止與鬼相視驚恐失氣如騎  
虎尾



無註

井

秋南春北不失消息涉和履中時無  
隱慝

無註

革

龍門砥柱通利水道百川順流民安  
其居



按書禹貢龍門屬雍州在今馮翊  
夏陽縣砥柱石在大河中流其形  
如柱今陝州陝縣三門山是也此  
皆言禹治水之功

鼎

千歲廟堂棟撓傾僵天厭周德失其  
寵光

無註



震

折若蔽目不見稚叔三足孤鳥遠離  
室家

楚詞折若木以拂日兮若木木名  
在崑崙西極其華光照下地三足  
孤鳥日中有三足鳥目當作日

艮

望叔山北陵隔我目不見所得使我



憂惑

無註

漸

匏瓠之恩一畝千室萬國都邑北門

有福

無註

歸妹

域域牧牧憂禍相半隔以巖山室家



分散

無註

豐

騏驎騶耳遊食萍草逍遙石門循山  
上下不失其所

騏驎騶耳皆良馬名石門地名

旅

天所祚昌文以爲良篤生武王姬受



其福

文王名昌武王文王之子此言周  
有天下之德周姬姓

巽

羊腸九縈相推稍前止須王孫乃能

上天

無註

兌



貧鬼守門日破我盆孤牝不駒雞不

成鷄

無註

渙

飽食從容出門上堂不失其常家無

凶殃

無註

節



陰淫不止白馬爲洵皐澤之子就高而處

無註

中孚

執戈俱立以備暴急千人守門因以

益卑終安何畏

無註

小過

泉市門日如非益益非不向歟不



夾河爲婚水長無船遙心失望不見  
歡君

無註

既濟

陰陽變化各得其宜上下順通奏爲

膚功

無註

未濟



未任劣德薄失其臣妾田不見禽犬無

所齒

無註

䷁ 坤下 巽上 觀

歷止山之下虞舜所處躬耕致孝名聞

四海為堯所薦纘位天子

虞舜父頑母嚚克諧以孝躬耕于

歷山之下其後堯以天下禪焉



之乾

蛸飛蠕動各有所配歡悅相逢咸得其處

蛸井中蛸又詩蛸蛸者蠋

坤

繼祀宗邑追明成康光照萬國享世久長疾病不醫酉下即蒿蘆

成王康王皆周之明君德被萬方



享祀八百

屯

秋冬採巢不得鵲雛銜指北去媿我

少姬

無註

蒙

童妾獨宿長女未室利無所得

無註



需

鴻波逆流主人潛去蒿蓬代柱大屋  
顛仆

無註

訟

目闇不明讒夫在堂左辟疾瘁君失  
其光

無註



師

王孫季子相與孝友明允篤誠昇擢  
薦舉爲國幹輔

史記高陽氏有才子八人謂之八  
愷高辛氏有才子八人謂之八元  
堯未及舉舜於是舉八愷使主后  
土舉八元使布五教

比



麟趾龍身曰取三千南上蒼君悟與福  
爲昏道里夷易安全无患

詩麟之趾篇云麟之趾振振公子  
于嗟麟兮傳云文王后妃德脩於  
身而子孫宗族皆化於善故詩人  
美之

小畜

三子成駒破其堅車輪載空輿後時



失期

無註

履

逐禍除患道德神仙遏惡萬里常歡

以安

無註

泰

黃池之盟吳晉爭強勾踐為患夷國



不安

春秋魯哀公十三年公會晉侯及  
吳子于黃池吳晉爭先繼書於越  
入吳

否

青牛白咽呼我俱田歷山之下可以  
多耕歲露時節人民安寧

無註



同人

有頭無目不見穀粟消耗爲疾三年

不復

無註

大有

山沒丘浮陸爲水魚燕雀無巢民無

室廬

無註



謙

高岡鳳凰朝陽梧桐雍雍喈喈  
姜姜陳辭不多以告孔嘉

詩卷阿篇云鳳凰鳴矣于彼高岡  
梧桐生矣于彼朝陽又曰矢詩不  
多維以遂歌

豫

鰥寡獨宿憂動宵臆莫與宿食



無註

隨

馬躑破車惡婦破家青蠅汙白共子

離居

無註

蟲

長女三嫁進退不羞逐狐作妖行者

離憂



無註

臨

人無定法緩除才出地雄走歸陽不

制陰男失其家

無註

噬嗑

茹芝之餌黃飲食玉英與神流通長無

憂凶



無註

賁

東行無門西出華山道塞畏難遊子

爲患

華山爲西嶽見爾雅

剥

壽如松喬與日月俱常安康樂不罹

禍憂



赤松王喬皆古仙人名

復

探鷖得冬螭所願不喜道宜小人君子

咎蹇

鷖音扣哺而活者曰鷖

無妄

蝸螺生子深目黑醜雖飾相就衆人

莫取



無註

大畜

喜怒不時雪霜爲災稼穡無功后稷

飢憂

書曰汝后稷播時百穀

頤

烏升鵲舉炤流東海厖降庭堅爲陶  
叔後封圻蓼六履祿綏厚



高陽氏才子八人  
厖降庭堅其二  
子也庭堅即皋陶字英  
六春秋時  
二小國見春秋  
魯文公十八年  
蓼當作英

大過

黃離白曰招我四國  
元首昭明民賴其福

易離卦六二曰黃離  
元吉書曰元



首明哉股肱良哉庶事康哉

坎

黍稷醇釀敬奉山宗神嗜飲食甘雨  
嘉降獨蒙福力時灾不至

詩楚茨篇云我黍與與我稷翼翼  
我倉既盈我庾維億以爲酒食以  
享以祀又云神嗜飲食卜爾百福

離



福過我里入門笑喜與吾利市

無註

咸

晝卧里門悚惕不安目不得闕鬼搔

我足

闕音礙

恒

春草榮華長女宜夫受福多年世有



封祿

無註

遜

雍門內崩賊賢傷人暴亂狂悖簡公

失位

雍門齊城門也陳恒作亂簡公被

害事見哀公十四年

大壯



心志無良昌披妄行觸抵牆壁不見

戶房

無註

晉

膠車木馬不利遠賈出門爲患安止

得全

無註

明夷



卷五 十一  
家在海隅橈短流深企立望宋無木  
以趨

詩河廣篇云誰謂河廣一葦杭之  
誰謂宋遠跂予望之

家人

冬葉枯槁當風於道蒙被塵埃左右  
勞苦

無註



睽

過時不行妄逐王公老女失度不安

其居

無註

蹇

履泥汙足名困身辱兩仇相當身為

疾病

無註



解

精華隋落形體醜惡齟齬挫頓枯槁  
腐蠹

無註

損

長生无極子孫千億栢柱載青堅固

不傾

無註



益

去辛就蓼毒愈酷毒不思我家避穽  
入坑憂患日生

無註

夬

行堯欽德養賢致福衆英積聚國無  
寇賊

書曰若稽古帝堯欽明文思安安



本其德性而言也

姤

狗逐兔走俱入谷口與虎逢晤迫不得去

無註

萃

望尚阿衡太宰周公蕃屏湯武立爲

侯王



望太公呂尚也阿衡伊尹也太宰  
官名周公爲太宰

升

清人高子久屯野外逍遙不歸思我  
慈母

高子高克也詩清人在彭駟介旁  
旁註云鄭文公惡高克使將清邑  
之兵禦狄于河上久而不召師散



而歸高克奔陳鄭人爲作此詩也

困

三虫作蠱削迹無與勝毋盜泉君不

安處

按史記鄒陽書里名勝毋曾子不  
入盜泉水名孔子不漱

井

驢牝龍身進所無前三日五夜得其



所欽

無註

革

黃裏綠衣君服不宜淫泆毀常失其  
寵光

詩綠衣云綠兮衣兮綠衣黃裏言  
衛莊公惑於嬖妾夫人姜氏賢而  
失位故作此詩以比賤妾尊顯而



正嫡幽微

鼎

天所顧祐禍災不至安吉不懼

無註

震

盤紆九迴行道留難止須子丘乃睹

所歡

無註



艮

暴虐失國爲下所逐北奔陰月王居旄頭

夏桀無道湯放于鳴條而死其子  
葷粥妻桀之衆妾避居北野號曰  
匈奴

漸

御駢從龍至于華東與離相逢送致



于邦

無註

歸妹

銅人鐵距雨露勞苦終日卒歲無有

休息

銅人即金人秦鑄金人十二

豐

大人失宜盈滿復虧長冬之禾盛者



滅衰

受無註

旅

梅李冬實國多盜賊亂擾並作王不能制

春秋魯僖三十三年冬隕霜不殺草李梅實公羊傳曰紀異也此祿去公室政在公子遂之應



巽

澤枯無魚山童無株長女嫉妬使身

空虚

無註

兌

天門東虛既盡爲苗媵媵黯蒼秦伯

受殃

漢官儀曰泰山東上七十里至大



小洞天門白虎通云秦封泰山禪梁  
小洞天

渙

是鼎火三鼎耳革其口塞

褰衣涉河水深漬衣賴幸舟子濟脫

無他其耳熱不可舉六望聖人

中  
無註

節

無註

推車上山高仰重難終日至暮唯見



阜顛

無註

中孚

鼎易其耳熱不可舉大趾壅塞旅人

心苦

易鼎九三鼎耳革其行塞

小過

四亂不安東西爲患退身止足無出



邦域乃得完全賴其生福

無註

既濟

班馬還師以息勞罷役夫嘉喜入戶

見妻

無註

未濟

積德不怠遇主逢時載喜渭陽身受




榮光

按史太公釣於渭水之陽後歸周  
立爲師尚父

易林卷第五




















895.108

Ss7s2

v. 401

焦氏易林


六

CHINA















易林卷第六

三三震下噬嗑

麒麟鳳凰善政德祥陰陽和調國無

灾殃

麒麟仁獸中國有聖人則至鳳凰

瑞應之鳥太平之世則見

之乾

北風相牽提笑語言伯歌叔舞讌樂



以喜

無註

坤

甲戌己庚隨時轉行不失常節達性

任情各樂其類

無註

屯

破亡之虛神祇哀憂進往無光留止



有慶

無註

蒙

注斯膏澤扞衛百毒防以江南虺不

能螫

無註

需

日月相望光輝盛昌三聖茂功仁德



大隆

三聖堯舜禹也

訟

大蛇巨魚戰於國郊上下隔塞衛侯

廬曹

春秋魯閔公二年狄人伐衛衛立

戴公以廬于曹

師



龍入天關經歷九山登高上下道里  
險難日晏不食絕無甘酸

無註

比

沙漠北塞絕無水泉君子征凶役夫

苦艱

無註

小畜



關折門啓衿帶解墮福與善坐憂不  
爲禍

無註

履

狼虎所嗥患害必遭不利有爲宜以

遁逃

無註

泰



金精耀怒帶劍過午兩虎相距弓弩  
滿野雖憂無苦

無註

否

朽根枯樹葉落花去卒逢火焮相隨

偃仆

無註

同人



入和出明動作有光轉運休息常樂

永康

無註

大有

國多忌諱大人恒畏結口無患可以

長存

無註

謙



天地淳厚六合光明陰陽順序以成

厥功

其無註

豫

羸程逐狐爲人觀笑牝雞雄晨主作

亂妖

書曰牝雞無晨牝雞之晨爲家之

索孤當作狐



隨

陰升陽伏桀失其室相餒不食

桀夏桀無道成湯放之于南巢

蠱

蛸飛蠱動各有配偶小大相保咸得其所

蛸井中虫又詩曰蛸蛸者蠋特行

貌



臨

鬼守我廬欲呼伯去曾孫壽考司命  
不許與生相保章門闕不下木三耶

無註

觀

禍走患伏喜爲我福凶惡消亡菑害

不作

無註



賁

智不別揚張狂妄行蹈淵仆顛傷殺  
伯身

無註

剥

凶憂灾殃日益章明禍不可休三卻  
夷傷

按春秋三卻晉大夫卻錡卻犇卻



至成公十七年晉厲公侈多外嬖  
欲盡去群大夫而立其左右遂殺  
三郤

復

長尾蜚蜚畫地爲河深不可涉阻絕  
以無惆然憤息

無註

無妄



愛我嬰女牽引不與異幸高貴反得

賤下

無註

大畜

鳬遊江海甘樂其餌既不近人雖驚

不駭

無註

頤



明滅光息不能復食精魄既喪以夜

爲室

無註

大過

奇適無耦習靖獨處所願不從心思

勞苦

無註

坎



葛藟蒙棘華不得實讒佞亂政使忠  
壅塞

葛藟詩篇名蒙棘詩葛生篇云葛  
生蒙棘歛蔓于域予美亡此誰與  
獨息

离

鵲笑鳩舞來遺我酒大喜在後授吾  
龜細龍喜張口起拜福祉



漢舊儀列侯之印以黃金爲龜鈕

咸

搖尾逐災雲沉孽除濟泥生梁下爲

還田主

無註

恒

白鶴銜珠夜食爲明膏潤優渥國歲

年豐



搜神記云有鶴為弋人所射窮而  
歸噲參參收養療治瘡愈而放之  
後鶴夜到門外參執燭視之鶴雌  
雄雙至各銜明珠以報參焉

遯

內執柔德止訟以嘿宗邑賴德禍灾  
不作

無註



大壯

犬吠驚駭公拔戈起玄冥厭火消散

瓦解

禮記月令其神玄冥冬月之神也

晉

公悅姬喜孫子俱在榮譽日登福祿

來處

無註



明夷

鳥鳴嘯鷖長欲飛去循枝上下適與  
風遇顛隕樹根命不可救

鷖音扣嘯而活者曰鷖

家人

析薪爇酒使媒求婦和合齊宋姜子  
悅喜

詩伐柯篇取妻如何匪媒不得又



衡門篇豈其取妻必齊之姜豈其  
取妻必宋之子

睽

鄰不可顧而求玉女身多疾癩誰當

媚者

無註

蹇

遠視無明不知青黃黹續塞耳使君



卷六  
二  
閤聾

黃纊塞耳而聽於無聲

解

剋身已整逢禹巡狩賜我玄珪蒙受  
福祉

書禹貢云禹錫玄珪告厥成功言  
水土既平禹以玄珪為贄而告成  
功于舜也水色黑故珪以玄云



損

遠望千里不見黑子離婁之明無益  
於光

離婁古之明目者

益

斧斤所斫瘡痍不息鍼石不施下即

空室

無註



央

齊侯少子材略美好求我長女賤薄  
不與反得醜陋後乃大悔

無註

姤

失儷後旅天門地戶不知所在安止

無咎

無註



萃

烏孫氏女深目黑醜嗜欲不同過時  
無偶

烏孫國名其女目深而醜黑也

升

叔駕純駟南至東萊求索駒馬道悅

中止

無註



困

二女寶珠誤鄭大夫君父無禮自爲  
作笑

列仙傳江妃二女佩兩明珠大如  
卵遊江漢之濱鄭交甫逢而悅之  
不知其神也曰願請子之佩二女  
解而與之行數步二女不見佩亦  
失之



井

陽城太室神明所息仁智之居獨無  
兵革

無註

革

大蛇爲殃使道不通歲露甚少年穀  
敗傷

甚音鮮



鼎

三足孤鳥靈明爲御司過罰惡自殘  
其家毀敗爲憂

漢天文志日中有三足鳥

震

車雖駕兩勒絕馬欲步雙輪脫行不  
至道遇害

無註



艮

鬱怏不明為陰所傷衆霧集聚共奪

日光

無註

漸

鷦鷯鴝鴒治成禦灾周公勤勞綏德

安家

鷦鷯鳥名一名飛桑又名巧婦鷽



鴉詩篇名周公救亂也

歸妹

名成德就項領不試景公耄老尼父  
逝去

論語齊景公謂孔子曰吾老矣不  
能用也孔子遂行

豐

一夫兩心岐刺不深所爲無功求事



不成

無註

旅

羿張烏號彀射天狼趙國雄勇敗於

滎陽

羿后羿善射烏號弓名天狼獸名

滎陽地名滎當作滎

巽



東家殺牛汚臭腥臊神背西顧命絕  
衰周

周易既濟九五東隣殺牛不如西  
隣之禴祭

允

火起吾後喜炙我鹿蒼龍銜水泉  
噴柱屋雖憂無咎

無註



渙

桃雀竊脂巢於小枝搖動不安爲風  
所吹寒心慄慄常憂不殆

桃雀即桃虫詩曰肇允彼桃虫註  
云鷦鷯也竊脂桑扈也

節

徙足去域飛入東國有所畏避深藏  
隱匿



無註

中孚

瓊英朱草仁政得道鳬鷺在渚福祿  
來下

詩尚之以瓊英乎而瓊英石似玉  
生如草木之英華朱草百草之精  
也王者德無所不通則生

小過



陳蔡之危從者飢罷明德上通憂不  
爲凶

孔子嘗厄於陳蔡之間又曰從我  
於陳蔡者皆不及門也危當作厄

既濟

春桃生花季女宜家受福多年男為  
封君

詩周南桃夭篇桃之夭夭灼灼其



華之子于歸宜其室家

未濟

徑邪賊田政惡傷民夫婦呪詛太上  
覆顛

無註

三三

離下  
艮上

賁

政不暴虐鳳凰來舍四時順節民安  
其居



鳳凰靈鳥太平之世則見黃帝時  
巢于阿閣堯時來止于庭舜時來  
儀文王時鳴于岐山

之軋

八口九頭長舌破家帝辛沉湎商滅  
其墟

帝辛紂也書泰誓武王數紂曰沈  
湎冒色



坤

鬼守我門呼伯入山去其室家舍其  
兆墓

無註

屯

日出阜東山蔽其明章甫薦屨箕子  
佯狂

章甫禮冠商紂無道箕子佯狂而



爲奴

蒙

戴盆望天不見星辰顧小失大福逃

墻外

無註

需

兩輪並轉南上大阪四馬共轆無有

重難與語笑言



無註

訟

羊驚狼虎悚耳群聚行旅稽難留連

愁苦

一云

從風群聚

無註

師

梗生荆山命制輸班袍衣剥脫夏熱  
冬寒立餓枯槁衆人莫憐



荆山多產異材班公輸子魯班也

比

鳥飛無翼兔走折足不常其德自為

羞辱

無註

小畜

條風制氣萬物生出明庶長養花葉

茂榮



無註

履

坤厚地德庶物蕃息平康正直以綏  
大福

易曰坤厚載物德合無疆

泰

昴畢附耳將軍求怒徑路隔塞燕雀

驚駭



昂畢附耳皆星名

否

東風啓戶黔啄翻舞各樂其類咸得

生處

無註

同人

兩足四翼飛入家國寧我伯姊與母  
相得



無註

大有

歲暮花落陽入陰室萬物伏匿藏不  
可得

無註

謙

釋然遠咎避患害早田獲三狐以貝  
爲寶



周易解九二田獲三狐狐者邪媚  
之獸三狐指卦之三陰時之小人  
也獲如能變化除去之如田之獲  
狐也

豫

鵲延却縮不見頭目日以困急不能  
自復

無註



隨

秋隼冬翔數被嚴霜雞犬夜鳴家擾  
不寧

隼鳥名鷁屬即鷁也

蠶

班馬還師以息勞罷役夫嘉喜入戶  
見妻

春秋齊師夜遁有班馬之聲



臨

老陽日衰條多枯枝爵級不進逐下  
摧隤

陽當作揚

觀

順風吹火牽騎驥尾易為功力因懼  
受福

無註



噬嗑

六人俱行各遺其囊黃鶴失珠無以

爲明

無註

剥

依叔墻隅志下勞苦楚相辰食韓子  
低頭

淮陰人韓信家貧嘗寄食於南昌



復

亭長并受辱於袴下詳見本傳

三牛生狗以成爲母荆夷上侵姬伯

出走

三牛一作三年見坤之震一作三

馬生駒見否之姤

頤

鴻鵠高飛鳴求其雌雌來在戶雄哺



嘻嘻甚獨勞苦焦鰾膾鯉

焦音魚

大過

褰衣涉河水深漬罷賴幸舟子濟脫

無他

無註

坎

虎齧龍指太山之崖天命不祐不見



其雌

無註

离

明不處暗智不履危終日卒歲樂以

笑歌

無註

咸

三足俱行傾危善僵六指不使恩累



弟兄樹柱闕車失其正當

闕音礙

恒

舍車而徒亡其駮牛雖喪白頭酒以

療憂

無註

無妄

鶴盜我珠逃於東都鵠怒追求郭氏



之墟不見蹤跡反爲患灾

未詳

大畜

升輿中退舉事不遂哺麋毀齒失其

道理

無註

遯

析薪爇酒使媒求婦和合齊宋姜子



卷六 二十七  
悅喜

詩伐柯篇取妻如何匪媒不得又  
衡門篇豈其取妻必齊之姜豈其  
取妻必宋之子

大壯

夜視無明不利賈商子反笑歡與市  
爲仇

無註



晉

徒行離車不冒泥塗利以休居

無註

明夷

作室山根人以爲安一昔崩顛破我

壺飧

無註

家人



山東山西各自言安雖相登均望見未

同堂

無註

睽

君子在朝凶言去消驚駭逐狼不見

英雄

無註

蹇



輶輶墳墳火燒山根不潤我鄰獨不  
蒙恩

輶音隱

解

南山之蹊真人所在德配唐虞天命  
為子保佑歆享身受大慶

唐虞堯舜有天下之號也

損



龍蛇所聚大水來處決決濡濡澹澹  
磕磕使我無賴

澹音熒磕音盍

益

旃裘苦蓋慕德獻服邊鄙不聳以安

王國

無註

夬



光體春成陳倉雞鳴陽明失道不能  
自守消亡爲咎

按秦紀索隱註曰漢書郊祀志云  
文公獲若石云于陳倉北坂城祠  
之其神來若雄雉其聲殷殷云野  
雞夜鳴以牢祠之號曰陳寶又臣  
瓚云陳倉縣有寶夫人祠歲與葉  
君神會祭于此者也



姤

下泉苞稂十年無王荀伯遇時憂念

周京

荀當作劬下泉詩云冽彼下泉浸  
彼苞稂又云四國有王劬伯勞之  
劬伯劬侯文王之後嘗為周伯治  
諸侯有功

萃



仁德不暴五精就舍四牧允釐民安  
其居

無註

升

隨和重寶衆多貪有相如睨柱趙王  
危殆

隋侯見蛇傷取藥封之後蛇銜珠  
以報卞和得玉璞獻於楚懷王蘭



相如奉璧于秦曰臣頭與璧俱碎  
於柱矣遂全璧歸趙

困

鳳生五雛長於南郭君子康寧悅樂

身榮

無註

井

二人為侶俱歸北海入門上堂拜謁



王母勞賜我酒女功悅喜

無註

革

逐憂去殃洿泥生梁下田爲王

無註

鼎

東門之壇茹慮在坂禮義我不行與我

心反



詩東門之墠茹蘆在阪言城東門  
之旁有墠墠之外有阪阪之上有  
草也

震

鳧遇稻廬甘樂趨鰯雖驅不去

無註

艮

清人高子久屯外野逍遙不歸思我



君母公子奉請王孫嘉許

高子高克也詩云清人在彭馬介  
旁旁註云鄭文公惡高克使將清  
邑之兵禦狄于河上久而不召師  
散而歸高克奔陳鄭人爲之作此  
詩也

漸

讒人所言語不成全虎狼之患不爲



我殘

無註

歸妹

張羅捕鳩鳥麗其灾雌雄俱得為罔

所賊

無註

豐

安仁尚德東鄰慕義來安吾國



無註

旅

猾醜如誠前後相違言如鰲咳語不可知

無註

哭

懷璧越鄉不可遠行蔡侯兩裘久苦流離



左傳定公三年蔡昭侯為兩佩裘以如楚獻一佩一裘於昭王昭王服之以享蔡侯

允

伯氏歸國多所恨惑車傾蓋亡身常驚惶乃得其願雄雌相從

無註

渙



火石相得乾無潤澤利少囊裹縮祗益

促迫

無註

節

君知聖哲嗚呼其友鎮德之徒可以

禮仕

無註

中孚



中騎豚逐羊不見所望經涉虎廬亡羝  
失羊

無註

小過

玄黃痠隕行者勞罷役夫憔悴處子  
畏哀

詩卷耳篇陟彼高岡我馬玄黃又  
曰陟彼崔嵬我馬虺隤又云我僕



痛矣云何吁矣

既濟

右手揜目不見長叔失其所得悔吝  
相仍

無註

未濟

免冠進賢步出朝門儀體不正賊孽  
為患



漢書貢禹為河南令以賊事為府  
官見責免冠謝輿服志進賢古緇  
布冠文儒者之服

䷖ 坤下  
艮上 剥

行觸大忌與司命牾執囚束縛拘制  
於吏幽人有喜

無註

之乾



穿冑狗邦僵離旁春天地易紀日月  
更始

穿冑狗邦皆外夷國名

坤

從風縱火荻芝俱死三害集房十子  
中傷

芝靈草荻蘆荻被火則俱死即玉  
石俱焚之義



屯

北山有棗橘抽於聚荷囊載香盈我

筐筥

蒙

齋貝贖狸不聽我辭繫於虎鬚牽不

得來

無註



需

上下唯邪戾其元夫歡心隔塞君子  
離居

無註

訟

二人輦車徙去其家井沸釜鳴不可

安居

無註



師

蹇驢不才俊驥失時罷於沙丘筋力

勞盡

無註

比

明傷之初為穆出交以讒復歸名曰

豎牛剥亂叔孫餒於空丘

餒當作餒春秋成公十六年魯穆



子去叔孫氏奔齊及庚宗遇婦人  
宿焉生子曰牛後復歸魯立為鄉  
遂使牛為豎有寵長使為政牛不  
食叔孫叔孫不食而卒

小畜

天火大起飛鳥驚駭作事不時自為  
身咎

無註



履

土與山連共保歲寒終無灾患萬世

長安

無註

泰

日出阜東山蔽其明章甫薦屨箕子

佯狂

章甫禮冠屨屨也商紂無道箕子



佯狂而為奴

否

龍馬上山絕無水泉喉焦唇乾口不能言

無註

同人

雄處弱水雌在海濱別將持食悲哀於心



書弱水既西柳宗元曰西海有水  
散渙無力不能負芥

大有

庭燎夜明追嗣日光陽軟不制陰雄  
坐戾

記郊特牲庭燎之百自齊桓公始  
燎五十公用之燎三十侯伯子男  
用之燎百天子用之以物百枚纏



謙

木燎之今用松葦灌脂在地曰燎

三婦同夫忽不相思志怛悲愁顏色

不怡

無註

豫

鶴盜我珠逃於東都鵠怒追求郭氏  
之墟不見武迹反為患灾



未詳

隨

獼猴冠帶盜載非位衆犬共吠麀君走

蹶足

項羽傳云沐猴而冠言其無知也

蠱

黍稷禾稻垂畝方好中旱不兩傷風

病燬



兩當作雨

臨

雄聖伏名人匿麟遠走鳳飛北亂禍  
未息

無註

觀

王母多福天祿所伏居之寵光君子  
有福



列仙傳王母道氣無為自然先以  
東華至真之氣化生

噬嗑

班馬還師以息勞罷役夫忻喜入戶

見妻

春秋齊師夜遁有班馬之聲

賁

褰裳涉河流深漬衣賴幸舟子濟脫



無他

大言無註

復

被服文德升入大麓四門雍肅登受

大福

書曰納于大麓烈風雷雨弗迷註

麓山足也

無妄



東鄰嫁女爲王妃后莊公築館以尊  
王母歸于京師季姜悅喜

春秋魯莊公元年王姬下嫁於齊  
命同姓諸侯主之魯以姬姓故築  
館而迎之冬王姬歸于齊桓公九  
年春紀季姜歸于京師爲桓王后

大畜

百足俱行相輔爲彊三聖翼事王室



寵光

三聖堯舜禹也

頤

危坐至暮請求不得膏澤不降政戾

民忒

無註

大過

百川朝海流行不止路難遼遠無不



到者

大書禹貢江漢朝宗于海

坎

乘騶駕驪東至于齊遭遇仁友送我  
以資厚得利歸

無註

離

禮壞樂崩成子傲慢欲求致理力疲



心爛陰陽不調成子驕傲為簡生殃  
按春秋左傳哀公十四年齊簡公  
之在魯也闕止有寵焉及即位使  
為政陳成子憚之諸御鞅言於公  
曰陳闕不可並也君其擇焉弗聽  
庚辰陳恒執公于舒州公曰吾早  
從鞅之言不及此甲午將簡公弑  
之



咸

三人輦車乘入虎家王母貪叨盜我

犂牛

無註

恒

羊頭兔足少肉不飽漏囊敗粟利無

所得

無註



遜

新田宜粟上農得穀君子唯好以紆

百福

無註

大壯

夷羿所射發輒有獲雙鳬俱得利以

伐國

羿古之善射者



晉

鳥舞鼓翼嘉樂堯德虞夏美功要荒  
賓服

堯唐帝名虞夏舜禹有天下之號  
書禹貢五百里要服五百里荒服  
明夷

登丘上山對酒道觀終年卒歲優福  
無患



無註

家人

歲暮花落陽入陰室萬物伏匿藏不

可得

無註

睽

螟虫爲賊害我禾穀簞餅空虛飢無

所食



卷六 四十六  
螟食苗心之虫害稼穡者也

蹇

陽虎脅主使得不通火離為殃年穀  
病傷

陽虎季氏家臣嘗囚季桓子而專

國政

解

四馬共轅東上太山駢驤同力無有



重難與君笑言

無註

損

牧羊稻園聞虎喧  
嚙懼畏悚息終無

禍患

無註

益

揚華不時冬實生  
危憂多橫賊生不



能服崑崙之玉所求不得  
仙傳拾遺西王母所居崑崙之囿  
有玉樓十二

夾

高阜所在陰氣不臨洪水不處為家

利寶

無註

姤



釋然遠咎辟患害早田獲三狐以具  
爲寶君子所在安寧不殆

周易解九二田獲三狐狐者邪媚  
之獸三狐指卦之三陰

萃

兩目失明日奪無光脛足跛曳不可  
以行頓於丘旁亡妾莫逐鬼然獨宿

無註



升

鴻飛循陸公出不復伯氏客宿

兩詩豳風九罋篇云鴻飛遵陸公歸

不復於汝信宿

困

葉芳將落隕其黃葉失勢傾側如無  
所得

葉當作桑詩桑之落矣其黃而隕



井

無註

載船渡海雖深難咎孫子俱在不失其所

無註

革

鵠求魚食道過射矢繒加我頸繳縛  
羽翼欲飛不能爲羿所得  
羿古之善射者



目鼎

泥面亂頭忍耻少羞日以削消凶其

自搯

無註

震

佩玉累纁無以繫之孤悲獨處愁哀

相憂

無註



艮

巨虵大鱗戰於國郊上下隔塞逐君

走逃

無註

漸

已動死連商子揚沙石流狐貉擾軍  
鼓振吏士恐落

未詳



歸妹

二人俱行別離特食一身五心亂無所得

無註

豐

三聖相輔鳥獸喜舞安樂富有又云三人偕偶

三聖堯舜禹也按書堯曰於予擊



石拊石百獸率舞

旅

三奇六耦相隨俱市王孫善賈先得  
利寶居止不安洪水爲咎

無註

巽

三人俱行二人言北伯仲欲南少叔  
不得中路分爭道闢相賊



無註

允

播天舞光地乳神所守樂無咎言不

信

無註

渙

坐爭立訟紛紛匆匆卒成禍亂災及

家公



大無註

節

蛇行蜿蜒不能上阪履節安居可以

無憂

無註

中孚

卻大墻壞蠹衆木折狼虎爲政天降

罪伐



罪無註

小過

中陽不違德高山多澤顏子逐兔未有

所得

無無註

既濟

心多畏惡時愁自懼雖有小咎終無

大悔



無註

未濟

衆神集聚相與議語南國虐亂百姓  
愁苦興師征伐更立賢主

無註

震下復  
坤上

周師伐紂剋於牧野甲子平旦天下

悅喜



按書牧誓時甲子昧爽王朝至于  
商郊牧野以伐紂又武成一戎衣  
而天下大定萬姓悅服

之乾

任重負力東征不伏蹈泥履塗雄師

敗覆

無註

坤



義不勝情以欲自營觀利危寵折角

摧頸

無註

屯

懸狃素飡食非其任失輿剥廬休坐

徙居室家何憂

詩伐檀篇云胡瞻爾庭有縣貆兮

彼君子兮不素餐兮貆貉類易剥



卦上九君子得輿小人剥廬

蒙

鷓鴣娶婦深目窈身折腰不媚與伯

相背

無註

需

東風解凍河川流通西門子產升擢

有功



此言西門豹鄭子產二人皆古之  
良臣也

訟

三足俱行傾危善僵六指不便恩累  
弟兄樹柱關中失其正當

無註

師

京庾積倉黍稷以興已極行疾至以



饜飽

按詩楚茨云我黍與與我稷翼翼  
我倉既盈我庾維億

比

南山之跡真人所遊德配唐虞天命  
爲子保佑歆享身受大慶

唐虞堯舜有天下之號也

小畜



車馳人趨卷甲相仇齊魯冠戰敗於  
犬丘

按春秋齊師侵魯戰于長勺車馳  
卒奔齊師敗績事見莊公十年

履

十五許室柔順有德霜降旣嫁文以  
爲合先王日至不利出域

無註



泰

任力劣薄遠託邦國轉車不彊為癰  
所傷

無註

否

千歲舊室將有困急荷糧負囊出門

直北

無註



同人

惡灾殆盈日益彰明禍不可救三郤  
夷傷

按春秋三郤晉大夫郤錡郤犨郤  
至成公十七年晉厲公侈多外嬖  
欲盡去群大夫而立其左右遂殺  
三郤

大有



冠危戴患身驚不安與禍馳逐凶來

入門

無註

謙

虎狼並處不可以仕忠謀輔政禍必  
及已退隱深山身乃不死

無註

豫



郊與石闢麋碎無處挈鉞之使不爲  
憂懼

無註

隨

五心六意歧道多怪非君本志生我

恨悔

無註

蟲



雨雪載塗東行破車旅人無家利益  
咨嗟

詩出車勞還率也曰昔我往矣黍稷方華今我來思雨雪載塗王事多難不遑啓居

臨

尚刑懷義月出平地國亂天常咎徵  
滅亡



無註

觀

東行破車步入危家衡門穿射無以  
爲主賣袍續食糟糠不飽

無註

噬嗑

逐禽出門并失玉丸往來井上破甕  
缺盆



無註

賁

孟春醴酒使君壽考南山多福宜行  
賈市稻梁雌雉所至利喜

按詩云為此春酒以介眉壽又云  
如南山之壽不騫不崩

剥

持刃操肉對酒不食夫亡從軍少子



入獄抱膝獨宿

無註

無妄

躋牛傷暑不能成畝草萊不墾年歲

無有

無註

大畜

南邦大國鬼魅滿室譴聲相逐為我



行賊

無註

頤

嚶嚶所言莫如我恒歡樂堅固可以

長安

無註

大過

堯舜禹湯四聖敦仁允施德音民安



無窮旅人相望未同朝鄉

堯唐帝名舜虞帝名禹夏禹湯成  
湯四聖皆仁德之君也

坎

桎梏拘獲身入牢獄髡刑受法終不  
得釋耳閉道塞求事不得

無註

離



卷六  
桀蹠並處民困愁苦行旅遲遲留連

齊魯

桀夏桀蹠盜蹠

咸

求雞獲雛買鰲失魚出入釣敵利得

無饒齊姜宋子婚姻孔嘉

詩衡門篇豈其取妻必齊之姜豈  
其取妻必宋之子



恒

雨師駕馭風伯吹雲秦楚爭強施不  
得行

晉  
秦楚春秋戰國時二強國

遯

仲冬無秋鳥鵲飢憂困於米食數驚

鸛鵬

無註



大壯

三羝上山俱至陰安遂到南陽見其  
芝香兩崖相望未同枕床

無註

晉

飛至日南還歸遼東雌雄相從和鳴  
雍雍解我迥春

無註



明夷

堯飲舜舞禹拜上酒禮樂所豐可以

安處保我淑女

堯舜禹三聖人也

家人

太一置酒樂正起舞萬福攸同可以

安處綏我齒齒

無註



睽

白馬騶騶生乳不休富我商人得利

饒憂

無註

蹇

宛馬疾步盲師坐御目不見路中止

不到

漢大宛有善馬



解

春桃萌生萬物華榮邦君所居國樂

無憂

無註

損

把珠入口蓄爲玉寶得吾所有忻然

嘉喜

無註



益

襦燒袴燔膏臠剥飢寒病虐凍瘰

無註

夬

水沫沉浮沮濕不居爲心疾憂

無註

姤

行如桀紂雖禱不祥命衰絕周文王



乏祀

桀夏之後紂商之後周自平王至  
威烈王日以衰微傳至赧王爲秦  
所滅

萃

蜉蝣戴盆不能上山脚推跛蹶頓傷  
其顏

蚍蜉蠹有翼者蜉蝣戴盆即蚍蜉



撼大樹之義量小而望大也

升

長子入獄婦饋母哭霜降愈甚鄉晦

伏法

無註

困

求犬得免請新遇故雖不當路踰吾

舊舍



無註

井

鳥鳴葭端一呼三顛搖動東西危而  
不安靈祝禱社疾病無患

無註

革

天厭禹德命興湯國祆社鹽鼓以除  
民疾



夏桀無道成湯放之于南巢祆當  
作祆豐當作豐

鼎

陰霧作匿不見白日邪徑迷道使君  
亂惑

無註

震

猿墮高木不踈手足握珠懷玉還歸



我室

無註

艮

三驪負衡南取芝香秋蘭芬馥盛滿

匣匱利我少姜

無註

漸

春生夏乳羽毛成就舉不失宜君臣



相好盜走奔北終無有悔

無註

歸妹

東行破車遠反失家天命訖終無所

禱凶

無註

豐

九鴈列陳雌獨不群爲罾所舉死於



庖人

無註

旅

二人輦車徙去其家井沸釜鳴不可

以居

井沸釜鳴皆不祥之兆也

巽

閉塞復通與善相逢甘棠之人解我



憂凶

甘棠美召伯之詩也召伯循行南  
國以布文王之政舍於其下

允

賦歛重數政為民賊杼軸空虛去其  
家室

詩大東篇小東大東杼軸其空杼  
持緯者也軸受經者也



渙

無註

怒非其怨含垢腐鼠而呼鵲鴟自分  
失餌致被殃患

小圖

無註

節

無註

簪跌帶長幽思窮苦瘠貌小瘦以病  
疾降

中  
無註



中孚

三人俱行各別採桑蘊其筐筥留我  
嘉旅得歸無咎四月來處

無註

小過

逐鳩南飛與喜相隨并獲鹿子多得  
利歸雖憂不危

無註



既濟

驅羊南行與禍相逢狼驚馬虎盜  
我子悲恨自咎

無註

未濟

東鄰西國福喜同樂出得隨珠留獲  
和玉俱利有喜

隋侯見蛇傷取藥封之後蛇銜珠



以報卞和得玉璞獻於楚懷王

味正與時喜

東聯武國斷喜同樂出對齒未留楚

未嘗


無主

非平悲射

與羊市代與斷日美感氣出馬所留

易林卷第六



















焦氏易林

七

LIBRARY  
OF THE  
UNIVERSITY OF CHINA

895.108

Ss7s2

v. 402

CHINA















易林卷第七

三三

震下无妄

夏臺牖里湯文厄處臯陶聽理歧人  
悅喜西望華夏東歸无咎

湯囚夏臺文王拘羑里臯陶舜命  
作士理官也

之乾

儋耳穿肖僵離旁春天地易紀日



月更始蝮螫我手痛爲吾毒  
儋耳穿肖皆外國名

坤

慈母之恩長大無孫消息襁褓害不

入門

無註

屯

僞言妄語傳相註誤道左失迹不知



鄉處

無註

蒙

鬱快不明陰積無光曰在北陸萬物

彫藏

左傳曰在北陸而藏冰又漢志曰

行四陸春東陸夏南陸秋西陸冬

北陸曰當作日



需

王母多福天祿所伏君之寵光君子  
有昌

王母神仙以東華至真之氣化生

訟

不耕而獲家食不給中女無良長子  
徒足踈齒善市商人有息

無註



師

火起上門不爲我殘跳脫東西獨得  
生完不利出隣病疾憂患

無註

比

持刃操肉對酒不食夫亡從軍長子  
入獄抱膝獨宿

無註



小畜

鱣鰈去海游於枯里街巷迫狹不得  
自在南北四極渴饑成疾

無註

履

啞啞笑喜與歡飲酒長樂行觴千秋  
起舞拜受大福

無註



泰

登高上山賓於四門吾士得歡福爲  
我根

書曰賓于四門四門穆穆納于大  
麓烈風雷雨弗迷言舜之德也

否

天駁周德命我南國以禮靜民兵革  
休息



新無註

同人

壅遏隄防水不得行火光盛陽陰蜺  
伏匿走歸其鄉

無註

大有

海河都市國之奧府商人受福少子

玉食



無註

謙

東行避兵南去不祥西逐凶惡北迎福生與喜相迎

無註

豫

東家中女嫫母寂醜三十無室媒伯勞苦



嫫母古之醜婦最賢

隨

破亡之國天所不福難以止息

無註

蠱

駢駕蹇驢日暮失時居者無憂保我

樂娛

無註



臨

蝦蟇充側佞幸傾惑女謁橫行正道  
壅塞

詩蝦蟇止奔也蝦蟇在東莫之敢  
指女子有行遠兄弟父母

觀

三殺五牂相隨俱行迷入空澤循谷  
直北經涉六駁爲所傷賊



無註

噬嗑

載喜抱子與利爲友天之所命不憂  
危殆荀伯勞苦未來王母

詩下泉篇云四國有王郇伯勞之  
荀當作郇

賁

織縷未就勝折無後女工多能亂我



政事

無註

復

羿張烏號設射天狼鍾鼓不鳴將軍  
振旅趙國雄勇聞死滎陽

羿后羿善射烏號弓名天狼獸名

剥

行露之訟貞女不行君子無食使道



壅塞

詩云厭浥行露言女子有能以禮  
自守而不爲強暴所汙喻道間之  
露方濕恐沾濡而不敢行耳

大畜

延頸望酒不入我口商人勞苦利得  
無有夏臺牖里雖危復喜

牖當作羗湯囚夏臺文王拘羗里



頤

冠帶南遊與喜相期傲於家國拜爲  
逢時

無註

大過

東西觸垣不利出門魚藏深水無以  
樂賓爵級摧頽光威減衰

無註



坎

兩母十子轉息無已五乳百雛駢駢  
驪駒

無註

離

重黎祖後司馬太史陸氏之灾雕害  
悲苦

書傳重少昊之後黎高陽之後重



即義黎即和也司馬談爲太史子  
遷繼其職仍稱太史公

咸

內執柔德止訟以嘿宗邑賴福禍災  
不作

無註

恒

采唐沫鄉要期桑中失信不會憂思



約帶

一本云

牛驥同堂郭氏以

亡國破爲墟君奔走逃

詩桑中云爰采唐矣沫之鄉矣云  
誰之思美孟姜矣唐蒙菜也沫衛  
邑名按胡傳莊公二十四年齊  
桓公問郭父老曰郭何以亡父老  
曰見善而不能舉惡惡而不能去  
所以亡



遜

宮成立政衣就缺袂恭謙爲衛終無  
禍尤

無註

大壯

麒麟鳳凰子孫盛昌少齊在門利以  
合婚招衣彈冠貴人所歡

按春秋昭公二年夏四月韓須如



齊逆女齊陳無宇送女致少姜少  
姜有寵於晉侯晉侯謂之少齊

晉

亂危之國不可涉域機發身頓遂至

僵覆

無註

明夷

千雀萬鳩與鷦爲仇威挈不敵雖衆



無益爲鷹鳥所擊

無註

家人

衆神集聚相與議語南國虐亂百姓  
愁苦興師征討更立聖主

無註

睽

顏淵閔騫以禮自閑君子所居禍菑



不存

顏淵即顏回閔騫閔子騫也皆孔子弟子

蹇

三桓子孫世秉國權爵世上卿富於周公

三桓即三家皆桓公之後自季武子始專國政歷悼平桓子凡四世



解

平子逐君康子廢父命而殺嫡僭  
八佾歌雍以徹皆專權僭竊之至

鶴鳴九臯處子失時載土販鹽難爲

功巧

無註

損

方軸圓輪東行不前組囊以錐失其



事便還師振旅兵革休止

無註

益

魚擾水濁桀亂我國駕龍出遊東之  
樂邑天賜我祿與生爲福

無註

夬

白虎黑狼伏司亦長遮遏牛羊病我



商人

無註

姤

履危不安跌頓我顏傷踵爲癰

無註

萃

三人輦車乘入旁家王母貪叨盜我  
資財亡失犂牛



無註

升

三鴈南飛俱就井地鰕鮓饒有利得

過倍

無註

困

鷹鷂棲茂樹猴雀往來一擊獲兩伏不

枝梧



無註

井

堯舜欽明禹稷股肱伊尹往來進禮  
登堂顯德之徒可以輔王

堯舜禹皆古之仁聖也稷教稼穡  
伊尹相湯皆古之良輔也

華

枯旱三年草葉不生菜蔬空之無以



供靈

無註

鼎

方口緩唇爲和樞門解釋鈎帶商旅

以權

無註

震

鳬鷖爲池水高陸爲海江河橫流魚鼈



成市千里無牆鴛鳳遊行

無註

良

烹魚失刀駕馬車亡鉏刀不及魴鯉

腥臊

無註

漸

戎狄蹲居無禮貪叨非吾族類君子



攸去

無註

歸妹

渡河踰水濡漇其尾不爲禍憂捕魚

遇蟹利得無幾

無註

豐

河水小魚不宜勞煩苛政苦民君受



其患

無註

旅

偃武脩文兵革休安清人逍遙未歸  
空閑

書武成乃偃武脩文歸馬于華山  
之陽放牛于桃林之野示天下弗  
服又清人詩云河上乎逍遙



巽

九疑鬱林沮濕不中鷹鳥所去君子  
不安

無註

兌

持狷逢虎患厭不起遂至懽國與福  
笑語君王樂喜

史記龜策傳郭璞註云蝟能制虎



渙

狗生龍馬公勞嫗苦家無善駒折悔  
爲咎

無註

節

嬰孩求乳慈母歸子黃麕悅喜得其  
甘餌

麕鹿子也



中孚

有兩赤鷄從五隼噪操矢無括趣釋  
爾財扶伏聽命不敢動搖

隼鳥名顏師古曰即今所謂鶻也

小過

伊尹智士去桀耕野執順以強文和  
无咎

伊尹有莘之處士湯聘而用之遂



進於桀桀不能用復歸于湯乃相  
湯伐桀以有天下

既濟

逐鹿西山利入我門陰陽和調國無  
灾殃長子東遊須其三仇

無註

未濟

龍興之德周武受福長女宜家與君



相保長股遠行狸且善藏

武王伐紂而有天下以元女大姬

嫁胡公而封諸陳

三三乾上太畜

朝鮮之地箕伯所保宜人宜家業處

子孫求事大吉

箕子紂諸父武王伐紂遂歸周封

於朝鮮



之乾

金柱鐵關堅固衛災君子居之安無  
憂危

無註

坤

轉禍為福喜來八屋春成夏固可以  
飲食保全家室

無註



屯

水暴橫行緣屋壞墻決決溢溢市師  
驚惶居止不殆與母相保

無註

蒙

虎豹熊羆遊戲山隅得其所欲君子  
無憂旅人失利市空無人

無註



需

躬體履仁尚德止訟宗邑以安三百  
無患

齊管仲奪伯氏駢邑三百沒齒無

怨言

訟

江淮易服玄黃朱飾靈公夏徵衣相  
无極高位崩顛失其寵室



按左傳陳靈公與孔寧儀行父通  
於夏姬皆衷其袒服以戲于朝後  
陳靈公與孔寧儀行父飲於夏氏  
公謂行父曰徵舒似汝對曰亦似  
君徵舒病之出自其廐而射之遂  
傷靈公衷懷也袒近身之衣

師

不虞之患禍至無門奄忽暴卒痛傷



我心

無註

比

三塗五嶽去危入室凶禍不作桀盜

堯服失其寵福貴人有疾

三塗山名在河南伊闕縣

小畜

配合相迎利心四鄉昏以爲期明星



熠熠欣喜君爽所言得當

詩東門之揚云昏以爲期明星煌煌註曰此亦男女期會而有負約不至者故因其所見以起興也

復

三手六身莫適所閑更相搖動失事便安箕子佯狂國乃不昌

箕子紂諸父紂爲不道乃佯狂而



為奴

泰

虎卧山隅鹿過後  
眊弓矢設張會為  
功曹伏不敢起遂  
全其驅得我美草  
會當作狴見大有  
之訟史記龜策  
傳郭璞註云蝟能  
制虎

否

麟鳳執獲陰雄失  
職自衛返魯猥昧



不起祿福訖已

左傳哀公十四年春西狩於大野  
叔孫氏之車子鉏商獲麟孔子自  
衛返魯作春秋

同人

樂子作殃伯氏誅傷州黎奔楚失其  
寵光

春秋成公十五年冬十月晉三郤



害伯宗譖而殺之及欒弗忌伯州  
犁奔楚

大有

黃帝出遊駕龍騎馬東至太山南過  
齊魯王良御左文武何咎不利市賈  
黃帝邑於涿鹿之阿遷徙无常以  
兵師爲營衛後得六相而天地治  
神明至



謙

齊魯爭言戰於龍門溝怨致禍三世  
不安

按春秋魯成公二年春齊侯伐我  
北鄙圍龍頃公之嬖人盧蒲就魁  
門焉龍人囚之齊侯親鼓三日取  
龍

豫



道理和德仁不相賊君子往之樂有

其利

無註

隨

姬公妃毀益亂賴使我家慣利得

不遂

無註

蠱



一巢九子同公共母柔順利貞出入  
不殆福祿所在

無註

臨

崔嵬北岳天神貴客溫仁正直主布  
恩德閔哀不已蒙受大福

北岳周禮并州其山鎮曰恒山唐  
天文大梁析木其神主於恒山辰



星出焉

觀

三睢逐蠅陷墮金中灌沸弇殪與毋

長決

弇音掩殪音意

噬嗑

東山西陵高峻難升滅夷握纍使道  
不通商旅無功復反其邦



無註

賁

常得自如不逢禍災樂只君子福祿

自來

無註

剥

范子妙材戮辱傷膚然後相國封爲

應侯



范子即范雎按史記范雎初事魏  
嘗從須賈使齊齊賜雎金及牛酒  
賈知之大怒以爲雎以國陰事告  
齊故得此饋歸告魏相魏齊大怒  
使舍人笞擊雎折脅摺齒雎佯死  
置廁中雎告守者得脫變姓名後  
歸秦秦以爲客卿封應侯

復



狼虎結集相聚爲保伺啣牛羊道絕  
不通病我商人

無註

无妄

不直杜公與我爭訟媒伯無禮自令

塞壅

未詳

頤



上天樓臺登降受福喜慶自來

無註

大過

三羊上山東至平原黃龍脹箱南至  
魯陽貌其佩囊執綬車中行人無功

無註

坎

天地閉塞仁智隱伏商旅不行利深



難得

易坤文言曰天地閉賢人隱又復  
象傳先王以至日閉關商旅不行

離

延陵適魯觀樂太史車轡白顛知秦  
興起卒兼其國一統為主

春秋襄公二十九年延陵吳季札  
適魯觀周樂及聞歌秦詩曰此之



謂夏聲夫能夏則大大之至也其  
周之舊乎

咸

橐戢甲兵歸放馬牛徑路開通國無  
凶憂朽墻不斲病疾難治

史記武王勝殷包藏弓矢戢弭干  
戈以示弗用歸馬于華山之陽放  
牛于桃林之野



恒

牛驥同堂郭氏以亡國破爲墟君奔  
走逃

按胡傳莊公二十四年齊桓公問  
郭父老曰郭何以亡父老曰見善  
而不能舉惡惡而不能去所以亡

遜

大尾小腰重不可搖棟撓榱壞臣爲



君憂陽大之言消不爲患使我復安

無註

大壯

太一置酒樂正起舞萬福攸同可以  
安處綏我鯢齒指空無餌不利爲旅

無註

晉

飲酒醉酗跳起爭鬪伯傷叔僵東家



治喪

無註

明夷

山險難登渭中多石車馳轉擊重載  
傷軸載擔善躡跌踣右足  
轉音衛跌徒結切踣於爲切

家人

爭訟不已更相咨詢張事弱口被髮



北走耳順從心躬行至仁不須以兵  
天下太平

語六十而耳順七十而從心所欲

睽

心志無良傷破妄行觸牆觝壁不見  
戶房先王閉關商旅委弃

易復象傳先王以至日閉關商旅  
不行



蹇

寧夫鷓鴣治成禦灾綏德安家周公

勤勞

寧鳩一名飛桑一名巧婦鷓鴣詩  
篇名言周公救亂也

解

清人高子久在外野逍遙不歸思我  
慈母



高子高克也詩云清人在彭駟介  
旁旁註云鄭文公惡高克使將清  
邑之兵禦狄于河上久而不召師  
散而歸高克奔陳鄭人爲之作此  
詩也

損

兩虎爭鬪服創無處不成仇讎行解  
卻去



無註

益

天女推床不成文章南箕無舌飯多  
沙糖虛象盜名雄雞折頸

天女織女也床未詳疑機字之誤  
織女推機則不能成其文錦也箕  
星名夏秋之間見於南方故云南  
箕舌下二星也言南箕無舌則不



可以斂揚糠粃也糖當作糠

夾

太子扶蘇走出遠郊佞幸成邪改命  
生憂慈母之恩無路致之

扶蘇始皇長子使北監軍於上郡  
後趙高等矯詔殺扶蘇立胡亥

妬

寒暑相推一明一微赫赫宗周光榮



人卷下  
三十二  
滅衰

無註

萃

雞狗相望仁道篤行不吠昏明各安  
其鄉周鼎和餌國富民有八極蒙祐  
孟子云雞鳴狗吠相聞而達乎四  
境又春秋魯宣公十三年周成王  
定鼎於郊鄆卜世三十卜年七百



升

總牖戶旁道利明光賢智輔聖仁施  
大行家給人足海內殷昌

無註

困

雨雪三日鳥獸飢乏旅人失宜利不  
可得幾言解患以療紛難危者復安

無註



井

白鵠銜珠夜食爲明膏潤渥優國歲  
年豐中子來同見惡不凶

鵠當作鶴搜神記云有鶴爲弋人  
所射窮而歸噲參參收養療治瘡  
愈而放之後鶴夜到門外參執燭  
視之鶴雌雄雙至各銜明珠以報  
參焉



革

從豕牽羊與虎相逢雖驚不凶

無註

鼎

鳬鴈啞啞以水爲宅雌雄相和心志  
娛樂得其所欲絕其患惡

無註

震



逐狐平原水竭我前深不可涉暮無所得

無註

艮

窟室蓬戶寒賤所處十里望煙散渙  
四方形體滅亡下入深淵終不見君

無註

漸



桀紂之主悖不可輔貪榮爲人必定  
其咎聚斂積實野在鄙邑未得入室  
夏桀商紂皆無道之君

歸妹

倉庫盈億年歲有息商人留連雖久  
有得陰多陽少因地就力

無註

豐



火山不然釣鯉失綸魚不可得利去  
我北三仁同福以興周國君子安息  
三仁大王王季文王

旅

童女無媒不宜動搖安其居廬傅母

何憂

無註

巽



載風雲毋遊觀東海鼓翼千里見吾  
愛子

無註

允

鴻盜我襦逃於山隅不見武迹使伯  
心憂

未詳

渙



視夜無明不利遠鄉閉門塞牖福爲  
我母

無註

節

三狗逐兔子東北路利以進取商人

有得

無註

中孚



武王不豫周公禱謝載璧秉珪安寧  
如故

書金縢王有疾弗豫周公植璧秉  
珪乃告大王王季文王王翼日乃  
瘳

小過

同載共車中道別去爵級不進君子  
不興

無註

既濟



六鴈俱飛遊戲稻池大飲多食食飽  
無患舉事不遂商旅作憤

無註

未濟

符左契右相與虛亂乾坤利貞幸生  
六子長大成就颯然如母不利為咎  
一云不利為旅

易乾坤生六子乾父坤母三男震  
坎艮三女巽離兌

震上頤  
艮下頤



家給人足頌聲並作四夷賓服干戈  
卷閣

書明王慎德四夷咸賓又詩時邁  
篇明昭有周式序在位載戢干戈  
載櫜弓矢

之軋

思初悼古哀吟無輔陽明不制上失  
其所



其無註

坤

江河淮海天之奧府衆利所聚賓服  
饒有樂我君子

無註

屯

三鴈俱行避暑就涼適與繒遇爲繳  
所傷



無註

蒙

秋南春北隨時休息處和履中安無

憂凶

無註

需

履危無患跳脫獨全不利出門傷我  
左踝疾病不食鬼哭其室



無註

訟

東家凶婦怒其公姑毀拌破盆棄其  
飯殮使吾困貧

無註

師

泥滓濇辱弃捐溝瀆衆所笑哭終不  
顯祿



無註

比

旦往暮還各與相存身無凶患

無註

小畜

六翮長翼夜過射國高飛其其羿氏

無得

無註



履

蜂蠆之門難以止息嘉媚之士爲王  
所食從去其室

無註

泰

放狐乘龍爲王道東過時不及使我

憂聲

無註



否

霄梅零墮心思情憤亂我魂氣

無註

同人

長女三嫁進退多態牝狐作妖夜行

離憂

無註

大有



車轉車轉軸軸驅車東西盛盈必毀高位

崩顛

軸音田

謙

乘船道濟載水逢火賴得無患蒙我

生全

無註

豫



至德之君政仁且溫伊呂股肱國富  
民安

伊尹相湯呂望興周二入皆良輔

隨

生不逢時困且多憂無有冬夏心常

悲愁

無註

蟲皿



南歷五山東入生門登福上堂飲萬

歲漿

無註

臨

大斧破木讒人敗國東關二五禍及

三子晉人亂危懷公出走

按春秋傳晉獻公三子申生重耳

夷吾也獻公聽驪姬之讒殺申生



重耳奔蒲夷吾奔屈懷公夷吾子  
也僖公二十三年自秦逃歸嗣立  
明年文公立遂出之

觀

一室百孫公枕婦懽相與笑言家樂  
以安

無註

噬嗑



隨陽轉行不失其常君安於鄉國無咎殃

無註

賁

群虎入邑求索肉食大人禦守君不失國

無註

剝



弱足則跟不利出門市賈無蓋脫折明  
為患湯火之憂轉解喜來

無註

復

夏臺幽戶文君厄處鬼侯飲食歧人  
悅喜

幽戶當作姜里見震之大壯湯囚  
夏臺文王拘姜里史記西伯九侯



卷七  
四十四  
鄂侯爲紂三公紂醢九侯徐廣曰  
九侯一作鬼侯

无妄

棟撓榱壞廊屋大敗宮闕空廊如冬  
枯樹

無註

大畜

說以內安不離其國室家相懼幽囚



重閉疾病多求罪亂憤憤

無註

大過

六龍俱怒戰於坂下倉黃不勝旅人

難苦

易坤上六龍戰于野註陰從陽者也然盛極則抗而爭六既極矣復進不已則必戰故云戰于野



坎

天下雷行塵起不明市空無羊疾人  
憂凶三木不辜脫歸家邦

無註

離

一指食肉口無所得染其鼎鼐舌饒  
於腹

左傳鄭公解龜召子公而弗與也



子公怒染指於鼎嘗之而出

咸

喜笑不常失其福慶口辟言所行者

大

畏忌

無註

恒

毛生豪背國樂民富侯王有德

無註



遜

獭豕童牛童傷不來三女同堂生我  
福人

獭豕墳易獭豕之牙吉童牛之牯

大壯

江河淮海盈溢爲害邑被其瀨年困  
無歲

無註



晉

兩虎爭鬪股瘡無處不成仇讎行解  
欲去

無註

明夷

五岳四瀆潤洽為德行不失理民賴

恩福

五岳山名四瀆江河淮濟



家人

載車乘馬南逢君子與我嘉喜雖憂

無咎

無註

朕

缺囊破筐空無黍稷不媚如公弃於

糞墻

無註



蹇

殺行桃園見虎東西螳螂之敵使我  
無患

按莊子猶螳螂怒以當車轍必不  
勝任矣

解

飢人入室政衰弊極抱其彛器奔於  
他國因禍受福



商紂無道微子抱祭器奔周其後  
武王伐紂遂封微子於宋

損

庭燎夜明追古傷今陽弱不制陰雄  
坐戾

記郊特牲庭燎之百自齊桓公始  
燎公五十侯伯子男三十天子百  
以物百枚絜木燎之今用松葦灌



脂在地曰燎

益

懸狽素飡食非其任失輿剥廬休坐  
從居

詩伐檀篇云胡瞻爾庭有縣貆兮  
彼君子兮不素餐兮貆貉類易剥  
上九君子得輿小人剥廬

夬



喜門福善繪帛盛熾日就為得財寶  
敵國

無註

妬

執綏登車駟乘東遊說齊解燕霸國  
以安

語云升車必正立執綏史記蘇秦  
說燕易王曰臣居燕不能使燕重



而在齊則燕重乃僞得罪於燕而  
奔齊說齊王高宮室大苑囿以明  
得意欲以救齊而爲燕

萃

水深無楫蹇難何遊商伯失利庶人

愁憂

與楫筏也

升



三鳥鴛鴦相隨俱行南到饒澤食魚  
與梁君子樂長見惡不傷

無註

困

遠視目眇臨深苦眩不離越都旅人

留連

無註

井



終風東西散渙四方終日至暮不見  
子懽

詩云終風且暴註言終風終日之  
風也暴疾也以比莊公暴慢無常  
而莊姜正靜自守所以忤其意而  
不見荅也

華

言無要約不成券契殷叙季姬公孫



爭之強入委禽不悅於心

鄭徐吾犯之妹美公孫楚聘之矣  
公孫黑又使強委禽焉註云禽鴈也  
納采用鴈事見春秋曾昭公元  
年般叔未詳

鼎

牛馬聾聵不知聲味遠賢賤仁自合  
亂憤疾病無患生福在門



無註

震

從商近遊飽食無憂囹圄之困中子

見囚

陶朱公中男殺人囚於楚事見史

記越世家

艮

據斗運樞順天無憂與樂並居



斗北斗樞北極天之樞也

漸

姬奭姜望爲武守邦蕃屏燕齊周室  
以彊子孫億昌

姬奭召公也封於燕姜望太公也  
封於齊二人夾輔周室爲燕齊之  
屏翰以致周家彊盛子孫衆多也

歸妹



亡羊東澤循隄直北子思其毋復返  
其所

無註

豐

張鳥關口舌直距齒然諾不行政亂

無緒

無註

旅



載船逢火憂不爲禍家在山東入門

見公

無註

巽

絕言異路心不相慕虵子兩角使我

心惡

無註

允



鼻頂移徙君不安坐枯竹復生失其  
寵榮

無註

渙

殷商以亡火息無光年歲不長殷湯  
光明

紂王無道武王伐之乃滅商

節



文王四乳仁愛篤厚子畜十男無有  
折爰

爰當作天文王四乳出淮南子按  
春秋傳曰管蔡成郕霍魯衛毛聃郕  
雍曹滕畢原酆郇文之昭也註云  
十六國皆文王子也

中孚

熊羆豺狼在山陰陽伺鹿取獐道候



畏難

無註

小過

凋葉被霜獨蔽不傷駕入喜門與福

為婚

無註

既濟

黃離白日照我四國元首昭明民賴



恩福漢有遊女人不可得

易離六二曰黃離元吉詩漢廣篇

云漢有游女不可求思

未濟

順風直北與歡相得歲熟年樂邑無  
寇賊長女行嫁子孫不昌係疾為殃

無註

三翼下大過  
三翼上



典策法書藏閣蘭臺雖遭亂漬獨不  
遇災

漢官儀御史臺內掌蘭臺秘書

之乾

日在北陸陰蔽陽目萬物空虛不見  
長育

左傳日在北陸而藏冰又漢志日  
行四陸春東陸夏南陸秋西陸冬



北陸

坤

鬼泣哭社悲商無後甲子昧爽殷人  
絕祀

書曰甲子昧爽王朝至于商郊牧  
野伐紂社稷既遷殷遂滅焉

屯

涉塗履危不利有爲安坐垂裳乃無



灾殃門戶自開君憂不昌

無註

蒙

陽失其紀枯木復起秋華冬實君不

得息

無註

需

大樹之子百條共母當夏六月枝葉



盛茂鸞鳥以庇召伯避暑偏偏偃仰  
甚得其所

無註

訟

秉鉞執殳挑戰先驅不從元帥敗破  
為憂

春秋邲之戰晉軍師不用命遂敗

師



啓室開關逃得釋冤夏臺牖里湯文  
悅喜

牖當作姜湯囚夏臺文王拘姜里

小畜

西隣少女未有所許志如委衣不出  
房戶心無所處傳母何咎

無註

比



衰滅無成淵溺在傾狗吠夜驚家乃  
不寧枯者復華幽人無憂

無註

履

狗吠夜驚履鬼頭頸危者弗傾患滅  
不成

無註

泰



當年少寡獨與孤處雞鳴狗吠無敢  
誰者我生不辰獨嬰寒苦

無註

否

無道之君鬼哭其門命與下國絕得

不食

無註

同人



乘龍南遊夜過糟丘脫厄無憂糟絕  
弩傷羿不得美

無註

大有

馬躡車傷長舌破家東關二五晉君  
出走

春秋左傳晉獻公嬖驪姬驪姬欲  
立其子奚齊賂外嬖梁五東關嬖



謙

五譖毀群公子故重耳出奔

瓜瓞匏實百女同室苦醯不熟未有

妃合

妃當作配

豫

晨風文翰大舉就溫昧過我邑弄無  
所得



詩晨風篇云馱彼晨風鬱鬱彼北林  
晨風鸛也羿后羿古之善射者

隨

澆澆泥泥塗泥至轂馬溥不進虎齧  
我足

澆音譏泥音濯

蠱

膠車駕東與兩相逢故革懈情頽輪



獨坐憂不為禍

無註

臨

六家作權公室剖分陰制其陽唐叔  
失明

六家即晉卿范氏中行氏智氏及  
韓趙魏為晉六卿後三家皆為韓  
趙魏所滅三分晉地



觀

去室離家來奔大都火息復明姬伯  
以昌商人失功  
姬周姓文王爲西伯致武王伐紂  
遂滅商焉

噬嗑

牧羊稻園聞虎喧嘩危懼惴息終無  
禍患



大產無註

賁

嬰孩求乳母歸其子黃麋懼喜

無註

剥

廓落失業跨禍度福利無所得

無註

復



出入不時憂禍為災行人失牛利去  
不來老馬少駒勿與久居

無註

无妄

風怒漂水其惑生疾陽失其服陰孽  
為賊

春秋女陽物晦時淫則生惑蟲豸疾

大畜



車馬病傷不利越鄉幽人元亨去晦  
就明

無註

順

三奇六偶各有所主周南召南聖人  
所在德義流行民悅以喜

詩序周南召南正始之道王化之  
基註云王者之道始於家終於天



下而二南正家之事也

坎

坐爭立訟紛紛忽忽卒成禍亂災及

家公

無註

離

憂凶爲殘使我不安從之南國以除

心疾



無註

咸

愛我嬰女牽引不與異幸高貴反得

不興

無註

恒

宜行賈市所聚必倍載喜抱子與利  
為市



無註

遜

坐席未溫憂來扣門踰牆北走兵交  
我後脫於虎口

無註

大壯

赤帝懸車廢職不朝叔帶之灾居于  
汜廬



周襄王以叔帶之難出居鄭處於  
汜汜音凡汜在襄城縣南

晉

子畏於匡厄困陳蔡明德不危竟自  
克害

孔子過匡匡人以為陽虎而拘之  
在陳蔡絕糧言聖人道全德備雖  
遇患而不危殆也



明夷

逐鴈南飛馬疾牛罷不見魚池失利  
憂危牢戶之冤脫免无患

無註

家人

推輦上山高仰重難終日至暮不見

阜巔

無註



聯

憂不爲患福在堂門使吾偃安

無註

蹇

春桃始華季女宜家受福多年男爲

邦君

詩桃夭篇云桃之夭夭灼灼其華  
之子于歸宜其室家



解

高山之巔去谷億千雖有兵寇足以  
自守

無註

損

過時歷月役夫顛顛處子歎室思我  
伯叔

顛當作顛



益

太微復明說升傳巖乃稱高室疾在  
頭頸和不能生滅其令名

太微星名高宗夢得聖人名曰說  
以夢所見視群臣百吏皆非也於  
是乃使百工營求得之於傅巖舉  
以爲相晉求醫於秦秦使醫酉和視  
之曰疾不可爲也



夫

旁多水星三五在東早夜晨行勞苦  
无功

水當作小詩召南小星云嘒彼小  
星三五在東肅肅宵征夙夜在公  
此詩言夫人無妬忌之行而賤妾  
安於其命所謂上好仁而下必好  
義者也



姁

東鄉煩煩相與笑言子般鞭犖圉人  
作患

魯莊公三十二年零講于梁氏女  
公子觀之圉人犖自牆外與之戲  
子般怒使鞭之公曰不如殺之是  
不可鞭犖有力焉能投蓋于稷門  
十月圉人犖賊子般于黨氏



萃

鼻移在頭枯葦復生下朽上榮家乃  
不寧其金不成

未詳

升

蝦蟇群聚從天請雨雲雷疾聚應時  
輒下得其願所

無註



困

大步上車南到喜家送我貂裘與福  
載來

無註

井

賊仁傷德天怒不福斬刈宗社失其  
宇守

無註



革

從狴見虎雖危不殆終已无咎

史記龜策傳郭璞註云蝟能制虎

鼎

履素行德卒蒙祐福與堯侑食君子  
有息

孟子帝館甥于貳室而享舜迭為  
賓主帝堯帝



震

利在北陸寒苦難得憂危之患福爲  
道門商叔生存

艮

易通統圖日行北方黑道曰北陸

四塞六盲足痛難行終日至暮不離  
其鄉

無註



漸

臺駘昧子明知地理障澤宣流封君

河水

臺駘春秋晉平公有疾卜人曰實  
沈臺駘爲祟子產曰昔金天氏有  
裔子曰昧爲玄冥師生臺駘能業  
其官宣汾洮障大澤帝用嘉之封  
諸汾川註云帝顓頊也事在昭公



元年

歸妹

畜水得時以備火災柱車絆馬郊行  
出旅可以无咎

無註

豐

歲暮華落君衰於德勞寵損墮陰奪  
其室



無註

旅

夏販蔡悲千里爲市黃葉殫懋利得  
無有

未詳

巽

仲春巡狩東見群后昭德允明不失  
其所



書歲二月東巡守至于岱宗柴望  
秩于山川肆覲東后又孟子曰天  
子適諸侯曰巡守東后東方之諸  
侯也

允

捌潔縲縲結締難解嫫母銜嫁媒不  
得坐自爲身禍

嫫母黃帝次妃貌醜而賢



渙

鳥鳴庭中以戒灾凶重門擊柝備憂

暴客

易繫辭重門擊柝以待暴客蓋取

諸豫

節

朝霽暮霞濺我衣襦退無得牛

無註



中孚

抱璞懷玉與桀相觸訕坐不中道無

未  
良人

卞和得玉璞獻楚懷王凡三獻至

荆王剖之果得玉

小過

兩心相悅共其柔筋夙夜在公不離  
房中得君子意



無註

既濟

載餽如田破鋤失食苗穢不辟獨飢

於年

無註

未濟

甘露醴泉太平機關仁德感應歲樂

民安



甘露仁澤也聖德上及太清下及  
萬靈則降醴泉水之精也聖德下  
及太寧中及萬靈則出

易林卷第七




長林秀麗

又太和中又萬靈泉出

萬靈泉出於襄水之縣安頭縣下  
又太和中又萬靈泉出





















895.108

Ss7s2

v. 403

LIBRARY  
OF THE  
UNIVERSITY OF ILLINOIS

焦氏易林

八

CHINA















易林卷第八

三三  
坎上坎下

有黃鳥足歸呼季玉從我睢陽可辟  
刀兵與福俱行有命久長

未詳

之乾

太王爲父季歷孝友文武聖明仁德  
興起弘張四國載福綏厚



季歷周太王子薦生文王商紂無  
道文王三分天下有其二武王伐  
紂遂有天下

坤

獲墮高木不蹠手足保我金玉還歸  
其室

無註

屯



重耳恭敏遇讒出處北奔狄戎經涉  
齊楚以秦代懷誅殺子圉身為霸主  
重耳晉文公名被驪姬之譖處於  
蒲歷奔諸國及反秦伯誘殺懷公  
而代立圉懷公名

蒙

倚鋒擲戟傷我肯臆拜折不息

無註



需

狗冠雛步君失其居出門抵山行者  
憂難水灌我園高陸為泉

無註

訟

衆鳥所翔中有大壯爪牙長頭為我

驚憂

無註



師

雷行相逐無有休息戰於平陸為夷  
所覆

無註

比

禹鑿龍門通利水泉同注滄海民得  
安土

按書禹貢龍門屬雍州在今馮翊



夏陽縣以下皆言禹治水之功

小畜

堯舜仁德養賢致福衆英積聚國無  
寇賊商人失利來爭寶貨

堯唐帝名舜虞帝名皆仁德之君  
也書大禹謨野無遺賢萬邦咸寧  
履

陸居少泉山高無雲車行千里塗不



汚輪渴為我怨佳思廣得

無註

泰

朝視不明夜不見光皆抵空床季女  
奔亡愴焉心傷

無註

否

齊魯求國仁聖輔德進禮雅言定公



以安

春秋定公十年會齊侯于夾谷孔  
子相之黎彌言於齊侯曰孔子知  
禮而無勇若使萊人以兵劫之必  
得志齊侯從之兩君就壇兩相相  
揖齊人鼓譟而進欲以執魯君孔  
子歷階升曰吾兩君之好夷狄之  
民何為來為命司馬止之齊侯乃



謝曰寡人之過也退而與二三大  
夫曰魯以君子之道輔其君子以  
夷狄之俗教寡人遂歸所侵鄆汶  
龜陰之田以謝魯

同人

東帛玄珪君以布德伊呂百里應聘  
輔國

按書舜典五玉三帛皆諸侯所執



以覲者也又禹貢云禹執玄圭告  
厥成功伊尹相湯呂望興周百里  
奚事秦皆國之良輔也

大有

棘鉤我襦為絆所拘靈巫拜禱禍不  
成災東山之邑中有土服可以饒飽  
無註

謙



門燒屋燔爲下所殘西行出戶順其  
道里虎卧不起牛羊歡喜

無註

豫

牆高蔽日崑崙霧月遠行無明不見  
歡叔

崑崙之墟在西北方去嵩高五萬  
里地之中其高萬一千里出賦題



隨

天地際會不見內外祖辭遣送與世

長決

無註

盡

深水難涉塗難至轂牛罷不進潭陷

我疾

無註



臨

羊驚狼虎獼猴群走無益於僵為齒  
所傷

無註

觀

履虵躡虺與鬼相視驚哭失氣如騎  
虎尾

虵虺皆陰物按詩何人斯篇為鬼



爲蜮則不可得有覩面目視人罔極

噬嗑

車驚人墮兩輪脫去行者不至主人  
憂懼結締復解夜明爲喜

無註

賁

南販北賈與怨爲市利得自治



語云放於利而行多怨

剝

延陵適魯觀樂太史車麟白巔知秦  
興起卒兼其國一統爲主

史記吳季札號延陵季子聘上國  
觀樂于周詩有車鄰鄰有馬白顛  
鄰鄰車聲白顛額有白毛是時秦  
始有車馬故知其興起也



復

出門逢患與禍爲怨更相擊刺傷我

手端

無註

無妄

獐鹿同走自燕嘉喜公子好遊他人

多有

無註



大畜

恭寬相信履福不殆從其邦域與喜  
相得

孔子曰恭則不悔寬則得衆

頤

欲飛無翼鼎重折足失其吉利苞羞  
爲賊上妻之家喜除我憂解五患愁  
易鼎卦九四鼎折足覆公餗苞當



作包否卦六三包羞象曰位不當也

大過

府藏之富王以振貸捕魚河海罟網多得

無註

離

陰生麋鹿鼠舞鬼哭靈龜陸蒙金甌



草土仁智盤桓國亂無緒

無註

咸

風塵暝迷不見南北行人失路復反

其室

無註

恒

金革白黃宜利戒市嫁娶有息商人



人卷八  
十一  
悅喜

無註

遜

匏瓜之德宜繫不食君子失與官政  
懷憂

匏瓠也孔子曰吾豈匏瓜也哉焉  
能繫而不食

大壯



乘船渡濟載水逢火賴得免患蒙我  
所恃

無註

晉

道塗多石傷車折軸與市爲仇不利

客宿

無註

明夷



託寄之徒不利請求結衿無言乃有

悔患

無註

家人

三羊爭妻相逐犇馳終日不食精氣

竭罷

無註

睽



退惡防患見在心苗日中之恩解釋

倒懸

無註

蹇

兩足四翼飛入嘉國寧我伯姊與母

相得

無註

解



寒露所降凌制堅冰草木瘡傷華落  
葉亡

易坤卦履霜堅冰陰始凝也

損

后稷農功富利我國南畝治理一室  
百子

書舜典帝曰棄黎民阻飢汝后稷  
播時百穀



益

設網張羅捕魚園池網罟自決雖得  
復失危訴之患受其低歡

無註

夫

路與縣休侯伯恣驕上失其盛周室  
衰微

周自平王東遷之後諸侯强大王



室遂衰路與縣休未詳

妬

逐走追亡相及扶桑復見其鄉使我  
悔喪

無註

萃

履福綏厚載福受祉衰微復起繼世  
長久疾病獻凌晉人赴告



按春秋魯成公十年六月晉侯疾  
欲麥使甸人獻麥饋人為之將食  
張如廁陷而卒凌當作麥

升

鰥寡孤獨祿命苦薄入宮無妻武子  
哀悲

按春秋魯襄公二十五年崔武子  
欲娶棠姜筮之其繇曰入其宮不



見其妻凶

困

山沒丘浮陸爲水魚燕雀無巢民無

室廬

無註

井

冠帶南遊與福喜期徼於嘉國拜爲  
逢時



無無註

革

東行亡羊失其羝祥少婦無夫獨坐

空廬

無註

鼎

探巢捕魚耕田捕鰯費日無功右手  
空虛



無註

震

東行飲酒與喜相抱福吾家利來從  
父母水澤之徒望邑而處

無註

艮

妄怒失精自令畏悔忪忪之懼君子

無咎



無註

漸

白雲如帶往往旗颺飛風送迎大雹  
將下擊我禾稼僵死不起

無註

歸妹

南至之日陽消不息北風烈寒萬物

藏伏



按春秋魯僖公五年日南至公登  
觀臺以望雲氣周正月今十一月  
冬至之日日南極是也

豐

火中仲夏鴻鴈來舍體重難移未能  
高舞君子顯名不失其譽

書堯典日永星火以正仲夏火謂  
大火夏至昏之中星也



旅

北行出門復陷躓顛踈足掇塗污我  
襦袴

無註

巽

輕車駸祖焱風暴起促亂祭器飛揚  
錯華明神降祐道無害冠

無註



允

酒為歡伯除憂來樂福喜入門與君  
相索使我有德

無註

渙

三足孤鳥靈明督郵司過罰惡自賊  
其家毀敗為憂

漢天文日中有三足鳥



節

三河俱合水怒湧躍壞我王屋民飢  
於食

三河河東河內河南在天下之中

中孚

南行棗園惡虎畏班執火消金使我  
無患

無註



小過

求鹿過山與利爲怨閤聾不言誰知其歡

無註

既濟

行旅困蹇失明守宿圉圉之憂啓執出遊

圉圉獄名



未濟

據棘履危跌刺爲憂夫婦不和亂我  
良家

無註

三三  
離上離

時乘六龍爲帝使東達命宣旨無所  
不通

易乾卦時乘六龍以御天



之乾

執轡四驪王以爲師陰陽之明載受

東齊

太公遇文王立爲師後封于齊

坤

春秋禱祝解過除憂君子無咎

無註

屯



坐車乘軒據國子民虞叔受命六合  
和親

武王克殷求泰伯仲雍之後得周  
章已為吳君別封其弟虞仲於周  
之北故夏墟為西吳後世謂之虞  
公

蒙

開戶下堂與福相迎祿于公室曾孫



以昌

無註

需

高木腐巢漏濕難居不去甘棠使我

無憂

甘棠美召伯也詩云蔽芾甘棠勿  
剪勿伐甘棠杜梨也

訟



三女爲姦俱遊高園倍室夜行與伯  
笑言不忍主母爲設歡酒寃尤誰禱  
按列女傳周大夫主父妻淫於鄰  
人恐主父覺其淫者爲毒酒使媵  
婢進之媵婢心知之計進之則殺  
主父不義言之又殺主母不忠因  
陽僵覆酒主父怒而笞之妻恐媵  
婢言其事以他過笞欲殺之媵婢



知將死終不言

師

漏卮盛酒無以養老春貸黍稷年歲  
實有履復道坦坦平安何咎

無註

比

松柏枝葉常茂不落君子惟體日富  
安樂



目當作日

小畜

夫婦不諧爲燕攻齊良弓不張騎馱

憂凶

未詳

履

出令不勝反爲大灾強不尅弱君受其憂



無註

泰

犇牛相錯敗亂緒業民不得作

無註

否

載璧秉珪請命於河周公剋敏冲人  
瘳愈

初成王少時病周公乃自揃其蚤



沈之河以祝於神曰王少未有識  
奸神命者乃旦也王病有瘳

同人

素車偽馬不任重負王侯出征憂危  
爲咎

無註

大有

大樹之子同條共母比至火中枝葉



盛茂

無註

謙

壅遏隄防水不得行火盛陽光陰蜺

伏藏走婦其歸

無註

豫

五嶽四瀆合潤爲德行不失理民賴



恩福

五嶽山名四瀆江河淮濟

隨

駕駿南遊虎驚我羊陰不奉陽其光

顯揚言之謙謙奉義解患

無註

蠱

早霜晚雪傷害禾麥損功弃力飢無



所食

無註

臨

岐周海隅有樂無憂可以辟難全身

保財

周太王辟狄人之患邑于岐山之  
下伯夷辟紂居北海之濱

觀



陰蔽其陽日闇不明君憂其國求驛  
得黃駒犢從行

無註

噬嗑

金城鐵郭上下同力政平民歡寇不  
敢賊

漢關中金城千里天府之國也

賁



平公有疾迎醫秦國和不能知晉人  
赴國

春秋晉侯有疾求醫於秦使醫和  
視之曰疾不可爲也公遂卒而訃  
焉

剥

戴堯扶禹從喬彭祖西過王母道里  
夷易無敢難者



堯唐帝名禹夏禹姁姓喬王喬古  
仙人名彭祖堯時人壽至八百王  
母仙子也

復

羔羊皮革君子朝服輔政天德以合  
萬國

詩羔羊之皮素絲五紕羔羊之革  
素絲五紕言南國化文王之德在



位皆節儉正直故詩人美其衣服  
有常也

無妄

據鍾鼓翼將軍受福安帖之家虎狼  
與憂履危不強師行何咎

無註

大畜

嫡庶不明孽亂生殃陳失其邦



春秋魯昭公八年陳哀公嬖二妃  
諸公子爭立楚遂滅陳

頤

鳥驚狐鳴國亂不寧上弱下強爲陰  
所刑

無註

大過

六月採芑征伐無道張仲方叔剋勝



飲酒

六月采芑皆詩名六月建未之月也時玁狁內侵宣王命尹吉甫帥師伐之有功而歸詩人作歌以叙其事司馬法冬夏不興師今六月而出師者以玁狁之故也采芑之詩言蠻荆背叛王命方叔南征軍行采芑而食故賦其事張仲吉甫



之友是時燕飲張仲在焉

坎

被繡夜行不見文章安坐玉堂乃無咎殃長子帥師得其正常

項羽云富貴不歸故鄉如衣錦而夜行又易師卦六五長子帥師以中行也

咸



人卷八  
三  
昧暮乘車東至伯家踰梁越河濟脫  
無他

無註

恒

東風解凍和氣兆升年歲豐登

無註

遊

三狸搏鼠遮遏前後無於還域不得



脫走

無註

大壯

綏德孔明履祿久長貴且有光疾病  
憂傷

無註

晉

三虎搏狼力不相當如摧墮祐一擊



破亡

無註

明夷

使伯東乘恨不肯行與叔爭訟更相  
毀傷

無註

家人

把空握虛鴉驚我雛利去不來



無註

睽

李華再實鴻升降集仁哲以興隆國

無賊

無註

蹇

東山臯洛一朝殞落勇悍不服金玦  
玩好衣爲身賊



春秋閔公二年冬晉侯使太子申  
生伐東山臯洛氏衣之偏衣佩之  
金玦衣身之章也佩衷之旗也故  
敬其事則命以始服其身則衣之  
純用其衷則佩之度今命以時卒  
閔其事也衣之厖服遠其躬也佩  
以金玦棄其衷也服以遠之時以  
閔之厖涼冬殺金寒玦離胡可恃



解

飛文汚身爲邪所牽青蠅分白貞孝  
放逐

詩青蠅篇營營青蠅止于棘註青  
蠅汙穢能變白黑以比讒人也

損

南山大木文身其目制命出令東里  
田畝尊主安居鄭國無患



子產為鄭國之政都鄙有章上下  
有服田有封洫廬井有伍與人誦  
之曰取我衣冠而褚之取我田疇  
而伍之孰殺子產吾其與之及三  
年又誦之曰我有子弟子產誨之  
我有田疇子產殖之子產之死誰  
其嗣之

益



泉起崑崙東出玉門流為九河無有  
憂患

按禹貢崑崙即河源所出在臨羌  
縣又云九河既道爾雅一曰徒駭  
二曰太史三曰馬頰四曰覆鬴五  
曰胡蘇六曰簡牦七曰鈎盤八曰  
鬲津其一則河之經流也

夫



天命短不長中年夭傷鬼泣哭堂哀其  
子亡

無註

姤

君臣不和上下失宜宋子哭歌

無註

萃

苛政日作螟食華葉割下啖上民被



其賊秋無所得

無註

升

南行戴鎧登場九魁車傷牛罷日暮

咨嗟

無註

困

春東夏南隨陽有功與利相逢



無註

井

頭尾顛倒不知緒處君失其國

無註

革

言無要約不成券契殷叔季姬公孫  
爭之強入委禽不悅子南

鄭徐吾犯之妹美公孫楚聘之矣



公孫黑又使強委禽焉註云禽鴈也納采用鴈事見春秋魯昭公元年殷叔未詳

鼎

缺破不成胎郊不生不見其形

無註

震

見蛇交悟惜蜣畏惡心乃無悔



無註

艮

河水孔穴壞敗我室水深無涯魚鱉

傾側

無註

漸

五嶽四瀆地得以安高而不危敬慎

避患



無註

歸妹

南至之日陽消不息北風烈寒萬物  
伏藏

春秋僖公五年春正月辛亥朔日  
南至周正月今十一月冬至之日  
日南極是也

豐



五利四福俱佃居邑黍稷盛茂多獲

高積

無註

旅

公孫駕車載遊東齊延陵子產遺季紵衣疾病哀悲

左傳鄭大夫子產吳公子季札嘗聘鄭與子產相得子產以紵衣獻



季札

巽

交亂當道民困愁苦望羊置群長子  
在門

無註

允

金玉滿室忠直乘危三老凍餓鬼奪  
其室求魚河海網舉必得



無註

渙

日入幽隱陽明隱伏小人勞心求事  
不得

無註

節

頻逢社飲失利後福不如子息舊居  
故處申請必與乃無大悔



無註

中孚

南有嘉魚駕黃取遊魴鱖詡詡利來  
無憂

南有嘉魚詩篇名燕享而作也

小過

黃裳建元文德在身祿祐洋溢封爲  
齊君賈市無門股肱多根



易坤卦六五黃裳元吉文在中也

既濟

口不從心欲東反西與意乖戾動步

失使

無註

未濟

虎狼之鄉日爭凶訟叨尔爲長不能

定從



無註

三三艮下咸

雌單獨居歸其本巢毛羽顛顚志如

死灰

無註

之乾

十窓多明道里通利仁智君子國安

不僵



不無註

坤

心惡來怪衝衝何懼顏伯子騫尼父

聖母

無註

屯

鳥鳴呼子哺以酒脯高樓水處來歸  
其母



無註

蒙

國馬生角陰孽萌作變易常服君失  
于宅

夫按史記燕太子丹為質於秦求歸  
秦王曰待馬角生乃放子還既而  
咸陽馬果生角乃放歸其後陰謀  
使荆軻與勇士秦武陽刺秦失圖



秦乃滅燕

需

入宇多悔耕石不富衡門屢空使士

失意

于無註

訟

情懦行賈遠涉山阻與旅爲市不危

不殆利得十倍



無註

師

梁破橋壞水深多畏陳鄭之間絕不  
得前

無註

比

雙鳬俱飛欲歸稻池經涉荏澤爲矢  
所射傷我胃臆



無註

小畜

謾誕不誠倍梁臧文許人賣牛三失  
爭之失利後時公孫懷憂

無註

履

南國凶飢民食糟糠少子困捕利無  
所得



無註

秦

狗吠非主狼虎夜擾驚我東西不爲  
家咎

無註

否

望龍無目不見手足入水求玉失其  
所欲



無註

同人

以鹿爲馬欺誤其主聞言不信三口  
爲咎黃龍三子中樂不殆

史記秦趙高欲爲亂恐群臣不聽  
乃先設驗持鹿獻於二世曰馬也  
二世笑曰丞相誤邪謂鹿爲馬問  
左右或默或言高陰中諸言鹿者



以法後群臣皆畏高而不敢言鹿

大有

養幼新婚未能出門登宋望齊不見

太師

未詳

謙

王孫季子相與爲友明允篤誠升擢

薦舉



史記高陽氏有才子八人謂之八  
愷高辛氏有才子八人謂之八元  
堯未及舉舜於是舉八愷使主后  
土舉八元使布五教

豫

山水暴怒壞梁折柱稽難行旅留連  
愁苦

無註



隨

鸛鳩徙巢西至平州遭逢雷電破我  
葦廬室家飢寒思吾故初

無註

鹽

登高傷軸上阪弃粟販鹽不利買牛  
折角

無註



臨

祝施王孫能事鬼神節用綏民衛國  
以存饗我旨酒眉壽多年

施當作鮀掌宗廟祭祀之官王孫  
名賈亦衛大夫

觀

九里十山道卻峻難牛馬不前復反  
來還



無註

噬嗑

枯樹不華空淵無魚蕉鳥飛翔利奔

我去

無註

賁

雄狐唯唯登上山嵬昭告顯功大福  
允興



無註

剥

啞啞笑喜相與飲酒長樂行觴千秋  
起舞拜受大福

無註

復

大推破轂長舌亂國牀第之言三世  
不安



無註

無妄

男女合室二姓同食婚姻孔云宜我

孝孫

無註

大畜

千仞之墻禍不入門金籠鐵䟽利以  
辟兵欲南上阪轉萬不轉還車復返



史記燕樂毅圍即墨人曰安平之  
戰田單宗人以鐵籠得全是多智  
習兵因共立以爲將以拒燕

順

華言風語自相註誤終無凶事安寧

如故

無註

大過



汎汎柏舟流行不休耿耿寤寐公懷  
大憂仁不遇時退隱窮居

詩柏舟言仁而不遇也汎彼柏舟  
亦汎其流耿耿不寐如有隱憂

坎

大尾小頭重不可搖上弱下強陰制  
其雄

無註



商

一身三口語無所主東西南北迷惑

失道

無註

恒

南行求福與喜相得封受上賞鼎足

輔國

無註



遯

過時不歸苦悲雄雌徘徊外國與母  
分離

無註

大壯

堯舜在國陰陽和得泳聚衣常晉人  
無殃

春秋魯哀公二十三年晉荀瑶伐



齊戰于犁丘齊師敗績知伯禽顏  
庚即齊大夫顏涿聚也

晉

周城之降越裳夷通疾病多祟鬼哭  
其公鳥子野心宿客未同

史記交趾南有越裳氏重三譯而  
來獻白雉謂道路悠遠山川阻深  
恐一使不通故重三譯而來朝也



明夷

申酉脫服牛馬休息君子以安勞者  
得歡

無註

家人

凱風無母何怙何恃幼孤弱子爲人  
所咎

詩云凱風自南吹彼棘心陟岵詩



云無父何怙無母何恃

睽

出門上堂從容牖房不失其常天牢  
北戶勞者憂苦

無註

蹇

天厭周德命與南國以禮靜民兵革  
休息



無註

解

常葉折衝佐闡者傷暴君失國良臣  
破殃

無註

損

合歡之國嘉喜我福東嶽西山朝齊  
成恩



無註

益

耕石不生弃禮無名縫衣失針襦袴  
不成

無註

夫

輿管閭管跛踣不行坐尸爭骸身被  
火災因其多憂



無註

姤

長生太平仁政流行四方歸德社稷

康榮

無註

萃

桀跖並處民之愁苦擁兵荷糧戰於  
齊魯合黿同牢姬姜並居



卷八  
五十一  
𡗗音謹

升

南與凶俱破車失襦西行無袴亡其  
寶賂

無註

困

空槽注器豚彘不至張弓祝雞雄父  
飛去



槽當作槽

井

望尚阿衡太宰周公蕃屏湯武立爲  
王侯

望太公呂尚也阿衡伊尹也太宰  
官名周公爲太宰

華

朝鮮之地箕子所保宜家宜人業處



子孫

箕子紂諸父武王伐紂遂歸周封  
於朝鮮

鼎

昔憂解笑故貪今富載榮履善與福  
俱遇

無註

震



叔迎伯兄遇卷在陽君子季姬並坐  
鼓簧

詩君子陽陽閔周也君子陽陽左  
執簧右招我由房其樂只且

艮

順風縱火芝艾俱死三官集房十字  
中傷

芝靈草艾草名可灸被火俱死即



卷八  
五十二  
玉石俱焚之義三官或作三害未

中詳

漸

駕車入里求鮮魴鯉非其肆居自令  
失市君子所在安無危咎

無註

歸妹

拔劍傷手見敵不起良臣無佞困辱



爲答

無註

豐

亂君之門佐鬪傷跟營私貪祿身為  
悔殘東下太山見我所歡

無註

旅

慈母望子遙思不已久客外野使我



心苦

無註

巽

魴生淮郤一轉爲百周流四海無有

患惡

無註

允

甘露醴泉太平機關仁德感應歲樂



民安

甘露仁澤也聖德上及太清下及  
萬靈則降醴泉水之精也聖德上  
及太寧中及萬靈則出見鵠冠子

渙

桴微出車魚麗思初上下從急君子  
免憂

桴當作採采薇出車魚麗皆詩篇



名采薇言出戍之時采薇以食而  
念歸期之遠也出車之詩勞還率  
也魚麗之詩燕饗之樂歌也

節

永生魚魴鼠舞庭堂雄倭施毒上下  
昏荒君失其邦

無註

中孚



三頭六目道畏難宿寒苦之國利不可得

未詳

小過

驚雀銜茹以生孚乳昆弟六人姣好  
弟孝各同心願和悅相樂

無註

既濟



文君之德仁義致福年無胎天國富  
民實君子在堂曾累益恩

此言文王脩德行仁而天下歸之  
天當作天

未濟

秋梁未成無以至陳水深難涉使我  
不前

無註



䷲

巽下恒  
震上恒

黃帝所生伏羲之宗兵力不至利以

居止

太昊伏羲氏黃帝軒轅氏黃帝造

五兵以征不享

之乳

登墀踰足南行折角長夜之室不逢

忠直



無註

坤

燕雀衰老悲鴻入海憂不在鄉美池  
其羽頡頏上下在位獨處

無註

屯

開門除憂伯自外來切切無患我之  
得歡



無註

蒙

効耕釋耜有所疑止空虛無子

無註

需

張牙切齒斷怒相及咎起蕭牆牽引  
吾子患不可解憂驚吾母

無註



訟

履不容足南山多棘母出房闥乃無

疾病

無註

師

牛駢亡子鳴於大野申後陰徵翌歸

其母

無註



比

龍生于淵因風身天章虎炳文爲凶  
敗軒發輶溫谷暮宿崑崙終身無患  
充精炤耀不被禍難

無註

小畜

既嫁宜吉出入無憂三聖並居國安

無災



無註

履

北陸陽伏不知白黑君子傷讒正害  
善人

冬日在北陸日行北方黑道曰北  
陸出易通統圖

泰

一身兩頭近適二家亂不可治



無註

否

牝馬牝駒歲字不休君子衣服利得

有餘

無註

同人

南行懷憂破其金輿安坐故廬乃無

灾患



無註

大有

憂人之患履傷浮願為身禍殘篤心  
自守與喜相抱

無註

謙

咸陽辰巳長安戌亥丘陵生上非魚  
鱸市可以避不終無凶咎



未詳

豫

不知何孫夜來扣門我慎外寢兵戎  
且來

無註

隨

昧旦不明暗我無光喪滅失常使我  
心傷



無註

蠱

江陰水側舟楫破乏孤不得南豹無  
以比雖欲會盟河水絕梁

魏王豹叛漢漢王遣韓信等以兵  
擊之信為疑兵陳船欲渡臨晉伏  
兵從夏陽以木罌渡軍襲虜豹比  
當作比



臨

神之在丑逆破爲咎不利西南人休  
止後

無註

觀

然諾不行欺天誤人使我靈宿夜歸  
溫室神怒不直鬼擊無目欲求福利  
適反自賊



無註

噬嗑

攘臂極肘怒不可止狼戾復很無與

爲市

無註

賁

販馬賣牛會值虛空利得甚少留連  
爲憂



無註

剥

高樓陸處以避風雨深堂邃宇君安  
其所牝雞之息爲我利弗求得弗得  
易繫辭上古穴居而野處後世聖  
人易之以宮室書牝雞無晨牝雞  
之晨爲家之索息當作晨

復



阿衡服箱太一載行逃時歷舍所之

吉昌

阿衡伊尹號太一星名

無妄

飛來之福入我嘉室以安吾國

無註

大畜

不孝之患子爲母殘老耄莫養獨坐



空垣

無註

頤

無註

南過棘門鉤裂我冠闔之傷襦使君

恨憂

未詳

大過

重或射卒不知所定質疑著龜孰可



辟大明神報荅告以肌如

著所以筮龜所以卜

坎

麟麇鳳稚安樂無憂捕魚河海利踰

從居

無註

離

新田宜粟上農得穀君子推德千百



以福

無註

咸

簪短帶長幽思苦窮瘠蝨小瘦以病

之隆

無註

遜

爭訟之門不可與鄰出入爲憂生我



心患

無註

大壯

朽根枯株不生肌膚病在心腹日以

焦勞

無註

晉

兩師娶婦黃巖季子成禮就婚相呼



南上膏我下土歲年大茂

博物志曰太公為灌壇令武王夢  
婦人當道夜哭問之曰吾是東海  
神女嫁於西海神童今為灌壇令  
當道廢我行我行必有大風疾雨  
武王覺召太公問之果有疾風暴  
雨從太公邑外過

睽



日暮閉目隨陽休息箕子以之乃受其福舉首多言必為悔殘

易明夷卦彖曰利艱貞晦其明也內難而能正其志箕子以之

家人

昧之東域誤過虎邑失我熊齒飢無所食

齒音漬



解

鳥飛無翼兔走折足雖不會同未得

醫工

無註

蹇

蓼蕭灤灤君子龍光鳴鸞雍雍福祿

來同

詩蓼蕭諸侯朝于天子天子與之



燕以示慈惠故歌此詩蓼彼蕭斯  
零露漙漙既見君子為龍為光又  
曰和鸞雖雖萬福攸同

明夷

冬採微蘭地凍堅難利走室北暮無  
所得

無註

損



五勝相賊火得水息精光消滅絕不  
長續

五勝者五行相勝之義

益

東資齊魯得駢犬馬便辟能言巧賈  
善市八鄰併戶請火不與人道閉塞  
鬼守其宇

便辟謂習於威儀而不直



夾

爭雞失羊亡其金囊利不得長陳蔡之患賴楚以安

史記孔子在陳蔡之間楚使人聘之孔子將往拜禮陳蔡大夫謀曰楚若用孔子則陳蔡大夫危矣於是乃相與發徒圍孔子於野不得行絕糧使子貢至楚楚昭王興師



迎孔子然後得免

姤

九登十涉馬跌不前管子佐之乃能

上山

無註

萃

東鄰愁苦君亂天紀甘貪祿寵必受  
其咎意合志同自外相從見吾伯公



無註

升

三狸捕鼠遮遏前後死於壞城不得

脫走

無註

困

狼虎爭彊禮義不行兼吞其國齊晉

無主



齊桓晉文假仁義以尊周室自桓  
文之後天下失霸則諸侯無主愈  
僭亂矣

井

五嶽四瀆合潤為德行不失理民賴  
息福

無註

革



六月種黍歲晚無雨秋不宿酒神失其所先困後通與福相逢

無註

鼎

駉牝龍身日取三千南上蒼梧與福爲婚道里夷易身安無患

詩定之方中駉牝三千此言衛文公所畜之馬七尺而牝者亦已至



於三千之衆矣

震

出入休居安止相憂上室之權虎爲

季殘

定公五年季平子卒陽虎私怒囚  
季桓子與盟乃捨之八年陽虎欲  
盡殺三桓適而更立其所善庶子  
以代之載季桓子將殺之桓子詐



而得脫三桓共攻陽虎九年陽虎  
奔齊已而奔晉

艮

南山昊天刺政關身疾病毋辜皆憎  
爲仇

詩小雅節南山云節彼南山又曰  
不弔昊天又曰昊天不平此詩家  
父所作刺周王用尹氏為太師秉



國之均不能毗輔天子用威虐政  
以召禍亂民所憎惡甚於仇讎也

漸

蒼耳東從道頓跂躋日辰不良病為

崇禍

蒼耳馬也遯之小過曰騎騅與蒼  
蒼即蒼耳也

歸妹



兄征東燕弟伐遼西大剋勝還封君  
河間

無註

豐

播輸折輻馬不得行豎牛之讒賊其  
父兄布裘不傷終身無殘

輸當作轡春秋成公十六年魯穆  
子去叔孫氏奔齊及庚宗遇婦人



宿焉生子曰牛後復歸魯立為卿  
使牛為豎有寵長使為政牛不食  
叔孫叔孫遂餒而卒

旅

駕之南海晨夜不止君子勞疲僕使  
焦苦

無註

巽



怨風燒被忿怒生禍偏心作難意如  
為亂

按左傳意如魯大夫季平子名昭  
公二十五年伐季氏孟孫叔孫遂  
伐公徒公遜於齊次於陽州

允

張狂妄行竊食盜糧狗吠非主嚙傷  
我足



無註

渙

敬蹕戒道先驅除害王后親桑以率  
群切安我祖宗

周禮宮正掌邦之事蹕以禁行者  
也古者使世婦蠶于公桑蠶室奉  
繭以示于君繅以為黼黻文章而  
服以祀先王先公



節

門戶乏食困無誰告對門不通莫所  
歸急種藏五穀一花百葉

無註

中孚

被蔽復貌危者得安鄉善無患商人  
有息利來入門

無註



小過

壘壘壘壘如其之室一身十子古公

治邑

古公周太王之本號修后稷公劉

之業積德行義國人皆戴之熏粥鬲

之難去豳邑于岐山之下豳人曰

仁人也不可失也扶老携幼歸者

如市



既濟

三嫗治民不勝其任兩馬爭車壞敗

室家

無註

未濟

蔽鏡無光不見文章少女不市弃其

卻王

無註




易林卷第八



詩經卷八




















895.108

Ss7s2

v.404

焦氏易林

九

CHINA







Diagram of the 64 hexagrams of the I Ching, arranged in a square grid. The hexagrams are represented by their constituent lines (solid and broken) and are labeled with Chinese characters. The diagram is enclosed in a rectangular border.

Vertical text on the left margin, likely a page number or chapter reference, written in Chinese characters. The text is partially obscured by a dark, textured binding material.







易林卷第九

䷀ 乾上  
䷁ 遯下

三塗五岳陽城太室神明所保獨無

兵革

三塗山名在河南伊闕縣五岳泰  
山爲東岳衡山爲南岳嵩山爲中  
岳華山爲西岳恒山爲北岳陽城  
山谷名在嵩山下太室山名



之乾

軟弱無輔不能自理意在外野心懷  
勞苦雖憂無殆

無註

坤

周成之隆刑措無凶太宰讚右君子  
作仁

史記周成康之際天下太平刑措



四十餘年不用太宰周公也

屯

穴有孤鳥坎生蝦蟇象出萬里不可  
得捕

無註

蒙

俱爲天民雲過吾西伯氏嫉妬與我  
無恩



無註

需

三首六目政多煩惑臯陶瘖聾亂不

可從

未詳

訟

德積不輕辟王鈞耕三媒不已大福

來成



呂氏春秋太公釣于滋泉孟子曰  
伊尹耕於有莘之野三媒即三聘

師

堅固相親曰篤無患六體不易執以  
安全兩師駕西濡我轂輪張伯李李  
各坐關門

無註

比



方內不行輻摧輪傷馬楚蹠甚受子

閔時

無註

小畜

畜牝無駒養雞不雛群羊三歲不生

兩頭

未詳

復



老耄罷極無取中直懸輿致仕得歸  
鄉里

漢薛廣德乞骸骨懸安車以致仕

泰

縮緒亂絲手與爲哭越畝逐兔斷其  
禪襦

無註

否



海老水乾魚鼈盡索藁落無潤獨有  
沙石

無註

同人

入市求鹿不見頭足終日至夜竟無

所得

無註

大有



築門壅戶虎卧當道驚我驊騮不利  
出處

無註

謙

陶朱白圭善賈息資公子王孫富貴  
不貧

陶朱即范蠡遊江湖變姓名稱陶  
朱公白圭名丹周人史言能薄飲



食忍嗜欲二人善賈貨生息資財  
以致巨富

豫

王良善御伯樂知馬周旋步驟行中

規矩止息有節延命壽考

王良古之善御者伯樂古之善相

馬者

隨



堯問伊舜聖德增益使民不懼安無  
悚惕

無註

蠱

昭公失常季氏悖狂遜齊處鄆喪其  
寵身

春秋昭公二十五年九月戊戌伐  
季氏叔孫氏孟氏救之三家反攻



公已亥公孫于齊次于陽州二十  
六年三月公至自齊居于鄆三十  
二年薨于乾侯

臨

昏暮不行候待旦明從住止後未得  
相從

刺無註

觀



安上宜官一日九遷升擢超等牧養

常山

漢田千秋一日九遷其官牧養常

山未詳

噬嗑

去惡就凶東西多訟行者无功

莫無註

賁

賁卦



老馬垂耳不見百里君子弗恃商人  
莫取無與爲市

去無註  
山東西漢公羊春秋

剥盡

蝸螺生子深目黑醜似類其母雖或  
相就衆人莫取  
曰大惡其言好齊常

常無註

復

楚土宜官一日大惡其言好齊常



百足俱行相輔爲強三聖翼事不見  
寵光

三聖堯舜禹也

无妄

容民畜衆履德有信大人受福童蒙  
憂惑利無所得

無註

大畜



左跌右僵前躓觸桑其指據石傷其  
弟兄老蠶不作家無織帛貴貨賤身  
久留連客

無註

頤

昏人宜明賣食老昌國祚東表號稱  
太公

太公嘗屠於朝歌後遇文王立爲



師尚父封國於東齊

大過

弊筭在梁魴逸不禁漁父勞苦藏空

乾口

弊壞筭罟詩人以弊筭不能制大

魚魴鰈大魚也

坎

盛中後跌衰老復掇盈滿減毀疾羸



肥肸鄭昭失國重耳與立

春秋魯桓公十七年鄭高渠彌弑  
昭公而立公子亹又僖公二十四  
年晉文公入國使殺懷公于高粱  
遂立而霸諸侯

離

折亡破甕使我困貧與母生分別離  
異門



無註

咸

野有積庾穡人駕取不逢虎狼暮歸

其字

無註

恒

襁褓孩呱冠帶成家出門如賓父母

何憂



無註

大壯

陳力就列官職並廢手不勝盆失其

寵門

無註

晉

積雪大寒萬物不生陰制庶士時本

冬貧



無註

明夷

龍闢時門失理傷賢內畔生賊自爲  
心疾

春秋昭公十九年鄭大水龍闢于  
時門之外洧淵國人請爲禳焉子  
產弗許曰我聞龍不我覲也龍闢  
我獨何覲焉禳之則彼室也吾無



求於龍龍亦無求於我乃止

家人

狗畏狼虎依人爲輔三夫執戟伏不敢趨身安无咎

無註

睽

南山高罌回隕難登道里遼遠行者無功憂不成凶惡亦消去



罌音岡隕音類

蹇

逢時陽遂富且尊貴

無註

解

求我所欲得其利福終身不辱盈盛  
之門高屋先覆君失邦國

無註



損

安坐至暮禍災不到利詰奸妖罪人  
弗赦

無註

益

膠車駕東與雨相逢五檠解墮頻轉  
獨宿憂爲身禍

詩云五檠梁輶註云五五束也檠



歷錄然文章之貌以皮革五處束  
之其文章歷錄然也輶車轅也

夫

擇曰高飛遂至東齊見孔聖師使我  
和諧

無註

姤

陳嬀敬仲北興齊姜乃適營丘八世



大昌

按春秋傳陳嬀姓敬仲即陳公子  
完魯莊公二十二年奔齊使爲工  
正初懿氏卜妻敬仲曰有嬀之後  
將育于姜八世之後莫之與京姜  
齊姓營丘齊所封之地

萃

缺埒無墀難從東西毀破我盆泛棄



酒食

埒音劣埒音善

升

中夜狗吠盜在廬外神光祐助消散  
解去

無註

困

雷車不藏隱隱西行霖雨三旬流爲



河江使國憂凶

無註

井

老河虛空舊井無魚利得不饒避患  
東鄰禍入我門使我悔存

無註

革

福德之士懽悅日喜夷吾相國三歸



爲臣賞流子孫

夷吾齊相管仲也三歸臺名婦人  
謂嫁曰歸一娶九女而備三姓

鼎

清人高子久屯外野逍遙不歸思我  
慈母

高子高克也詩云清人在彭駟介  
旁旁註云鄭文公惡高克使將清



邑之兵禦狄于河上久而不召師  
散而歸高克奔陳鄭人爲之作此  
詩也

震

驄驕黑鬣東歸高鄉白虎推輪倉龍  
把衡朱雀道引虛烏載遊逐扣天門  
入見真君馬安人全

驄音葛鬣音宗



歸妹

小取之市利不足喜二世積仁蒙其  
祖先匪躬之言狂悖爲患

無註

漸

端坐生患憂來入門使我不安

無註

艮



路多枳棘步刺我足不利旅客爲心  
作毒

無註

豐

登高望時見樂無憂求利南國與寶  
相得

無註

旅



疏足息肩有所忌難金城鐵郭以銅  
爲關蕃屏自衛安上無患

漢關中金城千里天府之國也

巽

江有沔泥思附君子伯仲受歸不我  
肯顧姪娣悔恨

泥當作汜詩云江有沔之子歸不  
我過不我過其嘯也歌又云江有



汜不我以不我以其後也悔按詩  
傳水決復入爲汜今江陵漢陽安  
復之間蓋多有之沱江之別者之  
子媵妾指嫡妻而言也婦人謂嫁  
曰歸我媵自我也能左右之曰以  
謂挾已而偕行也是時汜水之旁  
媵有待年於國而嫡不與之偕行者  
其後嫡被后妃夫人之化乃能自



悔而迎之故媵見江水之有汜而  
因以起興言江猶有汜而之子之  
歸乃不我以雖不我以然其後亦  
悔矣

允

牙孽生達陽倡於外左手執簫公言  
錫爵

詩云左手執簫右手秉翟赫如渥



赭公言錫爵按詩傳簋如笛而六  
孔或三孔翟雉羽也執簋秉翟者  
文舞也公言錫爵即儀禮燕飲而  
獻工之禮也

渙

雲夢苑囿萬物蕃熾犀象瑋瑁荆人  
以富

荊州有澤數曰雲夢方八九百里



節

渠戎萬里晝夜愁苦橐甲戎服雖荷  
不賊鷹鷂之殘害不能傷

無註

中孚

鎡基逢時稷契皋陶貞良願得微子  
解囚市空無虎謾誕妄語

孟子曰雖有鎡基不如待時書舜



典稷播百谷契敷五教皋陶明刑  
微子紂庶兄也

小過

騎騅與蒼南賈太行逢駮猛虎爲所  
吞殤葬於渭陽一本有又害不傷

無註

既濟

出門東行日利時良步騎與駟經歷



宗邦暮宿北燕與樂相逢

無註

未濟

酒爲懽伯除憂未樂福善入門與君  
相索使我有得

無註

三三  
震上大壯  
乾下

左有噬羆右有啣虎前觸鐵矛後躡



強弩無可抵者

無註

之乾

金齒鐵牙壽考宜家年歲有儲貪利者得離其咎憂

無註

坤

家給人足頌聲並作四夷賓服干戈



囊閣

書明王慎德四夷咸賓史記武王  
勝殷包藏弓矢戢弭干戈以示弗  
用也

屯

獼猴冠帶盜載非位衆犬嘈吠狂走  
厥足

無註



蒙

心患其身不念安存忠臣孝子爲國除患

無註

師

鹿下西山欲歸其群逢羿鋒箭無於矢端

羿古之善射者



訟

東行西窮南北無功張伯賣鹿從者  
失羊

無註

需

君不明德臣亂爲惑丞相命馬胡亥  
失所

按秦紀趙高欲爲亂恐群臣不從



乃先設驗以鹿獻於二世曰馬也  
二世笑曰丞相誤邪謂鹿爲馬問  
左右或默或語高陰中諸言鹿者  
用法繩之後群臣皆畏高此言人  
君之德不明爲姦臣之所惑亂胡  
亥之於趙高是也

比

明夷北初三日爲災以讒後歸名曰



豎牛剥亂叔孫餒卒虛丘

餒當作餒春秋成公十六年魯穆  
子去叔孫氏奔齊及庚宗遇婦人  
宿焉生子曰牛復歸魯立爲卿使  
牛爲豎有寵長使爲政牛不食叔  
孫遂餒而卒

小畜

秦失嘉居河伯爲怪還其御璧神怒



不祐織組無文燒香弗芬

按秦紀使者從關東夜過華陰平  
舒道有人持璧遮使者曰爲吾遺  
瀉池君今年祖龍死使者問其故  
因忽不見置其璧去使者奉璧具  
以聞始皇使御府視璧乃二十八  
年渡江所沉之璧也此言始皇將  
終江神以璧遺瀉池之神以相告



履

德至之君禍不過鄰使我世存身無患災

無註

泰

衆惡之堂相聚爲殃出毒毋良人使道不通

無註



否

三癡六狂欲之平鄉迷惑失道不知  
昏明

無註

同人

老弱無子不能自理郭氏雖憂終不  
離咎管子治國侯伯之服乘輿八有  
尊祀祖德



管子即管仲相桓公霸諸侯

大有

褒后生蛇經老皆微追跌衰光酒滅  
黃離

褒后即褒姒初夏后氏褒有二龍  
降于庭卜藏其策自夏商莫敢發  
周人發之策化爲玄黿後宮童女  
遭之而孕無夫而生子懼而弃於



卷九  
二十五  
路人哀其夜號而收養之逸於褒  
褒人有罪進是女於周幽王寵之  
號曰褒姒索隱曰玄龜蜃蜴也褒  
后之生蓋出于此

譙

驄驕黑鬣東歸高鄉白虎推輪蒼龍  
把衡逐至夷傷不離咎殃

驕音葛鬣音宗



豫

信譙龍且塞水上流半涉決壘襲楚師  
覆凶

按史韓信攻齊項羽遣龍且救之  
夾濰水而陳信令萬餘人囊沙壅  
水上流引軍半渡擊之佯不勝走  
還龍且追信信急遣人決壅水大  
至且軍大半不得渡信急擊殺且



隨

有莘季女爲王妃后貴夫壽子母字  
四海

按本紀鯀取有莘氏女謂之女志  
是生高密宋衷云高密禹所封之  
國也

鹽

德被八表蠻夷率服螫賊不作道無



苛慝

無註

臨

載日精光  
駟駕六龍  
祿命徹天  
封爲

燕王

未詳

觀

纓急縮頸  
行不得前五石  
示象襄霸



弗成

春秋僖公十六年正月戊辰殞石  
于宋五註云石者陰德之專也宋  
襄欲行霸事卒以五年見執如五  
石之數也

噬嗑

蛇失其公載麻當喪哀悲哭泣送死  
離鄉



無註

賁

回隕不安兵革爲患掠我妻子客屬

飢寒

無註

剝

乘風雨橋與鳥飛俱一舉千里見吾

愛母



無註

復

雷霆所擊誅者五逆磨滅無迹有懼

方息

無註

无妄

張氏揖酒請謁左右王叔枯槁獨不

蒙所



無註

大畜

坐爭立訟紛紛凶凶卒成禍亂災及

家公

夫無註

頤

霜降閉戶蟄蟲隱處不見日月與死  
爲伍



無註

大過

鼠聚生怪為我患悔道絕不通商旅

失意

無註

坎

寒暑不當軌度失常一前一後年歲

鮮有



無註

離

築室水上危於一齒丑寅不徙辰卯  
有咎

無註

咸

畜雞養狗長息有儲耕田得黍王母  
喜舞



無註

恒

東壁餘光數闇不明主母嫉妬亂我  
業事

東壁星名

遯

剛柔相傷火爛銷金鵬鷹制兔伐楚  
有功



未詳

晉

鄭國讒多數被楚憂商人愁苦民困  
無聊一本云三豕俱走鬪於虎口白  
豕不勝死於坎下

春秋魯僖公元年楚伐鄭三年楚  
又伐鄭蓋鄭當晉楚之間無歲而  
不被兵也



明夷

弓矢其張把彈弦折九發不至道過

害患

無註

家人

舉觴飲酒未得至口側弁醉酗拔劍

相怒武侯作悔

詩賓之初筵衛武公飲酒悔過而



作其詩云側弁之俄

睽

原本空文

蹇

穿空相宜利倍我北循邪詭道逃不  
可得南北望邑遂歸入室

無註

解

壽如松喬與日月俱常安康樂不離



禍憂

赤松王喬皆古仙人名

損

出門望東伯仲不來疾病爲患使母

憂歎

無註

益

大姒之孫周文九子咸遂受成寵貴



富有

詩曰太姒嗣徽音大姒文王之妃  
武王之母也春秋傳曰武王同母  
第八人并武王爲九也大姒教誨  
諸子自少及長未嘗見邪僻之事  
及其長文王繼而教之卒成武王  
周公之德故云咸遂受成寵貴富  
有也



夫

桃李華實累累日息長大成孰甘美  
可食爲我利福

無註

姤

昏禮不明男女失常行露反言出爭  
我訟

詩厭浥行露豈不夙夜謂行多露



又誰謂女無家何以速我訟註云  
南國之人遵召伯之教服文王之  
化有以革其前日淫亂之俗故託  
以行多露而畏其沾濡也

萃

空穿漏弊破桴殘缺陰弗能完瓦碎  
不全

無註



升

數窮廓落困於歷室往登玉堂與堯  
脩食

按史舜微時耕於歷山堯舉而任  
之加諸上位

困

道濕爲坑輪陷躓僵南國作諱使我  
多畏



無註

井

鰥寡孤獨福祿苦薄入室無妻武子  
哀悲

按春秋魯襄公二十五年崔武子  
欲娶棠姜筮之其繇曰入其宮不  
見其妻凶

革



卷九 三十五  
舉被覆目不見日月衣衾杖机就其  
夜室

按史記越伐吳吳三戰三北夫差  
上姑蘇亦請成於越范蠡不可夫  
差曰吾無以見子胥爲幘冒乃死  
鼎  
長尾踳地畫地爲河深不可涉絕無  
以北惆然憤息



無註

震

晨風文翰大舉就溫昧過我邑羿無所得

詩晨風篇云駉彼晨風鬱鬱彼北林晨風鸛也羿后羿古之善射者

艮

出入節時南北無憂行者亟至在外



歸來

無註

漸

陽氏狂惑季孫亂憤陪臣執政平子  
拘折我心不快

陽氏即陽虎季氏之家臣專政季  
孫即季孫氏魯大夫陪臣家臣謂  
陽虎也平子季孫意如也



歸妹

五鳥六鵠相對蹲跂禮讓不興虞芮  
爭訟

虞芮二國名相與爭田不決乃如  
周入界耕者皆讓畔民俗皆讓長  
二人慚之乃不見西伯而還感而  
相謂曰我等小人不可以履君子  
之庭於是俱讓其田不取



豐

顧念所生隔在東平遭離蒲沸河川  
決潰幸得無恙復歸相室

無註

旅

追獵東走免逃我後吾銳不利獨空

無有

無註



巽

犬吠非主上下膠擾敵人襲戰閔王  
逃走

史記燕昭王伐齊戰于濟西齊師  
大敗閔王出走

兌

嵩高岱宗峻直且神觸石膚寸千里  
蒙恩



白虎通云嵩高山者中央之岳獨  
加高字者何中央居四方之中而  
高故曰嵩高高五經通義王者受命  
易姓報功告成必於岱宗也

渙

陳魚觀社佷荒踰矩爲民開緒亡其  
祖考

春秋隱公五年公將如棠觀魚臧



僖伯諫曰不軌不物謂之亂政亂政並行所以敗也公曰吾將畧地焉遂往陳魚而觀之莊公二十三年公如齊觀社非禮也曹劌諫曰不可夫禮所以整民也君舉必書書而不法後嗣何觀

節

四壁無戶三步一止東西南北利不



可得

無註

中孚

求君衣裳情不可當觸諱西行爲伯  
生殃君之上歡得其次安存

按春秋蔡昭侯爲兩佩裘以如楚  
獻一裘一佩於昭王自服其一子  
常欲之弗與三年止之蔡人聞之



小過

固請而獻佩于子常遂歸蔡侯

春鴻飛東以馬貨金利可得深

貨音茂

既濟

禾生蟲蠹還自尅賊使我無得

無註

未濟



桀亂無道民散不聚倍室棄家逃遁  
出走

史記夏桀爲傾宮瑤臺殫百姓之  
財湯伐之放於南巢

䷢ 離上 晉

銷鋒鑄耜休牛放馬甲兵解散夫婦  
相保

無註



之乾

一衣三冠無所加元衣服不來爲我  
災患

無註

坤

百足俱行相輔爲強三聖翼事王室

寵光

三聖堯舜禹也



屯

魚蛇之怪大人憂懼梁君好城失其

安居

春秋梁伯好土功亟城而弗處

蒙

少無強輔長不見母勞心遠思自傷

憂苦

無註



需

前涉溽暑解不可取離河三里敗我  
利市老牛病馬去之何悔

無註

訟

君明有德登天大祿布政施惠以感  
恩福中子南遊翱翔未復

無註



師

哋然唯諾敬上尊客執恭除患禦侮  
致福

無註

比

黍稷禾稻垂秀方造中旱不雨傷風  
病藁

無註



小畜

三羸六罷不能越跪東賈失馬往反

勞苦

無註

履

倚立相望引衣欲莊陰雲蔽日暴雨  
所集降我歡惠使道不通

無註



泰

高脚疾步受肩善趨日走千里賈市  
有得

無註

否

北風寒涼雨雪益冰憂思不樂哀悲  
傷心

詩云北風其涼雨雪其雱言北風



雨雪以比國家危亂將至而氣象  
愁慘也

同人

貞鳥鳴鳩執一無尤寢門治理君子

悅喜

無註

大有

蓂蕭露瀼君子龍光鳴鸞鳥雍和福祿



來同

詩蓼蕭篇云蓼彼蕭斯零露瀼瀼  
既見君子爲龍爲光又云和鸞雖  
雖萬福攸同言諸侯朝于天子天  
子與之燕以示慈惠而作也

謙

南行求福與喜相得封受上賞鼎足  
輔國



無註

豫

桑華腐蠹衣弊如絡女功不成絲布  
爲玉

無註

隨

左服易右王良心懽嘉利從已

詩大叔于田篇云两服上襄註衡



下夾轅兩馬曰服王良古之善馭者

蠱

壽考不忘駕驛東行之適陳宋南賈楚荆得利息長旅自多罷畏晝喜夜

無註

臨

羔羊皮弁君子朝服輔政扶德以合



萬福

詩羔羊之皮素絲五紵羔羊之革  
素絲五紵言南國化文王之德在  
位皆節儉正直故詩人美其衣服  
有常也

觀

鸛鳩徙巢西至平州遭逢雷電破我  
葦廬室家飢寒思吾故初



無註

噬嗑

大尾小頭重不可搖上弱下強陰制其雄

無註

賁

䟽足息肩有所忌難金城銅郭以鐵爲關蕃屏自衛安止無患



漢關中金城千里天府之國也

剝

天命玄鳥下生大商造定四表享國  
久長

復

詩商頌玄鳥篇云天命玄鳥降而  
生商古帝命武湯正域彼四方

賊殺重數政爲民賊杼軸空虛家去



其室

賊殺當作賊斂詩小東大東杼柚  
其空杼持緯者也柚受經者也

无妄

陰陽隔塞許嫁不荅宛丘新臺悔往  
歎息

詩宛丘篇云子之湯兮宛丘之上  
兮洵有情兮而無望兮又新臺篇



云新臺有泚河水瀰瀰燕婉之求  
蘧篠不鮮此皆言淫荒昏亂而作

大畜

頤望登虛意常欲逃賈辛醜惡妻不  
安夫

春秋魯昭公二十八年魏獻子謂  
賈辛曰昔賈大夫惡娶妻而美三  
年不言不笑



坎

懸懸南海去家萬里飛兔驪裘一日  
見母除我憂悔

無註

大過

信敏恭謙敬鬼神五岳四瀆尅戢  
帝心受福宜年

無註



順

踰行竊視有所畏避蔽目伏藏以夜  
爲利

無註

離

雖汙不辱因何洗足童子褰衣五年  
平復

未詳



咸

宮城立見衣就袂裙恭謙自衛終無  
禍尤

無註

恒

弊笥在梁不能得魚望貧千里所至  
空虛

詩敝笥在梁敝壞笥罟也言以敝



笥不能制大魚焉

遯

千里駢駒爲王服車嘉其驪榮君子  
有成

無註

大壯

鼎足承德嘉謀生福爲王開庭得心  
所欲



無註

明夷

右手無合獨折左指禹湯失佐事功

弗立

禹夏禹湯成湯也

家人

憂凶憎累患近不解心意西東事無成功



無註

睽

東行食榆困於枯株失妻無家志窮

爲憂

無註

蹇

五經六紀仁道所在正月繁霜獨不

離咎



五經五常六紀六德詩正月繁霜

解

懈緩不前愒怠失便二至之戎家無  
禍凶刻木象形聞言不信

無註

損

仁愛篤厚不以所忿害其所子從我  
舊都日益富有



無註

益

缺破不成胎卵未生弗見兆形

無註

夬

摧角不傷雖折復長秉德無害老賴

榮光

無註



姤

乘桴渡海免脫厄中雖困无咎

桴筏也語云乘桴浮于海

萃

孔鸞鴛鴦鵲鴝我鴝鵒胡鵠翱翔紫淵嘉木

之圃君子以娛

無註

升



衆來得願甘露溫潤樂易君子不逢  
禍亂

甘露仁澤也太平之世則降

困

東騎墮落千里獨宿高岸爲谷陽失  
其室

無註

井



八才既登以成善功厖降庭堅國無  
憂凶

高陽氏才子八人厖降庭堅其二  
子也

震

白鳥銜餌嗚呼其子施技張翅來從  
其母

無註



艮

學靈三年聖且明神先見善祥嘉吉  
福慶餌吉知來告我无咎

無註

革

邯鄲反言父兄生患竟涉憂恨卒死  
不還

涉即陳涉涉嘗令陳人武臣徇趙



地武臣到邯鄲自立爲趙涉怒捕  
繫武臣家室後因柱國之諫遂立  
武臣爲趙王武臣終於背涉竟死  
於莊賈之難出陳涉傳

鼎

五銑鐵願倉庫空虛賈市無盈與利  
爲仇

按韻註鍾口兩旁曰銑又云銑金



之澤者鐵頤未詳銳當作銑

漸

雲孽烝起失其道理傷害年穀神君  
之精

無註

歸妹

春耕有息秋入利福獻豳大猷以樂  
成功



豳風詩云三之日于耜四之日舉趾又曰九月築場圃十月納禾稼四章曰言私其豨獻豨于公註云豨一歲豨豨三歲豨也

豐

羸豕躑躅虎入都邑遮遏左右國門敕至一作敕急

無註



旅

東行西維南北善迷逐旅失群亡我  
襦衣

無註

巽

居室之倫夫婦和親小人乘車石果  
失豢

石當作碩易剥之上九碩果不食



君子得興

兌

東方孟春乘冰戴盆懼危不安終身  
所歡

無註

渙

風吹塵起十里無所南國年傷不可  
安處



無註

節

重載傷車婦失無夫三十不室獨坐

空廬

無註

中孚

販牛羸馬與利爲市不我嘉喜

無註



小過

日出阜東山救其明章父薦屨箕子  
佯狂

父當作甫章甫禮冠屨屨也商紂  
無道箕子佯狂而爲奴

既濟

出入門所與道開道杞梁之信不失  
日中少季渡江來歸其邦疾病危亡




春秋魯襄公二十三年齊侯襲莒  
杞殖華還遇莒子於蒲侯氏莒子  
重賂之請盟華周對曰昏而受命  
日未中而弃之何以事君莒子遂  
獲杞梁即杞殖也

未濟

邑兵衛師如轉蓬時居之危凶

無註




 坤上明夷

他山之儲與璆爲仇來攻吾城傷我肌膚邦家騷憂

無註

之乾

踐履寒冰十步九尋雖有苦痛不爲  
憂病

無註



坤

太公辟紂七十隱處卒遭聖文爲王  
室輔

初太公隱居屠釣後遇文王以興  
周室

屯

日月之塗所行必到無有患悔  
無註



蒙

諷德頌功美周盛隆旦輔成周光濟

沖人

詩雅頌周公所作旦周公名相成  
王沖人成王也書云惟予沖人弗  
及知

需

童女無室未有配合空坐獨宿



無註

訟

穿鼻繫株爲虎所拘王母祝祠禍不成  
災遂然脫來

無註

師

黃帝神明八子聖聰佚受大福天下  
平康



黃帝軒轅氏至高陽氏有才子八  
八天下謂之八愷

比

深谷爲陵衰者復興亂傾之國民得  
安息中婦病困遂人冥室

人當作入

小畜

道遠遼絕路宿多悔頑翬相聚生我



畏惡

無註

履

旦樹菽豆暮成藿羹心之所樂志快

心懽

無註

泰

切切之患凶憂不存虎不敢齧利當



我身

無註

否

無註

王伯遠宿長婦在室異袍恃食所求

不得

無註

同人

無註

寒燠失時陽旱爲火雖耗無憂



無註

大有

雖窮復通履危不凶保其明功

無註

謙

狼虎所宅不可以居爲我患憂

無註

豫



喋囁處曜昧冥相傳多言少實語無成事

無註

隨

履冰蹈凌雖困不窮播雀登巖卒無憂凶

凌陰水室也

蠱



文文墨墨憂禍相雜南北失志東西

不得

音無註

臨

爭訟不已更相談詢張季弱日被髮

北走

音詒

觀



德積逢時宜其美才相明輔聖拜受  
福休長女不嫁後爲大悔

無註

噬嗑

江水沍沍思附君子伯仲爰歸不我  
肯顧姪娣恨悔

不姪音迭詩云江有沍之子歸不我  
過不我過其嘯也歌又云江有沍



之子歸不我以不我以其後也悔  
按詩傳水決復入爲汜今江陵漢  
陽安復之間蓋多有之沱江之別  
者之子媵妾指嫡妻而言也婦人  
謂嫁曰歸我媵自我也能左右之  
曰以謂挾已而偕行也是時汜水  
之旁媵有待年於國而嫡不與之偕  
行者其後嫡被后妃夫人之化乃



能自悔而迎之故滕見江水之有  
汜而因以起興言江猶有汜而之  
子之歸乃不我以雖不我以然其  
後也亦悔矣

賁

光禮春成陳寶雞鳴陽明失道不能  
自守消亡爲咎

按秦紀索隱註曰漢書郊祀志云



文公獲若石云于陳倉北坂城祠  
之其神來若雄雉其聲殷殷云野  
鷄夜鳴以牢祠之號曰陳寶又臣  
瓚云陳倉縣有寶夫人祠歲與葉  
君神會祭于此者也

剝

驚虎無患虞爲我言賴得以安

無註



復

偽言妄語轉相註誤不知狼麴

無註

无妄

履悖自敵凶憂來到痛不能笑

無註

大畜

牽尾不前逆理失臣惠朔以奔



春秋左右公子立黔牟衛朔奔齊

頤

三狸搏鼠遮遏前後死於環城不得  
脫走

無註

大過

言笑未卒憂來暴卒身墨丹索檻囚  
裝束



卷九  
二十六  
無註

坎

陰積不已雲作淫雨傷害平陸民無

室屋

無註

離

山林麓藪非人所處鳥獸無禮使我

心苦



無註

咸

新作初陵踰蹈難登三駒推車跌頻

傷頤

無註

恒

魂微惛惛行續聽絕曠然大通復更  
生活



無註

遜

欒子作殃伯氏誅傷州犂奔荆去其  
邑鄉

春秋成公十五年冬十月晉三卻  
害伯宗諸而殺之及欒弗忌伯州  
犂奔楚

大壯



高明大形造惡作凶無所能成還自滅身

高明大形作驕胡犬形義通

晉

陳辭達城使安不傾增榮益譽以成功名

無註

家人



三杞無棗家無積羨使鳩求婦頑不

我許

無註

睽

慎禍重病顏子爲友乃能安存牢戶  
繫羊乃能受慶

顏子即顏淵

蹇



鹿得美草嗚呼其友九族和穆不憂  
飢乏

詩鹿鳴篇云呦呦鹿鳴食野之苹  
我有嘉賓鼓瑟吹笙

解

亡玉失鹿不知所伏利以避危全我  
生福甘雨時降年歲有得

無註



損

逢時得當身受福慶

無註

益

鵠思其雄欲隨鳳東順理羽翼出次  
須日中留北邑復反其室

無註

夬



環堵倚鋤升升屬口貧賤所處心寒  
昨苦

無註

妬

孤獨特處莫依爲輔心勞志苦

無註

困

絕而復通雖達不窮終得其願姬姜



相從

無註

井

陽井悖狂拔劍自傷爲身坐殃

井當作氏陽氏即陽虎也

革

方圓不同剛柔異鄉掘井得石勞而

無功



無註

鼎

乘風兩會與飛鳥俱動舉千里見我

愛母

無註

震

三塗五岳陽城太室神明所扶獨無

兵革



三塗山名在河南伊闕縣陽城山  
谷名在嵩山下太室山名

良

鴟鵂取婦深目窈身折腰不媚與伯  
相背

無註

萃

稷爲堯使西見王母拜請百福賜我



喜子長樂富有

稷后稷王母古神仙也

升

鳴條之郊北奔犬胡左衽爲長國號  
匈奴王君旄頭立尊單于

樂彥括地譜云夏桀無道湯放之  
鳴條三年而死其子葷粥妻桀之  
衆妾避居北野隨畜移徙中國謂



之匈奴單于者廣大之貌尊稱之

漸

轉行軌軌行近不遠旦夕入門與君

笑言

無註

歸妹

求利難國逃去我北復歸其城不爲  
吾賊



無註

豐

日月之途所行必到無凶無咎安寧

不殆

無註

旅

管仲遇桓得其願歡膠自啓牢振冠  
無憂笑戲不止空言妄行



鮑叔舉管仲於齊桓公任以為相  
膠目啓牢未詳

巽

出入蹈踐動順天時俯仰有節禍灾  
不來

無註

兌

内崩傷中上亂無恒雖有美粟我不



得食

無註

換

逐禍除患道德神仙遏惡萬里福常  
在前身樂以安

無註

節

牛驚馬走上下渾擾鼓音不絕頃公



奔敗

春秋魯成公二年衛孫桓子魯臧  
宣叔晉卻克與齊頃公戰晉人援  
桴而鼓馬逸不能止師從之頃公  
敗績

中孚

西上九阪往來留連止須時日虛與  
有得



無註

小過

虎怒捕羊謂不能攘

無註

既濟

踊泉瀉瀉南流不絕卒爲江海壞敗  
邑里家無所處將帥襲戰獲其醜虜

無註




未濟

桃弓韋戟除殘去惡敵人執服

無註

易林卷第九




















895.108

Ss7s2

v. 405

LIBRARY  
OF THE  
UNIVERSITY OF ILLINOIS

焦氏易林


+

CHINA















易林卷第十

䷢

離下家人  
巽上

天命赤鳥與兵徼期征伐無道誅其  
君傲居止何憂

史武王渡河有火自上復于下至  
于王屋流為鳥其色赤故武王伐  
紂以應赤鳥之祥

之乾



千歲槐根身多斧癰傷癰擣理枝葉

不出

無註

坤

嘖嘖譔譔虎豹相齧懼畏悚息終無

難惡

無註

屯



娶於姜呂駕迎新婦少齊在門夫子  
懽喜

按春秋昭公二年夏四月韓須如  
齊逆女齊陳無宇送女致少姜少  
姜有寵於晉侯晉侯謂之少齊姜  
齊姓

蒙

膏壤肥澤民人孔樂宜利居止長安



富有

無註

需

生有聖德上配大極皇靈建中授我以福

書仲虺之誥成湯曰王懋昭大德建中于民

訟



耄老蒙鈍不見東西少者弗慕君不  
與謀懸輿致仕退歸里居

漢薛廣德上疏乞骸骨歸里懸車

師

三狂北行道逢大狼暮宿患澤為禍

堪傷

無註

比



更且初歲振除禍敗新衣元服拜受  
利福

且當作旦元服首服也

小畜

杲杲白日爲月所食損上毀下鄭昭  
出走

按春秋鄭莊公娶鄧曼生世子忽  
又娶宋雍氏生公子突魯桓十一



年莊公卒忽立祭仲歸復立突忽  
出奔衛忽鄭昭公名

履

君子失意小人得志亂擾並作姦邪  
充塞雖有百堯顛不可救

無註

泰

仁德履洽恩及異域澤被殊方福慶



隱伏作蠶不織寒無所得

無註

否

東求金玉反得弊石名曰無宜字曰

醜惡衆所賤薄

無註

同人

擊鼓合戰士怯叛亡威令不行敗我



成功

無註

大有

仲春孟夏和氣所舍生我嘉福國無

殘賊

無註

謙

尹氏伯奇父子生離無罪被辜長舌



為災

伯奇尹吉甫之子父娶後妻而譖  
伯奇於吉甫父逐之言無罪而見  
逐皆後母長舌所為也

豫

三穀不熟民苦困急駕之新邑嘉樂  
有德

無註



隨

登虛望貧暮食無殮長子南成與我  
生分

無註

蠶

東市齊魯南賈荆楚羽毛齒革為吾  
利寶

書禹貢荆及衡陽惟荊州厥貢羽



毛齒革

臨

節情省欲賊殺有度家給人足公劉以富

賊殺當作賦歛公劉后稷之曾孫也詩云乃積乃倉又言其既庶既繁

觀



恭寬信敏功加四海辟去不祥喜來從母

語子張問仁於孔子孔子曰能行五者於天下為仁矣請問之曰恭寬信敏惠

噬嗑

張狂妄作與惡相逢不得所欲生我獨凶



無註

賁

畫龍頭頸文章不成甘言美語詭辭

無名

無註

剝

騎龍乘風上見神公彭祖受剝王喬  
讚通巫咸就位拜壽無窮



彭祖古之有壽者王喬古仙人巫咸商臣名

復

溫仁君子忠孝所在八國為隣禍灾不虞

無註

無妄

威權分離烏夜徘徊群蔽目光大人



誅傷

無註

大畜

學靈三年聖且明神先知善祥吉喜  
福慶神鳥來見告我無憂

無註

頤

東山家辭處婦思夫伊威盈室長股



羸戶歎我君子役日未已

東山周公東征之詩我徂東山  
惓不歸又曰鸛鳴于垤婦歎于室  
又曰伊威在室伊威者鼠婦也室  
不掃則有之羸當作羸果羸枯樓  
也詩曰果羸之實亦施于宇蓋述  
其歸未至而思家之情也

大過



張頷開口舌直距齒然諾不行政亂

無緒

無註

坎

吹角高邦有夫失羊衆民驚惶敬言慎

避咎勅不行殃

無註

離



南行出城世得福祉王姬歸齊賴其所欲

春秋莊公元年王姬歸于齊言王室之女下嫁于諸侯也

咸

心狂老悖視聽聳類政令無常下民多孽

無註



恒

安上宜官一日九遷踰群超等牧養

恒山

漢田千秋一日九遷其官

遜

東鄰嫁女為王妃后莊公築館以尊

王母歸于京師季姜悅喜

春秋魯莊公元年王姬下嫁於齊



命同姓諸侯主之魯以姬姓故築  
館而迎之冬王姬歸于齊桓公九  
年春紀季姜歸于京師為桓王后

大壯

六甲無子已喪其戊五丁不親庚失  
曾孫癸走出門

未詳

癸



安床厚褥不歸久宿弃我喜讌困於  
南國投杼之憂弗成禍災

戰國策秦甘茂曰魯人與曾參同  
姓名者殺人人告其母曰吾子不  
殺人織自若至於告之者三其母  
懼乃投杼而走

明夷

騎豚逐羊不見所望經涉虎廬亡身



失羔

無註

晉

陰霧不清濁政亂民孟秋季夏水壞

我居

無註

蹇

五方四維平安不危利以居止保有



玉女四

無註

解

西賈巴蜀寒雪至轂欲前不得復反  
其室

巴蜀皆地名

損

剛柔相呼二姓爲家霜降旣同惠我



以仁

無註

益

天馬五道炎火分處往來上下住又  
駒亡衣柔巾麻相隨哭歌凶惡如何

未詳

夫

出門懷憂東上禍立與凶相遇自為



災患

無註

遘

西行求玉異得隨璞反見凶惡使我

驚惑

無註

萃

出入無妄動作失利銜憂懷禍使我



多悴

無註

升

高樓無柱顛僵不久紂失三仁身死

牧野

史記商紂無道造鹿臺為瓊室高  
千尺罷苦萬民之力三仁微子箕  
子比干紂不能用其後武王伐紂



于商郊牧野

草

泉涸龍憂箕子為奴于叔隕命殷破  
其家

箕子紂親戚諫紂不聽佯狂為奴  
紂之諸父比干也直言諫紂紂怒  
殺之剗視其心

鼎



向食飲酒嘉賓聚會祥羊大猪君子  
饒有

無註

困

避禍逃殃身外不傷高貴疾顛華落

墮凶

無註

井



張牙反目怒  
齮作怒狂馬  
燒犬道驚

傷軫

未詳

震

黃牛駢犢東  
行折角異得  
百牂反亡

我囊

無註

良



路多枳棘步刺我是不利旅客為心  
作毒

無註

漸

執斧破薪使媒求婦和合二姓親御  
斯酒居比鄰里姑公悅喜

無註

歸妹



駕車出門順時宜西福祐我身安寧

無患

無註

豐

日新東從魁杓為禍僕臺為秦使我

久坐

未詳

旅



山陵丘墓魂魄室屋精光竭盡長卧  
無覺

無註

巽

孩子貪餌為利所說探把金甌爛其  
臂手

無註

允



何材待時閑戶獨愁丘蚓冬行解我  
無憂桑蚕不得女功弗成

無註

渙

解商驚惶散我衣裝君不安邦

無註

節

害政養賊背主入愆跋行不安國危



為患

無註

中孚

禍走患伏喜為我福凶惡消去災害

不作

無註

小過

老馬無駒病雞不鷄三雌獨宿利在



山北

無註

既濟

播天舞地曉亂神所居樂無咎

無註

未濟

異國殊俗情不相得金木為仇酉賊

檀穀



未詳

三

三  
兌上睽  
兌下睽

倉盈庾億宜稼黍稷年歲有息

詩楚茨我倉既盈我庾維億我黍  
與與我稷翼翼此言述公卿之有  
田祿力於農事而作也

之乾

被服文衣遊觀酒池上堂見觴喜為



吾兄使我憂亡

無註

坤

邑姜叔子天文在手實沈參虛封爲

晉侯

邑姜武王后叔子即太叔當邑姜

方震太叔夢帝謂已余命而子曰

虞及生有文在手曰虞遂以命之



及成王滅唐而封太叔焉參為晉  
星實沈參神也出左傳魯昭公元  
年

屯

改柯易葉飯溫不食豪雄爭強先者

受福

無註

蒙



馨香陟降明德上登社神祐顧命予

大鄰

詩文王陟降在帝左右帝上帝也

需

老狼白驢長尾大狐前顛卻躡進退

遇崇

無註

訟



山沒丘浮陸為水魚驚雀無廬

無註

師

懿公淺愚不深受謀無援失國為狄所賊

春秋閔公三年狄人伐衛懿公好鶴鶴有乘軒者將戰國人皆曰使鶴遂為狄所滅



否

隔在九山往來勞難心結不通失其所權

無註

同人

下流難居狂夫多罷貞良溫柔年歲不富

無註



大有

狐狸雉兔畏人逃去分走竄匿不知  
所處

無註

謙

異體殊俗各有所屬西隣孤嫗欲寄  
我室主母罵詈終不可得

無註



豫

怒非怨妬貪得腐鼠而呼鵲鸛自令  
失餌致被困患

無註

隨

五心六意岐道多怪非君本志生我  
恨悔

大序  
無註



蠱

三班六黑同室共食日長月息我家  
有德

無註

臨

方船備水旁河燃火終身無禍

無註

觀



翳屏獨語不聞朝市以利居服兔跛

後聞

無註

噬嗑

以處不安從反觸患

無註

賁

剝剝髡人所殘弃批捍之言我心



不快

剝音擎髡音坤剝音又

剝

皐田禾黍搥壤麻皐衣食我躬室家

饒有

無註

大畜

匿病不醫亂政傷災紂作淫虐商破



其墟

書商紂無道淫酗肆虐武王伐之  
遂滅商

無妄

金城朔方外國多羊履霜不時去復  
爲憂

無註

大過



焱風卒起車馳袍褐奔古追亡失其  
和節心憂惓惓

無註

頤

鬼泣哭枉悲傷無後甲子昧爽殷人  
絕祀

書曰甲子昧爽王朝至于商郊牧  
野伐紂滅殷



商

隨風騎龍與利相逢田獲三狐商伯  
有功衝衝之邑長安無他

周易解九二田獲三狐狐者邪媚  
之獸三狐指卦之三陰也

坎

耄老不明聞善不從自令顛沛敗爲  
咎殃



無註

復

兩目失明日奪無光脛足跛躄不可  
以行頓於丘傍

無註

咸

三牛五牂重明作福使我有得疾人  
官獄憂在心腹



無註

恒

孟已乙丑哀呼尼父明德訖終亂害  
滋起

乙當作已哀公十六年四月已丑  
孔子卒

遁

華燈百枝消闇衰微精光訖盡奄如



灰縻

無註

大壯

鷹飛雉退兔伏不起弧張狼鳴野雞  
飛驚

無註

晉

聞戰天門身有何患室家具在不失



其歡

無註

明夷

東家殺牛行逆腥臊神背西顧命衰  
絕周亳社災燒宋人夷誅

易曰東鄰殺牛不如西鄰之禴祭  
春秋魯襄公三十年五月鳥鳴于  
亳社甲午宋大災亳當作亳



家人

陰陽辨舒二姓相合婚姻孔云生我

利福

無註

蹇

東入海口循流北走一高一下五邑

無主十日六夜死於水渚

未詳



解

孤竹之墟失婦無夫傷於蒺藜不見  
其妻東郭棠姜武氏以亡

孤竹國名易繇曰困于石據于蒺  
藜入于其宮不見其妻凶棠姜齊  
棠公之妻東郭偃之姊也武氏崔  
武子杼出左傳

損



天戶東墟盡既為災跽蹠黯聾秦伯  
受殃

跽音迸蹠音湊

益

賴先休光受福之祉雖遭亂潰獨不  
危殆

無註

夬



折若蔽目不見穉叔三足孤鳥遠去  
家室

目當作日楚詞折若木以拂日兮  
若木木名在崑崙西極其華光照  
下地抱朴子日中有三足鳥

遘

二人同室兄弟合食和樂相好各得  
所敬



無註

萃

繼體守蕃縱欲廢賢君臣淫遊夏氏  
失身側室之門福祿來存

按左傳陳靈公與孔寧儀行父通  
於夏姬皆乘其相服以戲于朝後  
陳靈公與孔寧儀行父飲於夏氏  
公謂行父曰徵舒似女對曰亦似



君徵舒病之十一年楚人殺陳夏  
徵舒

升

老狐屈尾東西為鬼病我長女坐涕  
詘指或西或東大華易誘

狐妖獸也鼻尖尾大性多疑出名  
山記

困



大樹之子百條共母當夏六月枝葉  
盛茂鸞鳳以庇邵伯避暑穉穉印甚  
各得其所

無註

井

井堙木刊國多暴殘秦王失成壞其  
太壇

襄公二十五年陳侯會楚子伐鄭



當陳隧者并堙木刊史記楚將沛  
公破秦兵入咸陽降子嬰羽燒秦  
宮室火三月不息此言秦王失其  
戍守而至於社稷壞矣

葦

駕黃買蒼蒼與利相迎心獲所守不累  
弟兄

黃驪黃蒼蒼耳皆馬也



鼎

無註

庾億倉盈年歲安寧稼穡熟成

無註

震

人生馬淵壽老且神飛騰上天舍宿

軒轅居常樂安

無註

艮

思歸所之八今豈知我非道憂美



思顧所之乃令逢時洗我故憂拜我  
歡來

無註

漸

魁罡所當初為敗殃君子留連困於  
水漿求金東山利在代鄉賈市有息  
子載毋行

無註



歸妹

鉛刀攻玉無不鑢鑿龍體其舉曾班  
為輔三仁翼事所求必喜

魯班公輸子之名

豐

喜來如雲舉家蒙歡眾才君子駕福

盈門

無註



旅

響像無形骨體不成微行衰索消滅

無名

無註

巽

積水不溫北陸苦寒露宿多風君子

傷心

無註



允

黃馬綠車駕之大都讚達才能使我  
無憂

無註

渙

從風放火艾芝俱死三害集聚十子  
患傷

艾草名芝靈草被火則俱死即玉



石俱焚之義三害未詳

節

一身三手無益於輔兩足共節不能

克敏

未詳

中孚

南向一室風雨並入塵埃積濕主母  
盲痺偏枯心疾亂我家資



無註

小過

採薇出車魚麗思初上下促急君子  
懷憂

采薇出車魚麗皆詩篇名采薇言  
出戍之時采薇以食而念歸期之  
遠也出車之詩勞還率也魚麗之  
詩燕饗之樂歌也



既濟

先易後否告我利市騷蘇自苦思吾

故止

無註

未濟

生宜地乳上皇大喜降我社福貴壽

無極

無註



三三  
艮下坎上蹇

同載共輿中道別去喪我元夫獨與  
孤居

無註

之乾

叔盼拘寃祁子自邑乘遽解患羊舌  
免晚賴得全生

按春秋叔盼即叔向祁子即祈奚



羊舌虎叔向弟也晉范宣子殺虎  
囚向祁奚聞之乘駟而見宣子言  
叔向之善宣子悅言諸公而免之  
盼當作盼晚當作脫

坤

兎聚東郭衆犬俱獵圍缺不成無所  
能獲

東郭斂海內之狡兎



屯

作室山根人以為安一旦崩頽敗我  
盤殮

無註

蒙

疾風塵起亂擾崩始强大并小先否  
後喜

無註



需

潔齊浴沐思明君德哀公怯弱風氏  
復比

春秋哀公十四年六月甲午齊陳  
恒弑簡公于舒州孔子齊三日沐  
浴而朝告請討之公使告季氏此  
言哀公怯弱而受制於季氏不敢  
專也



訟

土瘠瘦薄培塿無栢使我不樂

無註

師

褰衣涉河水深漬罷賴幸舟子濟脫

無他

無註

比



送我季女至于蕩道齊子曰夕夕留  
連颺

季女齊子齊襄公妹魯桓公夫人  
也桓公十八年公與夫人姜氏如  
齊詩云魯道有蕩齊子庸止

小畜

三孫六子安無所苦中歲發殆亡我  
所使



無註

履

偃風揚草塵埃俱起清濁溷散忠直

隱處

無註

泰

歷險登危道遠勞罷玄豕自歸困涉

大波



無註

否

六藝之門仁義俱存  
鎡基逢時堯舜  
爲君傷寒熱溫下室黃泉

六藝禮樂射御書數

同人

被服文衣遊觀酒池上堂見觴喜爲  
吾兄使我憂亡



史記商紂無道始爲象箸箕子歎  
曰錦衣九重高臺廣室稱此以求  
天下不足矣又爲酒池肉林武王  
伐之遂亡其國

大有

生時不利天命災至制於斧癰晝夜  
苦勤

無註



謙

天門開闢牢戶寥廓桎梏解脫拘囚

縱釋

無註

豫

川淵難遊水為我憂多言少實命鹿  
為駒建德開基君子逢時利以仲疑

無註



隨

鄉歲逢時與生爲期枝葉盛茂君子  
無憂

無註

蠱

六鵠退飛爲衰敗祥陳師合戰左股  
夷傷遂崩不起霸功不成

春秋僖公十六年正月六鵠退飛



謙

天門開闢牢戶寥廓桎梏解脫拘囚

縱釋

無註

豫

川淵難遊水為我憂多言少實命鹿  
為駒建德開基君子逢時利以仲疑

無註



隨

鄉歲逢時與生爲期枝葉盛茂君子  
無憂

無註

蠱

六鵙退飛爲衰敗祥陳師合戰左股  
夷傷遂崩不起霸功不成

春秋僖公十六年正月六鵙退飛



過宋都二十二年十一月宋公及  
楚人戰于泓宋師敗績公傷股二  
十三年五月公卒傷於泓故也鵠  
當作益

臨

雷君出裝隱隱西行霖雨不止流爲  
巨江南國以傷

無註



觀

牙孽生齒室蟠啓戶幽人利貞鼓翼  
起舞

按後卦小畜之睽一作牙孽生達  
義通

噬嗑

火起上門不爲我殘跳脫東西獨得  
生完不利出鄰病疾憂患



無註

賁

舉事無成不利出征言不可用衆莫

能平

無註

剝

老狼白驢長尾大狐前顛卻躡進退

遇崇



無註

復

日入道極勞者休息班馬還師復我  
燕室

春秋襄公十八年齊師夜遁有班  
馬之聲註馬不相見故鳴班別也  
無妄

林麓山藪非人所處鳥獸無禮使我



心苦

無註

大畜

蓄利積福日新其德高氏飲食憂不  
爲患

無註

頤

張羅百目鳥不得比縮頸挂翼困於



審國君子治德獲譽受福

無註

大過

伯虎仲熊德義淵弘使布五教陰陽  
順序

按史高辛氏之子有曰伯虎仲熊  
舜舉八愷使主后土爲伯益之佐  
伯虎疑即仲虎也五教者父子有



親君臣有義夫婦有別長幼有序  
朋友有信

坎

跛躄相隨日暮牛罷凌遲後旅失利

亡雌

大過無註

離

羸氏違良使孟尋兵師老不已敗於



齊鄉

春秋僖公三十二年杞子自鄭使  
告于秦曰鄭人使我掌北門之管  
若潛師以來國可得也秦穆公訪  
諸蹇叔蹇叔曰勞師以襲遠非所  
聞也公辭焉召孟明西乞白乙使  
出師遂敗于殽秦嬴姓

咸



卷十 四十六  
日月並居常闇且微高山崩巔丘陵

為谿

無註

恒

鳥鵲食穀張口受哺蒙被恩德長大

成就柔順利貞君臣合好

無註

遯



雖躓復起不毀牙齒克免平復憂除  
無疾

無註

大壯

草木黃落歲暮無室虐政爲賊大人

失福

無註

晉



避凶東走反入禍口制於牙爪骨爲

灰土

無註

明夷

欲飛不能志苦心勞福不我求

無註

家人

羔裘豹袂東與福遇駕迎吾兄送我



驪黃

無註

睽

東耕破犁西失良妻留害不避家貧

無資

無註

解

魚陸失所鳧龜困苦澤無隄蒲晉國



以虛

鼃音蛙  
薩音桓

損

行役未已  
新事復起  
姬姜勞苦  
不得

休止

無註

益

脫足無蹄  
三步五罷  
南行不進  
後市



身苦

無註

夫

白日揚光火爲正王消金厭兵雷車  
避藏陰兩不行民安其鄉

無註

遠

放銜垂轡犇馬不制弃法作姦君失



其位

無註

萃

司命下遊喜解我憂皇母緩帶嬰子

笑喜

無註

升

黃帝出遊駕龍乘馬東上大山南過



齊魯邦國咸喜

黃帝邑於涿鹿之阿遷徙無常以  
兵師爲營衛後得六相而天地治  
神明至

困

既往不說憂來禍結此戶爲患無所  
中雪

無註



井

荷蕢隱名以避亂傾終身不仕遂其

潔清

論語有荷蕢而過孔氏之門者註

云荷蕢隱士也

革

折挺春稷君不得食頭痒搔跟無益  
於疾



無註

鼎

植根不固華葉落去便爲枯樹

無註

震

凶門生患牢戶多冤沙池禿齒使叔

困貧

無註



艮

無註

登山履谷與虎相觸謂爲功曹班叔  
奔北脫之喜國

史記龜策傳郭璞曰蝟能制虎

漸

無註

麟鳳所翔國無咎殃賈市十倍復歸

惠里

無註



歸妹

路險道難水遏我前進往不利迴車  
復還

無註

豐

延頸望邑恩歸其室臺樹不成未得

安息

無註



旅

蒙生株瞿棘挂我須小人妬嫉使恩

不遂

無註

巽

南至隱域深潛處匿聰明閑塞與死

爲伍

無註



允

機餌設張司暴子良范叔不廉凶害  
及身

春秋鄭子孔乃子良之父其為政  
也專國人患之殺子孔而分其室  
子良奔楚魏范睢字范叔嘗從須  
賈使齊齊王喜其辨賜睢金與牛  
酒賈歸告魏相魏齊疑告以國陰



事魏齊怒咎擊睢折脅摺齒置於  
廁使醉客溺之

渙

從騎出門遊戲空城阪高不進利無  
所得

無註

節

西國強梁爲虎作狼東吞楚齊并有



其王

史記秦為狼虎之國始皇王翦虜  
楚王負芻以其地置楚郡二十六  
年王賁自燕南攻齊齊王遂降而  
天下混一

中孚

登山伐輻虎在我側王孫無懼仁見  
不賊



不無註

小過

六月睽睽各欲有望後來未壯俟時

旦明

無註

既濟

道涉多阪牛馬蛇螭車不麗載請求  
不得



無註

未濟

一口三舌相妨無益群羊百牂不爲

威強亡馬失駒家耗於財

無註

三三坎下解  
震上解

駕行出遊鳥鬪車前更相粹滅兵寇

旦來迴車亟還可以無憂



無註車正氣下以無憂

之乾

大都之居無物不具抱布貿絲所求必得

詩氓之篇氓之蚩蚩抱布貿絲匪來貿絲來即我謀

坤

膠着木連不出牢閤家室相安



無註

屯

孟伯食長懼其畏王賴四蒙五抱福

歸房

無註

蒙

防輿疲駟不任銜轡君子服之談何

容易



無註

需

許嫁既婚利福在身適惠生桓爲我

魯君

左傳宋武公生仲子仲子生而有

文在手曰爲魯夫人故仲子歸于

惠公生桓公

訟



入門大喜上堂見母妻子俱在兄弟  
饒友

無註

師

推車上山力不能任顛蹶蹉跌傷我

中心

無註

比



鴈飛退去不食其雛禽尚如此何況

人與

無註

小畜

福奔我走利不可得幽人利貞終無

怨慝

無註

履



夫妻反目不能正室翁云于南姬言  
還北並后匹嫡二政亂國

易小畜卦輿脫輹夫妻反目

泰

陽衰伏匿陰淫爲賊賴幸王孫遂至

喜國

無註

否



入山求玉不見和璞終日至暮勞無所得

卞和得玉璞三獻楚剖之果有美玉焉

同人

鳴鸞四牡駕出行狩合格有獲獻公飲酒

詩車攻篇言周宣王往狩于圃田



也田車既好四牡孔阜東有甫草  
駕言行狩

大有

覆手舉牘易爲功力月正元日平飲

致福

無註

謙

三火高明兩減其光高位疾顛驕恣



誅傷

無註

豫

裹糗荷糧與利相逢高飛有德君大

獲福

糗糒也擣粉熬豆為之

隨

道理和得人不相賊君子往之樂有



利福

無註

蠱

水土相得萬物蕃殖膏澤優渥君子

有德

無註

臨

天孫帝子與日月颺光榮於世福祿



繁祉

無註

觀

陪依在位乘非其器折足覆餗毀傷  
寶玉

易鼎卦九四鼎折足覆餗公餗其形  
渥凶

噬嗑



鵲飛中退舉事不遂且守仁德猶免  
失墜

鵲當作鵲春秋宋六鵲退飛襄公  
問於周内史叔興曰是何祥也對  
曰君將得諸侯而不終

賁

經棘正冠意盈不廉桀紂速讒惑佞  
傷賢使國亂煩一作桀紂迷惑讒佞



傷賢

夏桀商紂皆傷賢敗國之君也

剥

申酉退跌陰慝前作柯條華枝復泥

不白

未詳

復

平正賤使主服苦事



無註

無妄

釣魴河湄水長無涯振手徒歸上下  
昏迷屬公孫齊

春秋魯昭公二十五年公孫干齊  
居於陽州內諱奔謂之孫作去聲

大畜

胎養萌生始見兆形遭逢雷電摧角



折頸採蜜山頭終安不傾

詩載馳篇云陟彼阿丘言采其蟲  
蟲貝母也主療鬱結之疾

頤

陽春枯槁夏多水潦霜雹俱擊傷我

禾黍年歲困苦

無註

大過



三身六齒痛疾不已齧病蠹缺墮落  
其宅

齧音矩齒蠹也

坎

失恃無友嘉禍出走僇如喪狗

家語孔子去魯累累若喪家之狗

離

寅重微民歲樂年息有國無咎君子



安喜

無註

咸

登几上車駕駟南遊合從散衡燕秦  
以強

蘇秦主從張儀主衡秦事燕儀事  
秦按禮部韻毛居正曰以六攻一  
爲從以一離六爲橫合之曰從衡



恒

無註

鳥集茂林順柔利貞心樂願得感戴

慈母

無註

遁

無註

啓蟄始生萬物美榮祉祿未成市賈

無盈

無註

大壯



大壯

驕胡犬形造惡作凶無所能成還自

滅身

無註

晉

異國他土出良駿馬去如奔害不

能傷

無註



明夷

恪敬竟職心不作  
慝君明臣忠民賴  
其福

無註

家人

三女求夫伺候山隅  
不見復關長思  
憂歎

詩氓之篇云不見復關  
泣涕漣漣



復關男子之所居不敢顯名故託  
言之此詩刺淫佚也

睽

駕福乘喜東至嘉國載慶南行離我  
室居

無註

蹇

四鄰爲殘齊魯道難前驅執爰戒守



無患

春秋魯僖公二十四年周襄王將以狄伐鄭富辰諫曰耳不聽五聲之和爲聾目不別五色之章爲昧心不則德義之經爲頑口不道忠信之言爲嚚狄皆有之四奸具矣衛詩云伯也執殳爲王前驅

損



下擾上煩蠹蠹為患歲飢無年一云  
既不一况有飢年

無註

益

雞稚失雛常畏狐狸黃池要盟越國  
以昌

春秋外傳吳王夫差會晉公午於  
黃池越王勾踐乃命范蠡帥師沿



海沂淮絕吳路始率中軍沂江以  
襲吳入其郛焚其姑蘇徙其大舟  
事在魯哀公十三年

夫

堅冰黃鳥終日悲號不見白粒但觀  
蓬蒿數驚鷺鳥孰為我憂

無註

遘



王統鐵順倉庫空虛賈市無盈與我  
爲仇一云時不我與我之利爲作一  
云倉庫滴空人誰與同

統當作銑按韻註鍾口兩旁曰銑  
又云銑金之澤者鐵順未詳

萃

竊名盜位居非其家霜隕不實爲陰  
所賊一云三年室失盜賊自生霜隕



非時菽麥不成

春秋隕霜殺菽註云菽難殺者殺  
菽知草皆死也

升

賊仁傷德天怒不福斬刈宗社失其  
本域博要云日中爲市各抱所有交  
易資貨探珠懷寶心悅歡喜

易繫辭日中爲市致天下之民聚



天下之貨交易而退各得其所蓋  
取諸噬嗑

困

萬物初生蟄蟲振起益壽增福日受  
其喜

無註

井

和氣所在物皆不朽聖賢居位國無



凶咎

無註

革

麟遊鳳舞歲樂民喜又云鳳舞麟遊  
賢聖作傳歲既豐稔人何以憂

無註

鼎

行行窘步次宿方舍居安不懼姬姜



何憂一云行幸國翫觀俗風君安自  
勞姬姜何憂

無註

震

水深難遊霜寒難涉商伯失利旅人

稽留

無註

艮



跛踦相隨日暮牛罷凌遲後旅失利  
亡雌

無註

漸

一年九鑠更相牽牽案明如市不得  
東西請讞得報日中被刑  
讞魚蹇切議獄也

歸妹



春桃生華季女宜家受福多年男為  
邦君

東詩周南桃夭篇桃之夭夭灼灼其  
華之子于歸宜其室家

豐

雷鼓東行稼穡凋傷大夫執政君替  
其明

春秋魯自文公薨公子遂殺子赤



立宣公而政在大夫則公室微矣

旅

季世多憂亂國淫遊殃禍立至民無

以休

無註

巽

發輓溫湯過角宿房宜時布和無所  
不通一本云布春令德明物轉芳



無註

兌

水中大賈求利食子商人至市空無  
所有

無註

渙

春草萌生萬物敷榮陰陽和調國樂  
無憂樂一和暢何事不亨



無註

節

左眇右盲目視不明下民多孽君失其常

無註

中孚

悅以內安不利出門憂除禍消公孫何尤



無註

小過

丹書之信言不負語易我駢驥君子  
有德

史記漢高祖天下既定與功臣剖  
符作誓丹書鐵券金匱石室藏之  
宗廟

既濟



上政搔擾蝗蟲並起害我嘉穀年歲  
無稷

無註

未濟

竿旄旌旗執職在郊雖有寶珠無路  
致之

職當作幟衛詩千旄篇云子子千  
旄在浚之郊小序云美好善也



易林卷第十

萃動茲斯歸主膠輿有寶祿無能


未濟

無咎

無咎

上越辭財地是並時言時嘉慶平嵐























v. 406

焦氏易林

一一

CHINA







卷十一







易林卷第十一

䷧兌下  
艮上損

路多枳棘步刺我足不利孤客爲心

作毒

無註

之乾

鯉鮒鰕鰕勸福多魚資所有无富我  
邦家



勸助也見廣韻

坤

景星照堂麟游鳳翔仁施大行頌聲  
作興征者無明失其寵光

景星一名德星王者不私人以官  
使賢者在位則見

屯

羊腸九縈相推稍前止湏王孫乃能



上天

戰國策注趙險塞名山形屈辟如

羊腸

蒙

四手共身莫適所閑更相放接動失

事便

無註

需



水流趨下逮至東來求我所有買魴  
與鯉

無註

訟

春粟夏粟少鮮希有斗千石萬貫不

可販

無註

師



旦往暮還相祐與聚無有凶患

無註

比

大虵當路使季畏懼湯火之災切直  
我膚賴其天幸歸于生廬

漢高祖劉季被酒夜徑澤中有大  
蛇當徑遂拔劍斬之

小畜



從足去域飛入陳國有所畏避深藏

遂匿

無註

履

海爲水宗聰聖且明百流歸德無有

叛逆常饒優足

書禹貢江漢朝宗于海

泰



夏麥麴麴霜擊其芒病君敗國使年  
大傷

麴音孚麴古猛切

否

秋隼冬翔數被嚴霜雄父夜鳴家憂  
不寧

無註

同人



樂仁上德東鄰慕義來安吾國

無註

大有

逐憂除殃汙泥生梁下田爲汪

無註

謙

闇昧冥語轉相迷誤鬼魅所居誰知

卧處



無註

豫

南歷玉山東入玉關登上福堂飲萬

歲漿

無註

隨

比目四翼來安我國福善上堂與我

同床



無註

蠱

乘牛逐驥日暮不至路宿多畏亡其

驛驢

無註

臨

元吉無咎安寧不殆

無註



觀

奮翅鼓翼翱翔外國逍遙徙倚來歸

溫室

無註

噬嗑

河伯娶婦東山氏女新婚三日浮雲  
洒雨雨我菅茅萬家之祐

史記西門豹爲鄴令問民所疾苦



皆曰苦爲河伯娶婦不爲娶婦水  
漂人民豹曰至時來報吾亦往送  
女至其時豹往河上使吏抱大巫  
投河中吏民驚恐從是不敢復言  
河伯娶婦矣

貢

嬰兒求乳慈母歸子黃麋悅喜得見  
甘飽



麋鹿子也

剥

貧鬼守門日破我盆毀罌正傷缸空虛

無子

無註

復

多載重負捐弃於野子無稚子但自

勞苦



無註

无妄

雄狐綏綏登山崔嵬昭告顯功大福

允興

詩云南山崔崔雄狐綏綏

大畜

嬰兒孩笑未有所識狄童而爭亂我

政事



狄當作彼  
頤

十九同投爲雉所維獨得跳脫完全  
不虧

無註

大過

狐濟濡尾求橘得枳李妣懷悔鮑舍  
魚鳧死



易未濟亨小狐汔濟濡其尾言狐  
能渡水濡尾則不能濟也

坎

跌足息肩所忌不難金城銅郭以鐵  
爲關蕃屏周衛安止無患

無註

離

戴堯扶禹松喬彭祖西過王母道里



夷易無敢難者

堯禹皆仁德之君赤松王喬彭祖  
皆古之仙者

咸

京庾積聚黍稷以極行者疾至可以

厭飽

無註

恒



良夫孔姬脅惺登臺樂季不扶叔輒  
走逃

按春秋左傳孔伯姬與其豎渾良  
夫爲蒯聵劫孔惺登臺衛亂季路  
死焉衛輒奔宋

遯

天之所予福祿常在不憂危殆  
無註



大壯

行觸天剛馬死車傷身無慘賴困窮

乏糧

無註

晉

鉛刀攻玉堅不可得盡我筋力胝踵

為疾

無註



明夷

穆違百里使孟奮武將軍師戰敗於  
殽口

秦穆公違蹇叔之言使百里孟明  
視出師襲鄭孟即孟明視也

家人

有人追亡鳥言所匿不旅日得

無註



睽

府藏之富王以賑貸捕魚河海苟罔  
多得

無註

蹇

鴻飛遵陸公歸不復伯氏客宿

詩九罍篇云鴻飛遵陸公歸不復  
於汝信宿



解

鳧過稻廬甘樂廣鰭雖驚不去田畯  
懷憂

田畯田大夫農官也

益

雨師娶婦黃巖季子成禮既婚相呼  
面南膏潤應時年豐大喜  
博物志曰太公爲灌壇令武王夢



婦人當道夜哭問之曰吾是東海  
神女嫁於西海神童今爲灌壇令  
當道廢我行我行必有大風疾雨  
武王覺召太公問之果有疾風暴  
雨從太公邑外過

夾

畜積有餘冀土不居美哉輪奐出有

高車



高無註

遘

重門擊柝陵昧武守雖驚不懼一云

重門擊柝介士守護終有他道雖驚

不懼

易擊辭重門擊柝以待暴客蓋取

諸豫

萃



大都王市稠人多寶公孫宜賈其貸

萬倍

無註

升

秋隼冬翔數被嚴霜甲兵當庭萬物  
不生雄父夜鳴民擾以驚

無註

困



招禍致凶來螫我邦痛在手足不得  
安息

無註

井

秦失其鹿疾走先得勇夫慕義君子  
變服

史記蒯徹曰秦失其鹿天下共逐  
高材疾足者先得之



革

山陵四塞過我徑路欲前不得復還  
故處

無註

鼎

一指食肉口無所得舌饒於腹

左傳鄭公解龜召子公而弗與子  
公怒染指於鼎嘗之而出



震

晨夜驚馬駭不知所止皇母相祐卒得

安處

無註

艮

豺狼所言語無成全誤我白馬使乾

口來

無註



漸

呼精靈來魄生無憂疾病瘡瘳解我  
患愁

瘡音愈瘳音抽

歸妹

牧羊逐兔使魚相捕任非其人廢日  
無功一云卒歲無功不免辛苦

無註



豐

堂祥上樓與福俱居席地妃治國安  
無憂

未詳

旅

禹召諸臣會稽南山執玉萬國天下

康安

史記禹南巡狩會諸侯于塗山執



玉帛者萬國

巽

太姒文母乃生聖子昌發受命爲天

下主

大姒文王妃也文王名昌武王名  
發伐紂而有天下

允

兩宜同室免無誰告與狂相觸蒙我



以惡

無註

渙

桃雀竊脂巢於小枝動搖不安爲風  
所吹寒恐悚慄常憂殆危

桃雀即桃虫詩曰肇允彼桃虫註  
云鷦鷯也竊脂桑扈也

節



陽春長日萬物華實樂有利福一云  
春陽成長萬物華實福利所鍾忻忻  
過日

無註

中孚

鄰不我顧而望玉女身疾瘡癩誰肯  
媚者

無註



小過

涸旱不雨澤竭無流魚鼈乾口皇天  
不憂

無註

既濟

狼虎之鄉日爭凶訟受性貪負號食不能  
容縱

無註



未濟

陰注寒疾水離其室舟楫大作傷害  
黍稷民飢於食亦病心腹

無註

䷲ 震下益

文王四乳仁愛篤厚子畜十男無有  
折夭

淮南子云文王有四乳



之乾

下堂出門東至九山逢福值喜得其

安閑

無註

坤

城上有鳥自名破家招呼鳩毒為國

患災

無註



屯

伯虎仲熊德義淵聞使敷五教陰陽  
順序行溢多悔利無所得

按史高辛氏之子有曰伯虎仲熊  
爲伯益之佐伯虎疑即仲虎也五  
教父子有親君臣有義夫婦有別  
長幼有序朋友有信

蒙



飲酒醉酣跳起爭鬪手足紛拏伯傷  
仲僵東家治喪伯仲俱損因以治喪

無註

需

四目相視稍近同机日昃之後見吾

伯姊

無註

訟



隨時逐便不失利門多獲得福富於  
封君

無註

師

隴西冀北多見駿馬去如火熒颺害不  
能傷

焱音艷颺音羊

比



白龍黑虎起伏俱怒蚩尤敗走死於

魚首

史記軒轅修德治兵禽殺蚩尤於

涿鹿

小畜

鴻飛戾天避害紫淵雖有鋒門不能  
危身

無註



履

平國不君夏氏作亂烏號竊發靈公  
墮命

陳靈公通於夏姬其子徵舒病之  
出自廐射而中之事見宣公十年

泰

江漢上游政逆民憂陰伐其陽雄受  
其殃



其無註

否

東家殺牛聞臭腥臊神怒不顧命衰  
絕周亳社災燒妄夷誅愁

易曰東鄰殺牛不如西鄰之禴祭  
春秋魯襄公三十年五月鳥鳴于  
亳社甲午宋大災

同人



西誅不服恃彊負力倍道趨敵師走  
敗覆

按史記楚項梁西擊秦破章邯引  
兵至定陶再破秦軍項羽沛公大  
破秦兵於雍斬李由梁益輕秦有  
驕色宋義諫弗聽秦悉起兵益章  
邯擊楚軍大破之定陶項梁死焉

大有



大一婦六夫亂擾不治張王季疾莫適  
為公政道壅塞周君失邦

無註

謙

配合相迎利之四鄉昏以為期明星  
煌煌欣喜爽澤所言得當

無註

豫

西精不烈補憂負代計能



援隨高木不踈手足握金懷玉還歸  
其室

無註

隨

卷領遁世仁德不害三聖欣同周國  
茂興

按史周太王欲以國授季歷太伯  
仲雍知之太王病二人託採藥於



荆蠻以讓之故云遁世舍止息也  
言周之仁德不止息也三聖季歷  
文王武王也卷領未詳恐字有誤

蠱

去患脫厄安無怵惕上福喜堂見我  
懽兄

無註

臨



帶季兒良明知權兵將師合戰敵不能當趙魏以強

帶季即帶佗與兒良俱戰國時人善用兵知權變

觀

鵠思其雄欲隨鳳東順理羽翼出次  
湏日中留北邑復反其室

無註



噬嗑

耳如驚鹿不能定足室家分散各走

匿竄

無註

賁

甲乙丙丁俱位我庭三丑六子入門

見毋

未詳



剥

躡華巔觀浮雲風雨不博心安匿無咎患

無註

復

德施流行利之四鄉雨師洒道風伯逐殃巡狩封禪以告成功

巡狩者天子巡行諸侯所守之地



封禪封土為壇除地為禪古者帝  
王之興每易位而起必封乎泰山  
所以告成功也

无妄

水流趨下遂成東海求我所有買鱣

與鯉

無註

大畜



和氣相薄膏潤津澤生我嘉穀

無註

頤

憂驚以除禍不成災安全以來

無註

大過

堅冰黃鳥常哀悲愁不見白粒但覩

荻蒿數驚驚鳥驚鳥飄為我憂



卷十一  
三十一  
無註

坎

大翁翁輻輳實隨崩顛滅其命身

輻音田

離

因禍致福喜盈其室

無註

咸



佳居千里不見河海無有魚市

無註

恒

鹿得美草嗚呼其友九族和睦不憂

大  
飢乏

鹿鳴燕饗賓客之詩也曰呦呦鹿  
鳴食野之苹我有嘉賓鼓瑟吹笙

遯



出門得堂不逢禍殃入戶自若不見

矛戟

無註

大壯

巽尊重席命我嘉客福祐久長不見

禍殃

無註

晉



鳴鴻俱飛北就魚池鱣鮪有鯉多饒  
所有一筍獲兩利之過倍

無註

明夷

當風奮翼與鳥飛北入我嘉國見吾

慶室

無註

家人



卷十一  
麒麟鳳凰善政德祥陰陽和調國無

災殃

無註

睽

逐狐東山水過我前深不可涉失其

後便

無註

蹇



丑戌亥子飢饉前生陰陽暴客水絕  
我食

未詳

解

狐狸雉兔畏人逃去分走竄匿不知  
所處

無註

損



禁跖惡人使德不通炎旱爲殃年穀

大傷

無註

夬

兔乳在室行求雀食虎懼我子長號

不已

無註

遘



土階明堂禮讓益興雄二相得使民  
無疾

帝堯之時土階三尺周公宗祀文  
王於明堂以配上帝雄二相得未

詳

萃

送金出門并失玉丸往來并上破甕  
壞盆



無註

升

諷德誦功美周盛隆加其旦輔光濟  
沖人

周自文武興功德隆盛成王幼沖  
又得周公旦爲之輔書曰昔公勤  
勞王家惟予沖人弗及知

困



盜竊滅身貳母不親王后無黨毀其

寶貝靈

無註

井

六目睽睽各欲有至專止未壯候待

旦明

無註

革



卷十一  
崔行求粒誤入罟罟賴仁君子復脫  
歸室

無註

鼎

仁德孔明患禍不傷期誓不至室人  
銜恤

無註

震



龜厭江海陸行不止自今枯槁失其  
都市雖憂无咎

無註

艮

孤獨特處莫依爲輔心勞志苦

無註

漸

伯仲言留叔子云去雖自无咎主母



大喜

無註

歸妹

初憂不安後得笑懼雖懼無患

無註

豐

好戰亡國師不以律稱上隕墜齊侯  
狼戾其被災崇



齊頃公好用兵師出無度搆怨於鄰國其狠戾可知也

旅

鹿在澤陂豺傷其麋泣血獨哀

鹿獸名按韻府群玉千年爲蒼鹿  
又百年爲白鹿又五百年爲玄鹿  
麋鹿子也

巽



天地閉塞仁智隱伏商旅不行利潤  
難得

易坤文言曰天地閉賢人隱又復  
象曰先王以至日閉關商旅不行

允

福德之士懽悅日喜夷吾相桓三歸  
為臣賞流子孫

夷吾齊相管仲也三歸臺名婦人



謂嫁曰歸一娶九女而備三姓

渙

上無飛鳥下乏走獸亂擾未治民勞

於事

無註

節

據斗運樞順天無憂與樂並居

斗宿名南北二斗象皆如斗北極



有五星太乙常居其中是樞星也

中孚

戴瓶望天不見星辰顧小失大福逃

廬外

無註

小過

月削日衰工女下機宇宙滅明不見

三光



無註

既濟

操戟刺魚被髮立憂虎脫我衣狼取  
我袍亡馬失財

無註

未濟

兩人俱醉相與悖戾心乖不同爭訟  
匆匆



無註

三三  
乾下 夬

戴堯扶禹松喬彭祖西過王母道里  
夷易無敢難者

堯唐帝禹夏禹赤松王喬彭祖皆  
古仙人名

之乾

狼戾美謀無言不殊允厭帝心悅以



獲祐

無註

坤

歲暮華落陽入陰室萬物伏匿絕不

可得

無註

屯

雞鳴失時君騷相憂犬吠不休行者



稽留

無註

蒙

鳬鷖遊涇君子以寧履德不愆福祿

來成

詩鳬鷖守成也曰鳬鷖在涇公尸

來燕來寧又云公尸燕飲福祿來

成



需

薄爲藩蔽勁風吹却欲上不得復歸  
其宅

無註

訟

東行破車步入危家衡門垂倒無以  
爲主賣袍續食糟糠不飽

無註



師

青牛白咽呼我俱田歷山之下可以多耕歲稔時節民人安寧

無註

比

異國殊俗情不相得金木爲仇百賊

擄殺

無註



小畜

陰陽精液高熟晚拆胎郊成鬼肇生  
頭目日有大喜

無註

履

飢蠱作害偏多亂纏緒不可得

無註

泰



清泠如雲爲兵導先民人寃急不知

西東

無註

否

班馬旋師以息勞罷役夫嘉嘉喜入戶  
見妻

春秋齊師夜遁有班馬之聲註馬  
不相見故鳴班別也



同人

坐爭立訟紛紛勾勾卒成禍亂災及

家公

無註

大有

鹿食美草逍遙求飽日暮後門過期

乃還肥澤且厭

無註



謙

田鼠野雛意常欲去拘制籠檻不得

搖動

無註

豫

月趨日步周遍次舍歷險致遠無有

難處

無註



隨

天孫帝子與日月處光榮於世福祿

祉祉

無註

蠱

晨風文翰大舉就溫昧過我邑羿無

所得

詩駝彼晨風鬱鬱彼北林晨風鸛也



羿古之善射者

臨

旦生夕死名曰嬰鬼不可得視

無註

觀

疾貧望仕使伯南販開牢擇羊多得

大牂

無註



噬嗑

長城驪山生我大殘涉叔發難唐叔  
爲患

秦築長城建阿旁宮於驪山涉叔  
即陳涉也

賁

娶於姜呂駕迎新婦少齊在門夫子  
歡喜



春秋昭公二年夏四月韓須如齊  
逆女齊陳無宇送女致少姜少姜  
有寵於晉侯謂之少齊姜齊姓

剥

隨時春草舊枝葉起扶踈條挑長大  
美盛華沃鑠舒

無註

復



姬姜既懽二姓爲婚霜降合好西施  
在前

武王之妃太公呂望之女也周姬  
姓太公姜姓封于齊

无妄

戴笠獨宿晝不見曰勤苦無代長勞

悲思

大畜無註



大畜

始加元服二十繫室新婚既樂伯季  
有得

元服首服也

頤

二室靈臺文所止遊雲物備故長樂  
無憂

文王以民力爲臺爲沼而民歡樂



之謂其臺曰靈臺古者天子有靈  
臺所以觀祲象望雲物也

大過

久陰霖雨塗行泥潦商人依山市空

無有

無註

坎

城壞壓境數為齊病侵伐不休君臣



擾憂上下屈竭士民無財

無註

離

南國盛茂黍稷醴酒可以饗養樂我

嘉友

無註

咸

憂在心腹內崩爲疾禍起蕭牆意如



大制國

左傳意如魯大夫季平子名昭公  
二十五年伐季氏孟孫叔孫逐伐  
公徙公遜於齊次於陽州

恒

朽根則樹華葉落去卒逢火焮隨風  
僵仆

無註



遜

樹表爲壇相與期言午中不會寵名  
棄廢

司馬穰苴請於齊景公使莊賈監  
其軍苴與賈約曰日中會于軍門  
苴立表下漏以待賈日中而賈不  
至遂斬之

大壯



四足俱走奴罷在後德戰不勝敗於

東楚

無註

晉

執轡西朝回還故處麥秀傷心叔父

有憂

無註

明夷



長夜短日陰爲陽賊萬物空枯藏於  
北陸

漢志日行四陸春東陸夏南陸秋  
西陸冬北陸

家人

鴈鳩七子均而不殆長大成就弃而  
合好

詩曹風鴈鳩篇云鴈鳩在桑其子



七兮淑人君子其儀一兮其儀一  
兮心如結兮

睽

三羊上山馳至大原黃龍負舟遂到  
夷傷究其玉囊

史記禹濟江黃龍負舟舟中人懼  
禹仰天歎曰吾受命於天竭力以  
勞萬民生寄也死歸也余何憂於



龍顏色不變須臾龍俛首低尾而

逝焉

蹇

手足易處頭尾顛倒公為雌嫗亂其

蚕織

無註

解

登高望家役事未休王政靡盬不得



逍遙

四牡勞使臣之詩也云王事靡盬  
不遑將父

損

畏昏不行候待旦明燎獵受福老賴  
其慶

無註

益



卷十一 四十七  
孤獨特處莫依無輔心勞志苦

無註

遺

山石朽破消崩墮上下離心君受

其崇

無註

萃

文母聖子無疆壽考爲天下主人受



其福

文母者武王之母太姒也有莘姒  
大氏之女仁而明道文王嘉之親迎  
于渭納以爲妃朝夕勤勞以進婦  
道號曰文母生聖子武王周公旦  
武王伐紂遂有天下國祚永久受  
福無疆也

升



屈傀加俄前後相違言如鼉咳語不

可知

無註

困

五龍俱超強者敢走露我苗稼年歲

大有

無註

井



虎除善猛難爲政  
鑿驥疲鹽車困於  
銜箠

驥良馬服鹽車而上大行之阪遇  
伯樂輒長鳴出戰國策

革

江南多蝮螫於手足  
寃煩詰屈痛徹

心腹

無註



鼎

心無所據射鹿不得多言少實語成

無事

無註

震

君明主賢鳴求其友顯德之政可以

履事

無註



艮

安上宜官一日九遷踰群越等牧在  
常山

漢田千秋一日九遷其官

漸

俊辟解謝除去垢汙驚之成患嬰氏

醕殘

無註



歸妹

無註

翁狂嫗盲相牽北行欲歸高邑迷惑

不得

無註

豐

豐田千石一日其豐其言

醉卧道傍迷旦失明不全我生

無註

豐田千石一日其豐其言

旅



北登鬼丘駕龍東遊王叔御后文武  
何憂

無註

巽

恬淡無患遊戲道門與神往來長樂

以安

無註

允



以婚易系抱布自媒弃禮急情卒離  
憂悔

詩氓之蚩蚩抱布貿絲又匪我愆  
期子無良媒此婦人爲人所棄而  
自叙其事以道其悔恨之意也

渙

被服大冠遊戲道門以禮相終身無  
殃患



無註

節

大麓魚池陸為海涯君子失行小人

相携

無註

中孚

淵泉溢出為我邑崇道路不通孩子

心憤



卷十一  
五十二  
慣當作憤

小過

十里望煙散渙四分形體滅亡可入  
深淵終不見君

無註

既濟

傳言相誤非姦徑路鳴鼓逐狼不知  
迹處



無註

未濟

東失大珠西行弃襦時多不利使我  
後起

無註

三三乾上遺巽下

河伯大呼津不可渡往復爾故乃無  
大悔



莊子秋水時至百川灌河涇流之  
大兩溪涯渚之間不辨牛馬河伯  
自喜以爲天下之美盡在矣

之乾

蒙被恩德長大成就柔順貞利君臣

合好

無註

坤



東山西山各自止安心雖相望意不

同堂

無註

屯

登山上谷與虎相觸狷爲功曹班叔  
奔北脫之嘉國

史記龜策傳云郭璞曰狷能制虎  
狷刺端分兩岐似鼠少犯近則毛



刺攢起如矢也

蒙

躡跛未起失利後市

無註

需

結珠懷履卑斯以鬼爲君奴婢

無註

訟



雞鳴失時民僑勞苦厖吠有威行者

留止

無註

師

陳嬀敬仲示兆興姜乃寓營丘八世

大昌

按春秋傳陳嬀姓敬仲即陳公子  
完魯莊公二十二年奔齊使爲工



正初懿氏卜妻敬仲曰有媯之後  
將育于姜八世之後莫之與京姜  
齊姓營丘齊所封之地

比

鹿畏人匿俱入深谷短命不長爲虎  
所得死於牙腹

無註

小畜



言無約結不成契券殷叔季女公孫  
爭之強入委禽不悅於心乃適子南  
鄭徐吾犯之妹美公孫楚聘之矣  
公孫黑又使強委禽焉註云禽鴈  
也納采用鴈事見春秋魯昭公元  
年殷叔未詳

履

鼓瑟歌舞懽遺於酒龍喜張口大喜



在後

無註

泰

凶憂災殃日益章明禍不可救三卻  
夷傷

按春秋三卻晉大夫卻錡卻雙卻  
至成公十七年晉厲公侈多外嬖  
欲盡去群大夫而立其左右遂殺



三卻

否

水流趨下遂成東海求我所有買鱣

與鯉

無註

同人

陰爲陽賊君不能尅舉動失常利無所得



卷十一  
五十七  
無註

大有

離牀失案龜喪其願都市無會叔季  
懷恨

無註

謙

雍遏堤防水不得行火慎陽光陰堯  
伏藏走歸其鄉



覓當作覓

豫

壁屈復申本乘浮雲貴寵母前

無註

隨

實沈參罰以義斷割次陸服新成我

霸功

實沈參神參虛晉地也罰當作虛



蠱

金泉黃寶宜與我市娶嫁有息利得

過母

無註

臨

禹召諸侯會稽南山執玉萬國天下

康寧

史記禹南巡狩會諸侯于塗山執



玉帛者萬國

觀

三蟲作蠱踐跡無與勝毋盜泉君子  
不處

按史記鄒陽書里名勝毋曾子不  
入盜泉孔子不漱

噬嗑

華葉墮落公歸姬宅夷子失民潔白



不食

無註

賁

履機懼毀身王子廢終得所欲無有

凶害

無註

剥

道理和德仁不相賊君子攸往樂有



利福

無註

復

合輶同牢姬姜並居

無註

无妄

關雎淑女賢賢妃偶宜家壽母福祿

長久



詩關雎后妃之德也云關關雎鳩  
在河之洲窈窕淑女君子好逑

大畜

騏驥晚乳不知子處旋動悲鳴痛傷

我心

無註

頤

智崑絕理陰孽謀主十日不食困於



申亥

春秋昭公十三年夏四月楚公子  
比等因四族之徒以入楚殺太子  
祿及公子罷敵告乾谿之師使叛  
楚靈王還及訾梁而師潰遂依申  
亥夏五月王縊于申亥氏

大過

監諸攻玉無不穿齧金麟鳳成形德象



君子三仁翼事所求必喜

無註

坎

昧暮乘車以至伯家踰梁渡河濟脫

無他

無註

離

吾有黍梁委積外塲有用服箱運



我藏富於喜糧

無註

咸

喜笑且語不能掩口官爵並至慶賀

盈戶

無註

恒

霧露雪霜日暗不明陰孽生疾年穀



大傷

無註

遜

伯去我東髮擾如蓬寤寐長歎展轉  
空牀內懷悵恨摧我肝腸

詩衛風伯兮篇云自伯之東首如  
飛蓬又曰願言思伯使我心痠註  
云婦人以夫久役於外而作是詩



大壯

亡羊捕牢毋損於憂

無註

晉

販鼠賣卜利少無謀難以得家

鄭人謂玉未理者璞周人謂鼠未  
腊者朴周人懷朴過鄭賈曰欲買  
朴乎鄭賈曰欲之出其朴乃鼠也



因謝不取出戰國策

明夷

西戎爲疾幽君去室陳子發難項伯  
成就

春秋幽王十五年有西夷犬戎之  
難幽君即幽王也史記陳勝字涉  
秦二世元年起兵於蘄陳子即陳  
勝也項伯嘗以身蔽翼沛公卒成



漢業

家人

秋風生哀華落生悲公室多難羊舌氏衰

春秋魯昭公二十八年晉祁盈執祈勝晉侯執祁盈殺之及楊食我食我祁盈之黨也而助亂故殺之遂滅祁氏羊舌氏公室晉室晉侯



頃公也

睽

持福厭患去除天殘日長夜盡喜世

蒙恩

無註

蹇

新授大喜福復重來樂且日富是惟

豐財



無註

解

前頓却躋左跌右逆登高安梯復反

來歸

無註

損

夢飯不飽酒未入口嬰女雖好媒鴈

不許



無註

益

大都王市稠人多寶公孫宜賈資貨

萬倍

無註

夬

兩人俱醉相與悖戾心乖不同爭訟

匈匈



無註

萃

身無頭足超躡空乖不能遠之中道  
廢休失利後時

無註

升

三人俱行六目光明道逢淑女與我

驥子



無註

困

進仕爲官不若復田獲壽保年

無註

井

先易後否失我所市騷蘇自苦思吾

故土

無註



革

蘇氏發言韓魏無患張子馳說燕齊  
以安

按史記蘇秦說韓魏以合從張儀  
說燕齊以連衡

鼎

武庫軍府甲兵所聚非里邑居不可  
舍止



無註

震

一身三口莫適所與爲孺子牛田氏

主咎

按春秋傳孺子名荼齊景公妾彌鬲  
姒所生景公嘗銜繩爲牛使荼牽  
之故曰爲孺子牛

良



西山東山各自止安心雖相望竟未

上堂

無註

漸

不改柯葉和氣中適君子所在安無

怵惕

無註

歸妹



卷十一  
將戌擊亥陽藏不起君子散亂太山

危殆

無註

豐

天官列宿五神舍室宮闕完堅君安

其居

無註

旅



左手把水右手把火如光與鬼不可  
得從

無註

巽

逐狐東山水過我前深不可涉失利  
後便

無註

兌



水濱魚室來灌吾邑衝沒我家與狗

俱遊

未詳

渙

山險難登澗中多石車馳轆擊重載  
傷軸擔負善躑趺踣右足

無註

節



糟空無實豚彘不食庶民屈竭離其

居室

糟當作槽

中孚

執熱爛手火為災咎公孫母賴敗我

玉寶

無註

小過



三虎上山更相噬嚙心志不親如仇

與怨

無註

既濟

西家嫁子借隣送女嘉我淑姬賓主

俱喜

無註

未濟



尅身潔已逢禹巡狩錫我玄圭拜受  
福祉

書禹貢云禹錫玄圭告厥成功言  
水土旣平禹以玄圭爲贄而告成  
功于舜也水色黑故圭以玄云

易林卷第十一



日修養院十一

如子健步大司訓武州文叔市


本州府正書文叔州府縣縣縣縣

華山縣縣縣縣縣縣縣縣縣縣縣縣

華山

華山縣縣縣縣縣縣縣縣縣縣縣縣







夏



